

**De purgantibus : in secunda variolarum confluentium febre, adhibendis
epistolae / [John Freind].**

Contributors

Freind, John, 1675-1728

Publication/Creation

Leyden : J.A. Langerak, 1734.

Persistent URL

<https://wellcomecollection.org/works/e3wyftu7>

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>

(2)

JOHANNIS FREIND,
M E D . D O C T .
D E
PURGANTIBUS,
IN SECUNDA VARIOLARUM
CONFLUENTIUM FEBRE,
AD HIBENDIS
EPISTOLEÆ.

Editio Novissima,

Cum Indice Necessario.



LUGDUNI BATAVORUM,
Apud JOH. ARN. LANGERAK, 1734.

23,694/A

B.J.Y.L
1751.



A M I C I S S I M O ,
C L A R I S S I M O Q U E V I R O ,
R I C A R D O M E A D ,
J O H A N N E S F R E I N D ,

S. P. D.

SÆPENUMERO, Vir Amicissime, laudavi fortunas meas, sæpiusque sum laudaturus, quòd ab aliquo jam annis magna mihi tecum intercesserit necessitudo, studiorumque adeò in eâ, quam profitemur, arte quædam quasi conjunctio: nam, cùm in cæterâ vitâ, tum maximè in Medicinæ munere fungendo, idem sentire atque idem judicare, res est longè jucundissima. Per magni quippe interest, cùm consilia Medica miscerimus, consiliorum socium habere peritum artificem: neque hoc tantùm ad salutem ægrotantium instaurandam, sed ad eas molestias,

A quas,

2 JOHANNIS FREIND,

quas, ut sunt res humanæ, nos ipsi in cura-
tione morborum paulò magis difficulti ferè ex-
perimur, leniendas. Quid quòd ij, qui in
Medendi Scientiâ penitiùs eruditi atque in-
struēti sunt, iidem à malis artibus abhorre-
ant, omnique notâ illiberali reperiantur maxi-
mè immunes. Quippe cùm illecebris ita pa-
rum pateant, ut vel pravis hominum mori-
bus servire, vel eorum gratiam lenociniis au-
cupari nolint, nihil unquam à se aut ab ho-
nestate alienum, aut etiam dignitati suæ in-
jurium fieri patiuntur. Quicquid enim existi-
mationis famæque hoc obsequio partum est,
id omnino imbecillum fore & caducum ar-
bitrantur: tum autem rebus suis optimè
consuli, tum veram gloriæ viam iniri, cùm
scientiâ freti, cùm usu exerciti, cùm inde-
coras quascunque machinas dediti, ipsi
de se suâque, quam professi sunt, arte dignè
sentire videantur.

Itaque qui in hâc, quemadmodum in illâ sive
pingendi sive sculpendi disciplinâ cupit excel-
lere, ingenium ad id, quodcunque persequi vo-
lunt, fictum quasi & accommodatum habeant
neccesse est: nemo enim, quantumcunque stu-
dii acceſſerit, medicus fieri potest, nisi &
etiam quodammodo nascatur. Sunt quippe
in hâc arte multa perobscura & recondita,
multa impedita & subtilia, quæ nullis præ-
ceptis

ceptis perfectè edoceri, nullâ explicatione plenè cumulatéque tradi possunt: ita ut, quamvis plurima ex scriptis Medicis, in quibus quidem versatissimus esse debet, hauserit Medicus, plura tamen sint ipsius judicio & perspicacitati relinquenda. Atque hoc quidem in nullâ re magis elucet, quam in *pulsuum* varietate internoscendâ: quippe qui tactum hunc eruditum habent, eum non ex magistrorum dictatis, sed ex diurno usu, & viquâdam acuminis proprii fluxisse sentiunt. Adeò nusquam aliás æquè percipitur ac in medicis rebus, quid demum subtilitas ipsa naturæ valeat, & curiosa quædam in judicando felicitas. Quid igitur? an ii, qui indolis levissimæ maximèque desultoriæ sunt, in hâc scientiâ magni quid facere posse videntur, in quâ, non nisi multâ cum sagacitate, studioque acri & perpetuo, elicienda est aliqua rerum maximè difficilium conjectura? An ij, qui pingui minervâ prædicti sunt, & tarditate ingenii laborant, ad hanc solertiam, quæ medentibus inesse debet, acquirendam fatis idonei accedunt? an eos denique in re, si qua est alia, reconditissimâ exquisitumque judicium exigente, acutè cernere posse existimas, quos, si in cæteris rebus periculum feceris, communi sensu planè carere fatearis? Videmus tamen quotidie, ut multi, qui

aliás omni solertiā vacui sunt, de rebus medicis judicandi intelligentiam se consecutos esse jaētitent: utque iidem propter id ipsum, quòd hâc intelligentiā indigeant, eum in medendo, quem semel forte arripuerint, trāmitem constanter persequantur, inque eādem quasi orbitâ, sine progressu aut profetū ullo, consenescant.

Sed & hanc quoque experta est res medicā fortunam, ut, qui in aliis tum disciplinis tum artibus, etiam illiberalibus, mediocre nō men adepti sint, ii repente in principem medicorum ordinem, invitâ naturâ, irruere præ se ferant. Sint illæ sanè ad speciem perbeljæ, atque curiosæ; quam verò affinitatem cum morborum contemplatione, cum mendendi solertiā habeant, haud facile est divinare. Certè non aliam habent, quam cum Juris studio: at non repertus est adhuc quisquam Legum studiosus, qui unquam his artificiis viam sibi ad forum muniri posse somniaverit. Istæ scilicet iis, qui suas in scena hâc nostrâ medicâ partes acturi sunt, reservantur elegantiæ.

Hoc quoque in causâ fuisse existimo, cur nonnullis jam à seculis medicorum plurimi, quanquam & ingenio & eruditione satis valuisse comperti sunt, cogitationes suas alio contulerint, & in quâvis potius arte excel-

selluerint, quām in suā: itāque excelluerint, ut ex iis permulti Historicos, Oratores, Poëtas, in eā ipsā, quæ illorum propria est, scribendi facultate superārint. Maluerunt opinor, cùm iniquam de iis, qui medicinam professi sunt, hominum sententiam paffim ferri perciperent, ad alia studia confugere; quorum ope, uti animo suo sciendi avido liberiū indulgere, ita femet magis populari gratiæ commendare liceret. Quasi verò in hāc nostrā, quæcunque fuerit, supellectile non sit, quod acutissimum ingenium exerceat, quod discendi aviditatem expleat, quod totas hominis vires, quantæ eæ cunque demum fuerint, desideret.

Atqui hæc Medicinæ studentium querela fanè pervetusta est, & Galeni præcipuè ætate familiaris: is enim, qui insigni suā cum laude, cùm in cæteris disciplinis, tum in Medicis præfertim, haud mediocrem operam curamque consumpsferat, non sine aliquā indignatione queritur, a perplurimos suo tempore, vel mane salutando, vel vesperi comeßando, vel aliam adulationis viam sectando, magni nominis medicos evasisse: literas verò artesque liberales ita parum Medico, ut tum invaluit vulgi opinio, profuturas putari,

a Method. Medend. Prefat.

6 JOHANNIS FREIND,

ri, ut Fabri tum Lignarii tum Ferrarii, Sutores, Tinctores, ^b *Lintearii*, proprio Magisterio relieto, in Medicæ artis munera insiluerint: eos verò, qui pictoribus & unguentariis mixturas suas præparabant, etiam de primo loco certâsse. Eâdem arrogantiâ, eodemque prope seculo *Theſſalus* iste, Empiricorum audacissimus, quem idem *Galenus* ^c sub patre lanas carpente in *Textrind* educatum, atque inde *Laniforum* elocationem consecutum esse memorat, literarum omnium rudis, novam ſectam condidit, dñmna-tisque veterum omnium placitis, ^d & rabie quâdam in cæteros omnes invectus, ſe unum esse Medicum jaſtitabat; ſequè, hominem utcunque ex *Officind* reptantem, ſine arte, ſine literis, Medicinæ formam universam uno libello poſſe tradere confiſſus eſt. Vulnera omnia, utcunque diſſimilia, pari modo trac-tavit, ^e *unguinosa* ſcilicet & *glutinosa* impe-rans: multisque nugaciſſimiſ versuum milli-bus effuſis, duos tantùm eſſe in omni victûs ratione morbos contendit, nempe fluxum & clauſum: fortaffe etiam, ſi paulò plus fa-puerat, duo tantùm remedia morborum om-nium poſuiffet. Atque hic quidem error, quem

^b *Method. Medend. Praefat.* ^c *Ibid.* ^d *Plin. Hist. Nat. 29. 1.* ^e *Method. Medend. Lib. 6.*

quem vel puer, in simplicioribus disciplinis
eductus, statim adverteret, eò insolentiae
Theſſalum istum evexit, ut magnum & præ-
clarum quid se invenisse putaret. Ita ferè
homines inepti atque fuitiles, neque acumine
ullo, neque authoritate valentes, in iis ipsis
rebus gloriâ se & prædicatione efferunt, quæ
cæteris omnibus risum movent.

Ne itaque Te avertant ab instituto sive
ſcribendi consilio ſcurrarum convitia: Tecum
utique reputantem, Viris ingenio excellenti-
bus hoc ſæpe accidiffe, & quidem ſæpiſſime
in hâc noſtrâ quam ſequimur viâ. Ita ſuum
habuit *Harvœus Parisanum*, hominem futileſſi-
mum infulſiſſimumque: nec ſuus quantulus
is cunque fuerit, *Williſo defuit Meara*. Quin
perge literatos omnes demereri, & quæ apud
te premis, de *Variolarum* omni genere jam
diu meditata, deprome tandem, ut intelli-
gant omnes, quantâ in gratiâ atque pondere
effe debeat, quantumque ab *Empiricorum* ſom-
niis diſtet, nullis innixa commentis, *Histo-
ria Medica*.

Interim ſinas, ut ad id opus abſolvendum
hâc Te Epistolâ quaſi provocem; in quâ, ne
in eam, quam Tibi relinqui velim provinci-
am, incurrere videar, nihil de *Variolis* dictu-
rus ſum, niſi de earum *curatione*; eâ præfer-
tim, quæ, ſecundâ jam Febre invalecente,

JOHANNIS FREIND,

Medicinis *purgantibus* instituitur. Ad quam quidem curationem denuo explicandam libens accedo. Quippe cum hoc purgandi institutum novum plerisque atque inauditum videatur, nonnullique ea, quae de hâc re exposuimus, vel parum intelligerent, vel perverse interpretarentur, non malè credo merebor de meis popularibus, si in argumento tam gravi, à Medicis quidem prorsus intacto, maximè tamen ad salutem hominum pertinente, paulò quid amplius elaboraverim. Hujuscè siquidem Medicinæ auxilio sanctissimè affirmo me multos sanitati restituisse, permultos à Te esse itidem restitutos satis scio. Sed quoniam hæc res varijs habet cautiones, morbique signa omnia cum diligentia atque judicio notanda sunt, exponam ut potero, quemadmodum ii, qui in hâc curandi ratione minus versati sunt, eam tandem aliquando percipere ac consequi possint. Hoc ut efficiam, ponam in medio Historias quasdam singulares: ita quippe tum continuata illa affectuum series atque connexio, ad quam maximè in ægrotis tractandis attendere oportet, distinctius elucefcet, tum ipsa medendi via eruetur facilius. Neque verò mei si ve otii sive negotii fert ratio, nec res ipsa postulat, ut omnia exempla simul proferam: satis erit ex iis tantummodo casibus, in quibus,

bus alterum mihi adjunctum consilii socium atque adjutorem habuerim, præcipuos excerpere. Observationes denique, quas vel ad morbi decursum, vel ad curationis modum melius intelligendum conducere posse arbitror, sic interferam, ut & varietati, & legentium utilitati simul consulam. Idem mihi, siquid à me minus accuratè dictum sit, facilius ignoscunt: quod & mihi vacui temporis non nimium suppetat, & res ipsa, doceri contenta, ornari nolit.

Id obiter interim monendi sunt, aliquas ex his, quas descripturus sum, Variolis fuisse ex *Cohærentium* genere: quæ quidem à *Confluentium* naturâ ita parum abhorrent, ut eadem ferè sui signa præbeant, eandemque planè, maturescendi tempore, febrem accendant. Quin & perrarò f ea, quæ *Confluentium* propria est, etiam in *Cohærentibus* deficit Sputatio: ita ut rectissimè edixerit *Mortonus*, *Salivationem jure merito habendam esse symptoma morbi maligni vel saltē medii, ubi febris recidiva, & eventus saltē anceps expectari possit.* g Nimirum quod periculi imminet, non tam ab ipso pustularum genere, quam à numero prorsus oritur: qui quidem si ingens fuerit, idem de rei exitu timor subesse debet,

five

f Vid. Hist. 1. g De Variol. 176.

sive eæ confluxerint, sive non. Etiam numerus ipse ad hoc præfigii faciendum, non in *facie* modo, ut nonnulli volunt, sed in cætero quoque corpore attendi debet. Quare utraque tam *Cohærentium* quam *Confluentium* Species, uti in reliquis perparum discrepat, ita similem omnino curandi viam desiderat. Hoc quoque observatione haud indignum, quod, utcunque morbi, quorum hîc pertexitur Historia, sint omnino simillimi, alii tamen alia cùm ingravescendi tum decebendi tempora habuerint. Hujusmodi fortasse Variolas quispiam *Anomalias*, & quasi extra ordinem positas haud absurdè appellaverit: at sunt tamen eæ, quæ omni ferè tempestate plurimùm occurrunt, omnibus ferè ætatibus sunt communes. Neque vidi adhuc hujuscè generis Variolas, quæ ad hanc dierum regulam magis exquisitè sint compositæ. Non nunquam enim in ipso morbo dierum ratio mutatur; fitque gravior, qui remissior esse confueverat. Ita ut, is maximè fallatur, necesse sit, qui temporum momenta nimis exigüè & exiliter ad calculos revocavit: permulta quippe intercedere solent, quæ eam in morbis hisce varietatem facile pariant, ut ægrotus interdum hoc, interdum alio die, maximo in periculo versetur.



HISTORIA

P R I M A.

VIR familiæ prænobilis & perillustris, Variolis istius generis, quas dicimus *Cobærentes*, graviter correptus est. Præcesserant nausea, Vomitus & capitis dolor immanis. Valetudinis curam habuerunt Medici in agro *Eboracensi* celebres, Doctores *Neal* & *Cotes*. Ego Sexto dñi die accessi. Pridie invaserat delirium; pustulæ omnino pallidæ; facies paulò depresso. Itaque à Medicis *Pulvis ex Chel. Cancr. C.* datus est, prudenterque admotum Nuchæ Vesicatorium. Inveni adeò eum animo maximè alienatum, febre tamen, quod hoc morbi tempore in delirantibus perrarum est, prorsus vacantem. Pustulæ, quæ erant admodum confertæ, vix omnino elevatæ, atque etiamnum subpallidæ. Itaque in hoc tanto discrimine adhibuimus brachiis utrisque Vesicatoria per ampla: hancque Medicinam præscripsimus.

R.

R. *Theriac. Andromach.*

Pulv. è Cœl. Cancr. C. ana 3 j.

Rad. Serpentar. Virg. gr. xv.

*Syr. Caryophyllor. q. s. M. F. Bolus statim
cap. cum Fulap. perlat. præscr.*

Hæc cùm ter sumpsisset, mane proximo, die scilicet *Septimo*, pustulæ se denuo extulerunt, earumque extremi margines rubescabant; interstitia etiam colore florido suffusa.

Vides, quām mira præstiterit paulò calidior Medicina: &, si quod verum est fateri volumus, hæc medendi ratio *Cardiacis* vehementioribus instituta, quam plerique scriptores nimium deprædicant, *Mortonusque* ut Specificam habet, vix cum judicio adhibetur, nisi in hoc propè unico Variolarum tempore, ubi scilicet eæ aut non satis proruperint, aut etiam retro cesserint. Ideo *Crocum* non nisi bis tervæ, idque urgente necessitate, ^a adhiberi jubet, maximus *Arabum* magister, *Rhazes*. Hoc auxilii genus fit valentius, cum *Opiatis* commixtum: quæ quas vires in omni pustularum eruptione promovendâ habeant, primus, contra communem sententiam, videtur sensisse *Sydenhamus*. Ita parum in hoc remedio planè divino dominatur frigida illa vis, uti nonnullis placet, quæ humores omnes constringat, & reprimat.

Vesperi adeo, *secunda*, ut dicitur, Febris deprehensa est accedere: neque adhuc quicquam remiserat delirium. Quamobrem Nuchæ denuo appositum est Vesicatorium. Nunc iterum ad medii generis remedia deflexum est, & à somniferis

^a *De Pestil. c. 3.*

niferis calefacentibusque temperatum. Viētus tenuis, sorbitionesque vel Ptisanæ vel Oryzæ, quæ diluerent, pro libitu indultæ. Noctem eam maximis in molestiis egit: ita ferè nulla erat in somnum propensio. Mane, die *octavo*, aliquantulum ad se rediit: sed eæ induciæ fallaces & perbreves: nam, horulâ vix elapsâ, in delirium recidit. Pustulæ tamen pure maturrimo repletæ: licet, si magnitudinem spectes, valde mediocres. Facies haud omnino in tumorem elata: cervix sola per paulum subtumuit. Toto morbi decursu nulla sputatio: quod quidem, cùm ea hujuscæ generis Variolis perpetuò adesse *debeat*, signorum omnium, judice *Sydenhamo*, longè infelicissimum b. Febris admodum exarsit; pulsus velox & incitatus, plenus tamen ac validus: Inquieres maxima, furorque quasi insani. Quocirca admotæ sunt Cucurbitulæ, ita ut fluxerit sanguis ad 3 vj. Apposita etiam Carpis Vesicantia. Quin & *Enemate*, vesperi, adhibito bis mota est alvus. Ita paululum temporis satis liberaliter quietum habuit; pulsusque ad temperiem magis compositus: idem tamen per intervalla mentis error. Sed, utcunque morbus tum conquiesceret quidem, rem haud ita esse in vado putavi, quin in deterius sponte prope suâ esset itura. Ideo cùm inter nos, quinam subesse videretur periculi timor, differui-
mus; dixi me in eâ esse opinione, ut, si quid hujusmodi acciderit, leni aliquâ potionē subdu-
ceretur alvus. Illi exemplò se & hanc curandi viam tentâsse aliquando, & nunc etiam probare haud dubitanter professi sunt. Id nimirum,
quod

b *Variol. Reg.* An. 67. 129, & 135, 149

quod suspiciati sumus, obrepserit: caput enim, nocte nondum intempestâ, ita ingravescere cœpit, ut, mane, veterno planè obtorpuerit. Subsilierunt interim tendines; febris immaniter sæviit; pustulæ exsiccatae; neque in manibus ullum, neque in pedibus, nedum in facie tumoris vestigium; periculumque vitæ maximum imminebat. Nam illud sanè vix unquam fallax *Sydenbami* præsagium, ægrotis scilicet hoc morbi tempore *protinus moriendum esse*, nisi spu-tationis aut deficientis aut interceptæ vicem subeat partium harum *insignis tumor*^c. Hic fuit nono die, isque tantum non deploratus, morbi status. In his angustiis intervenit Vir inge-nio judicioque acerrimus, cuius ut mihi Amici-tia jamdudum jucundissima, ita & mors pariter nunc perlunguosa, *Jacobus Keil*: Illius verò cùm eadem esset nobiscum opinio, idemque de curandi ratione sensus, sic morbo occurri opor-tere censuimus. Caput illico tondetur, & cir-cumquaque appositum Vesicatorium. Sanguis iterum cucurbitulis ad sex uncias eductus. Ene-ma acre adhibitum est, & quatuor ferè post ho-ras repetitum: unde alvus quinquies desedit. Hæc adeò id levaminis attulerunt, ut & fe-bris paululùm remitteret, minùsque jam preme-ret Coma. Verùm, ne brevi iterum in pejus ruerent omnia, quod prorsus erat timendum, purgatione jam tum uti decrevimus. Neque nos consiliis hisce nimis præcipites temerè rem ges-sisse quis arguat, quòd ausi simus, etiam *nono* haud elapso die, hanc ventris solvendi viam ex-periri: quippe cùm plus satis liqueret, ægro-tum,

tum, nisi ea interposita subvenerit, crastinæ luci parum esse superfuturum. Breve quidem spatium! intra quod siquid non profuit, æger fuisset extinctus. Etenim in hoc casu non tam dies curiosius numerandi sunt, quam cubantis conditio expendenda: siquidem medicina non ad temporis mensuram, sed ad morbi momenta accommodari debet: & quod celerius gravia hæc mala corripiunt, eò maturius quoque auxilia rapienda sunt. Neque temporis præceptum perpetuum esse, neque alia de hoc purgationis instituto statui potest regula, quam quod, *ubi semel exaruerint pustulæ*, quandocunque medentis acumine dignus inciderit nodus, primâ quâque opportunitate eam adhibere maximè conveniat.

Cum igitur in has, quas recensui, difficultates delaberetur ægrotus, horâ circiter quartâ Pomeridianâ sequentem haustum præscripsimus.

R. *Decoct. Sen. Gereon.* 3 ij.

Sal. Mirabil. Glauber. 3 ij.

Syr. de Rhamno Cathartic. 3 iiij. M.

Id partitis vicibus, trium ferè horarum intervallo, assumptum est: unde postquam alvus sexies descenderat, mane, die *decimo*, simul ex integro evanuit tum Coma, tum Febris.

Ita perbrevi *duodecim* ferè horarum spatio, eum, qui astantibus jam moribundus & quasi depositus videretur, in certam adeò salutis futuræ spem ereximus, ac si de vitâ nunquam fuisset periclitatus. Itaque, postridie, magnâ cum voluptate discessimus.

Liceat hâc in Historiâ quædam animadversione dignissima adjicere: morbi que notas præcipuas paululùm retractare, unde quidem mihi aliqua fiducia affulserit, medicinæ ope illum posse ex hoc tam gravi periculo expediri. Pustularum color etiam in summo discriminè probabilis, oræque extimæ, cùm jam exaresceret facies, tam in pectore, quâm in artubus, satis floridæ. Urina, utcunque non ita largiter profluxerit, ab ultimis quinque diebus sedimentum usque depositum: idque constanter, licet potionibus, quas recensui, diluentibus abunde uteretur. Hæc quidem signa haud futilia; sequuntur tamen alia, quæ securitatem certius promittunt. Aberat omnino spirandi molestia: pulsus, etiam extre-
mâ gliscente sive febris sive delirii vehementiâ, nunquam intercidit, sed uti pleno impetu fe-
rebatur, ita post evacuantia cujuscunque gene-
ris adhibita, & ictu valentior deprehensus est,
& intervallis etiam distinctior. Pulsu adeò &
spiritu ad hunc modum constitutis, nunquam ferè me fellerunt purgantia, et si cætera mala
gravius sœvirent, terroremque incuterent. Mal-
lem tamen pulsu potius aliquantulùm imminuto
id auxiliî genus tentare, quâm si multus accesserit
in spirando labor. Utcunque autem horum altero signorum vel utroque repugnante anceps
omnino remedium, aut fortasse aliquando nul-
lum præbeat purgatio; (quid enim in ipsis le-
thi fauibus valitura sit medicina? utroque ta-
men favente simul & conspirante, cæteris licet
periculum minantibus, rem hâc maximè viâ ge-
ri posse multiplici experimento didicimus. Ita-
que ad hanc potissimum regulam dirigi debet me-
dantis judicium.

HISTO-

—♦—♦—♦—♦—♦—♦—♦—♦—

HISTORIA

SECUND A.

VIR triginta circiter annos natus, literarumque studiosus, habitus pleni atque opimi, signa Variolarum persensit. Multa scilicet de capite, & de ventriculo questus est, quasi hinc atque illic pondere quodam opprimeretur. Artus omnes laffitudine torpebant. Oculi lachrymis stillabant. Eruperunt adeò Variolæ cohærentium planè generis. Medici munus obiit Vir egregius, *J. Keith.* Ego ad ægrotum accersitus, die *tertio*, inveni pustulas non in facie tantum, sed etiam in universo corpore confertissimas. Noctem inquietissimè transfeget; ita quidem ut interdum comate, interdum delirio tentaretur. Accessit gravis spirandi labor. Absoluta jam esse videbatur ipsa eruptio pustularum; quæ tamen ita parum eminebant, ut adhuc intra cutim hærerent. Earum margines admodum inflammati, & quasi sanguine ardentes. Qui quidem rubor, ubi intensior fuerit, à *Rhaze*^a mala inter signa haud ponitur. Pulsus celer & magnus, febrisque satis excanduit. Imperatum est, ut *Cardiacis* mitioribus uteretur, quæ pulmones maximè liberarent, assuesceret. Adhibitum etiam Nuchæ Vesicatorium. Nocte totâ haud

^a *De peste*, c. 15.

haud molestè se tulit: sed potius ex morbo ortus sopor videbatur, quam aliqua, quæ naturam reficeret, quies. Adeò ut die *quarto* omnia fuerint pæne eadem, nisi quòd pustulæ paulò altius essent elatæ. Post meridiem vehementer increbuit & spirandi molestia, & in soporem propensio. Venam igitur statim aperiri jussimus, detractæque sunt sanguinis $\frac{3}{4}$ x. Unde spiritus multò facilior, pulsusque ad normam magis redactus. In cæteris nulla mutatio.

Fortasse etiam hoc venæ secundæ consilium quibusdam, rationem temporis scrupulosius inentibus, nimis audax videbitur, licet id in habitiore corpore factum sit, multumque sanguinis continente: quasi verò nimiæ esset audaciæ etiam anceps remedium experiri, cùm non tantum de morbo aliquatenus levando, sed de vitâ ipsâ fuerit quæstio. Atqui *Arabes*, qui de hoc morbo primi præcepta tradiderunt, hanc venæ incidendæ viam, etiam post egressas Variolas, *ubi humores redundaverint*, aut ipsi secuti esse, aut saltem ut sequerentur alii, authores fuisse videntur^b. Itaque medici, qui deinde per *quingentos* circiter annos nihil ferè agitabant, nisi quòd acceperant, id unicè curantes, ut hæc *Arabum* monumenta fideliter exscriberent, easdem regulas posuere; ita tamen posuere, ut, quod præceperant, vix in usum eos traxisse appareat^c. Tandem medio ferè saeculi *decimi sexti*,

^b *Rhazas*, *Contin.* 421. *De Peste*, c. 8, & 14. *Avicenna*, *Tract.* 4. *de febr.* c. 10. *Alfaravius*, 141. d.

^c *Francisc. de Pedemont.* 137. *Bernard Gordonius* 54. *Petrus de Bayro de Peste* 766. *Joh. de Conco Regio*, *Marcell.*

*ti, Gometius Pereira^d, Methymnæus, quem saepe à viâ tritâ haud perperam declinasse compo-
rio, primus, uti reor, *Arabas* quasi in hâc re-
nimium cautos arguit, disertèque pronunciat,
si vel adsit inflammatio vel plenitudo, etiam pro-
ruptis variolis, sanguinem fidenter esse mitten-
dum: omisla porro hâc medendi viâ, pueros
quamplurimos, aut *sanguini ex naribus profluvio*,
aut *ulceribus periisse*. Hoc quidem experientia
sæpiissime comprobatum: id verò adjecisse poterat,
sanguinem hoc morbi tempore ex naribus, quod
& *Rhazes*^e innuit, aut ex uterinis viis fluentem
permultis saluti fuisse: manifesto fatis indicio,
quod hoc auxilii genus natura aliquando deside-
ret. Eandem curandi viam institerunt, si quando
Variolis jam egressis malus aliquis affectus
intervenerit, medici apud *Gallos* eâdem ferè
tempestate celeberrimi, *Hollerius*^f, *Paræus*^g,
Botallus^h: quorum ultimus quidem hoc Venæ
secandæ consilium, relictum jamdiu & pene ob-
livione obsoletum, magnâ cum suâ laude revo-
cavit, & ad morbos quamplurimos haud infeli-
citer applicuit. At idem circa tempus *Chymico-*
rum Fabulæ hominum animos falsis terroribus
implérunt, & quasi fascinatione quâdam tenuer-
unt, duce potissimum *Paracelso*, præstigiato-
rum væsanissimo: iique, qui arcanis omnia geri
volunt, ita humanâ imbecillitate sive usi sive
abusus*

cell. Donatus, 156. *Nicolaus Florentin.* Tr. 2. 152. *Æ-*
mil. Campolong. c. 43.

^d *Nova Medicina*, p. 904. ^e *Continent.* lib. 30. p.
421. ^f *Lib. 2. p. 66.* ^g *Lib. 19. 2.* ^h *De Curatione*
per V. S. c. 5.

abusi sunt, contraque sanguinis missionem ita debacchati, ut medici, qui ratione & judicio valerent, non ausi sint, etiam in maximo vitæ periculo, venam secare. Qui tamen, ne nihil ex arte facere, ægrotisque prorsus deesse videantur, non destiterunt vel hirudines admovere, vel cucurbitularum ope humorum copiam minuere. Neque infrequens ea sanè medentium infelicitas, quibus vel parum constantiæ vel authoritatis sit, ut aliorum voluntati potius obsequi, quam suo stare judicio malint. Ita bonus Vir, *Ludovicus Mercatus*, qui utcunque, si novâ putredine oriantur, audacter, etiam si plures sint Variolæ, sanguinem mitti edixerit, mox varias hâc in re difficultates persentiens, & morbi fortasse fraudulentia deterritus, subito se revocat; hæsitansque & in decreto suo fluctuans, hunc etiam gentibus scrupulum injicit: neque enim, inquit, facile inventu est, quid sit agendum: nam videtur longè gravius febrem iterum reverti factâ semel crisi; ac si sanguinem mittas, calumniâ non vacabis, & periculo; si prætermittas, certius est discrimen^k. Verùm initio ferè sæculi decimi septimi, his Chymicorum præstigiis minùs valentibus, plurimi, *Gometium* vel de industriâ imitati, hanc sanguinis mittendi rationem tenuerunt.^l Disertissimè verò omnium de

ⁱ *Joseph. de Medicis.* 42. *Diomedes Amicus.* c. x.

^k 588. ^l *Diomedes Amicus*, *Tract. de Variolis*, cap. 10. *Anton. Ponce de Sancta cruz*, *Imped. Mag. Aux.* 3. 17. *Horstius*, *de Variolis*. *Joseph. de Medicis*, *de febr.* 42. *Ranchinius*, *de puerorum morbis*, 275. *Zacutus Lusitanus*, 786. *Angenius*, lib. 10. 3. *Petr. Paschalis*

de hâc sanguinis detractione locutus est *Epi-*
phanius Ferdinandus; qui cùm regulas haud ma-
lè posuisse videtur, verba ipsa non pigebit de-
„ scribere.¹ Nos autem clariùs hanc de Venæ-
„ sectione doctrinam illustrabimus: quoties e-
„ nim est urgentiæ scopus, omni tempore est
„ mittendus sanguis, dummodo adsint indican-
„ tia: nam *1mo* cùm apparent Variolæ & mor-
„ billi, & febris non cessat, neque alia sym-
„ ptomata gravia, tunc licet mittere sanguinem:
„ *2do* cùm apparuerunt per unum diem, deinde
„ delitescunt, tunc statim mittendus sanguis.
„ *3to* quando sunt alia gravia symptomata, præ-
„ ter symptomata variolarum, ut Angina, ob-
„ stinata Phrenitis, *Lethargus*, Dysenteria, gra-
„ vis Ophthalmia, vel quivis aliis periculosus
„ & gravis affectus; & sic *Rhazes* mittit sangu-
„ nem in Variolis & morbillis, ubi adest *Dysen-*
„ teria.

„ Itaque in *difficili spiratione*, aut *ubi*
in Variolarum maturatione inflammatio ingruat
summa, aut *tumor Erysipelatodes caput occupet*,
venas vel sub lingua vel sub auribus aperiri ju-
bet Mayernius^m: quâ quidem viâ, sanguine ad
 $\text{z} \text{ xx. effuso}$, Vir acerrimi judicii *Comitissam*
Bedfordiæ jam jam *moribundam* periculo eripuit.
Neque alia fuit curationis ratio, quam his in ca-
sibus maximè secutus esse videtur, *Clinicorum*
haud infimus, *Riveriusⁿ*; qui, cùm ægros ut
febre continua putrida laborantes tractandos esse
cen-

schalis, 117, 463. *Job. Chicotius*, *Epist. de Variolis*,
Heurnius, *Aph. 2. 15. Jul. Cæs. Claud. Emp. Rat.* 286.
Bartholin. Cista Med. 601. 1 Cæsus Medic. 78. *m Pag.*
442. n Lib. 17. 6. 2.

censeat, venam *semel* secâsse parum contentus, eam *iterum* aliquando aperiri jubet, *ut detractâ portione oneris, reliquum à naturâ facilius expellatur.* Quin & recenti memoriâ, iisdemque prope temporibus, tres trium maximarum gentium, *Hispaniæ^o*, *Galliæ^p*, atque *Britanniæ^q*, Reges, venâ *iterum* sectâ, ex hoc diffcili Variolarum morbo evaserunt. Ita non modò his in regionibus, sed in *Italiâ*, & ad *Hyperboreos* usque invaluit hæc Venæ secundæ consuetudo, si quando Variolis licet prodeuntibus, malum adhuc ingraueceret. Itaque vides *Sydenhamum nostrum* accuratissimè de curatione Variolarum differentem, utcunque huic Medicinæ minûs faveret, eam tamen imperâsse, si aut facies parum intumuerit, aut accesserit Phrenitis^r. Unde mirari subit id auxilii genus *Mortono* ita displicuisse, ut illud in hoc morbi stadio prorsus repudiârit^s: sed ille fortasse, cùm morbum ipsum à *Venenato* quodam *miasmate* proficiisci contenderit, parum sibi constare videretur, si sanguinis detractionem probaverat: itaque in eo totus est; ut morbi virus *Alexipharmacis*, atque *Antidotis* expugnet. Aliorum fortasse alia ratio, qui scilicet, Variolas nihil nisi naturalem quandam humorum *Crisin* rati, naturæ suis satis viribus, ut illi censem, instructæ ferè omnia permittunt; ita ut medicus non tam uti Artifex atque adjutor, quam spectator merus astare debeat. Quasi verò non essent, ut certè sunt, in Variolarum decursu tempora, in quibus, etiam-

fi

^o *Carolus II.* ^p *Ludovicus XIV.* ^q *Carolus II.* ^r *Pag.*
253. ^s *Pag.* 201, 204.

si haud infeliciter processerit eruptio, medici judicium valeret: qui, re in deterius inclinata, cùm cætera provideret, tum hoc maximè dispiceret credo, quale futurum esset à sanguine detracto auxilium. Quid enim absurdius, quām, ubi certum alioqui periculum imminet, dubitare, an ea sit adhibenda Medicina, quæ sæpiissime quidem salutem ægrotanti attulisse comperta est, medentis autem spem aliquando fefellerit? Ita verissima est illa *Hippocratis* sententia, quod, ubi *morbus sit periculosissimus, in his periclitari oporteat: si enim successerit, sanum facies; si minùs, quod etiam aliás futurum erat, id ipsum perpetitur*^t.

Sed ut ad ægroti Historiam revertar. Mane, die *quinto*, sopor adhuc ingravescebat: rediitque per intervalla delirium: pustularum progressus nullus. Subsilierunt tendines, totumque corpus sæpe intremuit. Applicata sunt utrique brachio Vesicatoria. *Sexto*, horam circa undecimam, defecit & loquendi & deglutiendi vis: pulsus non æquis intervallis motus, aliquando & intercisis. Hoc modo plusquam bihorium transfigit. Quanquam nunc in ultimo discrimine versaretur, utpote qui jam obmutuit, & spiritus difficultate quasi strangulatus fuit, tamen eum ne sic quidem quasi deploratum deseri oportere putavimus; certi, quid valere posset Medicina, experiri. Cucurbitulis itaque admotis sanguis ad $\frac{3}{4}$ v iij. missus est: unde cerebrum aliquatenus recreatum, & spiritus liberior. Pulsus invaliduit, magisque intra numerum movit. Nunc &

^t *De locis in humine.* 36.

& oblata deglutire poterat: quare magna potionum copia imperata est. Tamen ne verbum quidem emisit, nisi quis eum prius fuerit allocutus: responsa interim ferè rationis haud expertia. Hodie & sequenti biduo, Medicinam ex Radice *Contrayervæ* & *Croco* confectam adhibuimus. Infra Cubitum, & suris utrinque applicata Vesicatoria. Sero vespere, pustulæ jam primùm turgescere cœperunt.

Septimo, Pustulæ tumentiores; quarum aliæ pure distentæ; aliæ vacuas vesiculas referebant: in ipsis marginibus rubor haud ita intensus. Pulsus incitator; febrisque etiamnum inhærebat. Sputatio libera, & copiosa; spiritus expeditior: manebat tamen nimia dormiendi necessitas. Quo quidem affectu *Comatoſo*, licet id *nisi errore aliquo graviori in regimine admisso* (quod tamen secus plerumque accidit) *vix fieri* ^u putet, nullum tamen deterius esse ^x *præſagium* recte pronunciat *Mertonus*. Idem tamen, ubi in hoc periculi, quocunque sit, inciderit æger, venam secare perperam, uti videtur, reformidat. Quare autem, *Comate* urgente, hoc Venæ secandæ institutum, in *primo* ^y morbi studio probaverit, in *secundo* aut *tertio* non item, planè haud intelligo. Sed ut liberè loquamur, nosti in illo scriptore, quanquam de *Variolis* satis multa non sine labore aliquo corrasferit, haud raro desiderari & ordinem, & perspicuitatem, & judicium: quippe qui ſæpe, utcunque prolixus, nihil doceat; ſæpius præcepta obtrudat

dat vel futilia vel etiam vitiosa: totam verò medendi rationem ad *Hypothesin* istam, *de spirituum* nescio quo *Miasmate*, à semet ipso confictam ferè semper detorqueat.

Octavo, eadem ferè omnia. Sputatio satis ex voto processit. Pulsus celer, sed neque humilis, neque imbecillus. Facies omni tumore vacabat. Seri plurimum extraxerant Vesicantia. Toto hoc tempore urina largissimè profluxit, nihil verò quicquam deposituit. Vesperi, ne nunc quidem ullus omnino in facie tumor. Pulsus idem. Urina pallidissima. Neque adhuc sopore, vel febre opprimi desitum. In facie pustulæ ferè exarescebant. Adhibitus est Clyster, unde *bis* soluta est alvus. Iterum Nuchæ appositum Vesicatorium. Noctu sæpius delirabat. Febris exacerbata: pulsusque velocior.

Nono, nulla ferè mutatio, nisi quòd sputa paulò parcìus fluenter. Repetita sunt eadem remedia; vesperi Clyster acris injectus; unde alvus *bis* mota aliquid levamenti attulit. Nam vires adeò parum imminutæ sunt, ut pulsus inde invalesceret. Febris tamen haud omnino lenior. Facies penitus exarida: manus perpaululum intumescebant. Noctu Venter *bis* descendebat.

Decimo, eadem propè omnia, nisi quòd cerebrum magis laborare videretur. Horâ itaque decimâ, unanimi consilio sic processimus.

R. Decoct. Sen. Gereon. 3 iij.

Cremor. Tartar. 3 j.

Aq. Pæon. C.

Syr. de Rhamno Cathart. ana 3 iij.

M. F. Haustus statim sumend.

R. *Aq. Ceras. Nigr. ʒ vj.*

Cinnamom. Fort.

Tinctur. Croci cum Aq. Ther. pp. ana ʒ j.

Confect. Fracastor. sine melle ʒ iij.


M. Cap. Cochl. iij. post singulas dejectiones.

Alvus *quater* resoluta est. Urina colore saturo tincta; jam primū suspensæ in eā Nubeculæ; paululum etiam subsidit. Pulsus plenior, & validior; quanquam de celeritate nihil remiserit. Caput etiamnum grave. Micturus, matulam poposcit: semel non sentienti descenderat venter. Inquietus admodum, nonnunquam & aliena locutus. Iterata sunt *Cardiaca* præscripta.

Undecimo, restitit salivæ fluxio. Tendines interdum convulsi. Cucurbitulis eductus est sanguis ad ʒ vj. Vesperi injectus Clyster alvum *ter* exolvit. Cætera planè eadem.

Duodecimo, Urina largiter profusa, probique coloris. Placida & naturalis per trihorium quies. Pulsus uti satis magnus, ita & tardior. Cerebrum aliquâ ex parte levatum. Iterum usus est haustu *Cathartico*, unde *ter* fusa est alvus. Post singulas dejectiones, vegetior factus est, & vesperi omnis sensuum stupor evanuit. Ita ille, qui per *undecim* dies, morbo maximo implicatus, quasi Lethargicus decubuerat, hâc maximè evacnandi viâ veternum febreisque excusfit.





HISTORIA TERTIA.

LICEAT mihi unam aut alteram Historiam retractare, in quibus & Tu mecum sociam operam navâsti, & casus extiterunt singulares.

In Juvene Nobili, more ferè vulgari, scilicet nauseâ, dorsi, laterisque doloribus, & summo ardore stipatae, eruperant Variolæ; confertissimæ quidem, non in facie modò, sed & toto etiam corpore, ita ut omnibus ferme in locis confluenter, parciùs tamen in ipso vultu confusæ. Pustulæ itaque, ut est in hujusmodi re morbi natura, depressores, & materiâ minùs diffluentes. Summâ diligentia ægroti curam quotidie gessit *T. Crompton*, Medicus *Windsoriensis*: qui itaque inter initia morbi & venam secari, & alvum Clystere solvi jussérat. Cardiacis modicis atque Opiatis usus, ad *septimum* diem sine gravi aliquâ molestiâ pervenit: nisi quod noctu subinde deliraret. Itaque applicata Nuchæ, & brachiis Vesicatoria. Sputatio, *quarto* exorta, ad *duodecimum* fatis feliciter processit.

Die autem *septimo*, accessit Febricula, unde somnus paulò turbatior. Quoniam parum profecerant hactenus adhibita Vesificantia, altera duo Carpis sunt admota.

Octa-

Octavo, Pulsus plus æquo celer. Faciei tumor perexilis. In papulis pus uti exiguum, ita & crudissimum. Magnæ potiones sumptæ. Nulla de gutture, de ventriculo, de capite, de spiritu querela. Nox inquieta, aliquando & intercessit delirium. Febriculæ unus & perpetuus tenor.

Nono, itaque Vesicantia etiam cruribus adhibita. Nequæ ea sanè vix unquam, hoc difficili præsertim morbi tempore, sine ratione admota: quæ quam vim in omni ferè febrium genere exerceant, cùm aliæ satis explicatum sit, haud ultrà nunc persequar. Hæc, ab *Italis* jamdiu contra febres malignas in usum deducta, primus, uti reor, ad Variolas curandas transtulit *Mayernius*: quorum quidem efficacitatem ita supra cætera valentem judicavit, ut in *magno periculo* novem unâ apponi jusserit. Quare falluntur, qui per omnia jucundam ejus disciplinam fuisse concipiunt.

At ægroto non modò Vesicantia adhibita, sed Clyster etiam vesperi injectus, unde bis demissa est alvus. Noctu somni breves atque interrupti, intercursabatque delirium.

Decimo, facies exaruit; manus nonnihil intumuerunt: sed in his atque in artubus cæteris pustulæ, in unum confluentes, hinc & inde per amplias vesiculos excitârunt; sub quibus permultum puris immaturi fluitabat.

Hujusmodi Vesiculos, *ambustorum ad instar*, *sero limpidiore distentas* descripsit *Sydenhamus*^a: quod quidem serum ita peracre fuit, ut carnem ali-

^a *Variol. Anom.* pag. 211.

aliquando *subjectam nigredine*, & *sphacelo* afficerit. Id etiam advertit Vir perspicacissimus, quò melius humorum in hoc morbi genere cruditas intelligi possit, *ægroti res* non ante *decimum septimum*^b salvas fuisse. Id quod etiam ad eandem planè normam Juveni huic nostro accidisse mox videbimus.

Mane *Rhabarbari* gr. xxiv. sunt præscripta: sed eâ parum respondentे Medicinâ, circa meridiem injectus Clyster alvum bis magnâ copiâ dejecit.

Undecimo, Tussis, quæ à quatuor diebus fuerat molesta, quievit. In cæterorum curatione sic progressum.

℞. Decoct. Sen. Gereon. ȝ iij.

Mannæ.

Syr. Rosar. solut. ana ȝ ȝ M.

Unde *quater* fusa est alvus: adhibitusque ex more haustus somniferus quietem ea nocte placidissimam allexit. In brachiis & cruribus humor adeò acris evasit, ut pelliculas, quibus inclusus est, eroderet tandem, unde magna fœditas odoris accessit. Itaque ea sevo agnino ita circum undique obducta sunt, ut pollinctorum quasi passus videretur.


Duodecimo, & *decimo tertio*, pene eadem. His & sequentibus etiam noctibus per intervalla aliquantulum delirus; febrisque adhuc incaluit.

Decimo quarto, adhibita est, ut prius, medica Cathartica: & cum Febricula ne tum quidem.

b Ibid. pag. 212.

dem conquiesceret, etiam *decimo sexto* die ite-
rata.

Hac igitur medendi viâ Febris tandem ex in-
tegro decessit. Sed is fuit humorum acor, ut
ægroto, etiam integritate restitutâ, non modo
enaserentur furunculi, sed tota quasi desqua-
mata cuticula, unguesque exciderent: his ve-
rò positis exuviis, novâ juventute refloruit.



HISTORIA QUARTA.

VARIOLARUM etiam exitus, quem nos in
Fœminâ generosâ simul vidimus, & rarus
est, & notatu dignissimus.

Fuit illa habitu pleniore prædita, & duobus
ferè à mensibus Tussi & Catarrho graviter con-
flictata est. Jam cùm ego accessi, in conspectu
erant Variolæ: ita quidem confertæ, ut cres-
cente morbo undique ferme inter se invicem ad-
hærescerent. Febris satis vehemens; spiritus
paulò difficilior: Vox subrauca. Urgebat ali-
quando & nausea. Caput verò præ cæteris im-
maniter dolebat. Præscriptis quæ ventriculum
lenirent, Cucurbitulæ juxta collum adhibitæ
sanguinis 3 ix. eduxerunt. Neque miretur quis-
piam quòd, utcunque jam exeuntibus Variolis,
sanguinis mittendi author fuerim: quippe sub
hoc ipso tempore, si exuberaverint humores,
dolorve vehemens perstiterit, sanguinis detra-
ctio-

ctionem, & maximè quidem si Cucurbitulis fiat, ita parum nocere comperi, ut faciliorem inde pustulis exitum ferè semper expediverim.

Secundo, cùm Tussis vehementer sœviret, spiritusque adhuc aliquantulum laboraret, datum est *Decoctum Pectorale*; sed id stomacho (quod etiam sœpe aliâs vidi) ita insuave, ut nauseam ferè semper commoverit.

Tertio, omnia ferè eadem: nisi quòd *Linctu* adhibito Tussis paululum mitesceret: quietemque aliquam conciliarent *Opiata*, iteratis vici-bus adhibita.

Quarto, multa de raucitate fauciūmque asperitate conquesta est: itaque os sœpius *Gargarismate* lenitum. Pustulæ ingenti multitudine prodierant: mole quidem exiguae, etiam & depres-sæ; quoad cætera, nihil præ se mali ominis ferebant. Sputorum copia incredibilis, ita ut viginti quatuor horarum spatio quasi ad Congii mensuram assurgeret. Erat tamen inquies perpetua, jugisque ita corporis jaætatio, ut necesse fuerit ad *Opiata* rursus configere. Hæc adeò liberiùs indulsi, quòd ab his, quantum quidem observatione percepī, nec Tumorem faciei re-primi, nec sputa ipsa intercipi unquam vide-rim. Hoc præsertim morbi tempore mira præ-stant; cùm nulla medicina, non modò ad quietem inducendam, sed ad ipsos etiam humores leniter foras alliciendos, pusque maturandum, sit valentior. Etiam in hâc ipsâ ægrotâ, ubi aliqua spirandi molestia fuit, ita parum offecit, ut, cùm cætera in melius irent, sputaque re-Etè procederent, tum spiritus quoque minùs la-boraret. Divinum planè remedii genus! quod soler-

solertissimus de hoc morbo scriptor *Sydenhamus* ad Variolas curandas invexit primus, quodque certè subtiliore quâdam observatione prudenter adhibitum pluribus saluti fuit, quâm cætera omnia quotquot sunt Cardiaca. Interque ea, quæ hæc ægrotis commoda conciliant, non ultimas tenet celebris illa à *Fracastorio* confecta Medicina.

Hâc igitur opitulandi viâ nox pacatior: dieque *quinto*, facies jam tunc intumescebat: pulsus ad numerum magis compositus: urina tamen, boni utcunque coloris, nihil demisit. Die *sextō* ferè eadem, nisi quòd languidior videretur.

Septimo, molestè admodum se habuit, infomnis atque inquieta. Febris nunc denuo accef sit. Materia, quæ pustulas infarsit, satis proba, & aliquantulùm flavescens.

Octavo, eadem inquieres; ita ut nullam noctem duceret, quin necesse fuerit *syrupi de Meconio* ʒ ij. adhibere. Quarum una ex præcepto *Sydenhami*, vesperi, temporiūs data; quia febris tum potissimum exacerbescere cœpit. Nox tamen nihilominus tristior.

Nono, Sputatio etiamnum satis liberè processit. Febris autem vehementer excanduit, ita ut interdum aliena loqueretur. Pulsus incitatus, valens tamen. Pustulæ in facie exarcere cœperunt, tumorque paululùm subsidere. Spiritus haud ita liber; urina largiter demissa. Clyster mane injectus febrem aliquatenus leniit. Vesperi, Nuchæ admotum Vesicatorium: Hau stusque somniferus ex more adhibitus. Noctu quies ferè nulla; incaluit quippe admodum, & delirabat.

Decimo, mane paulò magis ad quietem composita: sed nec adhuc febre, vel delirio vacua. Clystere tamen iterum injecto, aliquantulum ad se rediit. Vesperi adeò, cùm Tu in consilium accersitus ægrotam mecum inviseres, Febrisque nondum conquiesceret, quoniam pulsus utcunque celerem, plenum tamen & valentem, habitâ virium ratione, percepimus, hoc remedii continuò sumendum duximus.

R. Decoct. Sen. Gereon. ʒ ij. fl.

Mannæ ʒ fl.


Aq. Pæon. C. ʒ iiij. M.

Hauustumque somniferum post *duas* vel *tres* dejectiones dari jussimus. Noctu *sexies* fusa est alvus; ita tamen, ut satis commoda quietis intervalla habuerit. Hinc omnia melius ibant: sic ut,

Undecimo, Febris fuerit multò remissior, & evanuerit prorsus delirium. Perstitit adhuc, quod perrarum est, sputatio liberrima. Manuum, qui hactenus erat perpusillus, tumor increvit: ita parum medicina leniter evacuans, hoc demum morbi tempore, quod à plerisque tanto-pere timetur, ne artus extremi intumescant, prohibet. Quinimo in Fœminâ, uti meminisse potes, prænobili, quæ *undecimo* die abortum fecit satisque sanguinis profudit, manus, antea nequaquam inflatæ, *duodecimo* primùm post id profluvii turgescere cœperunt; ita ut pauc's diebus, licet Variolarum multitudine laboraret, inque earum cursu abortiret, ad integratatem pervenerit.

Duodecimo, cùm etiamnum inhæreret Febris, iterum adhibitus est Clyster: unde alvus fluentior facta maximum levamen attulit. Quippe ad *decimum quintum bis terve* quotidie descendit. Quæ *Rhabarbaro* per vices iterato, *Opiatisque* commixto cùm leniter esset perpurgata, post triduum calor omnis cum febre decessit.

Sed ut quale demum fuerit morbi virus, appareat, cùm sanitas jam esset restituta, materia Variolosa naris infimæ septum, quâ cartilagineum est, penitus erosit; ita ut foramen haud mediocre, perfectâ undique cicatriculâ obductum, relinquetur. Et hoc quidem, cum alias nihil officeret, in bonis ægrotæ rebus ducendum: nam si acris iste humor altius ad ossa pervaferat, Nasus ipse concidisset.



HISTORIA

QUINTA.

FOE MINÆ illustri, quæ à tribus circiter mensibus utero gesserat, oborti sunt capitis atque artuum dolores vehementissimi: in dorso præcipue ita acuti, quasi gladio confoderetur. Febris etiam accrescere inceperat. Qui affuit rerum harum peritissimus, *H. Chamberlen*, quanquam ne abortiret illa, metum subesse perciperet, aliquam tamen de Variolis suspicionem habuit: quare ut utrique *malo* occurreret, sanguinem detrahi jussit. Postridie cùm ingravescerent

cerent omnia, brachiis Vesicantia adhibuit: prodierunt deinde Variolæ, ingenti multitudine. Dolores aliquatenus levati: sed ad cætera accessit animi languor. Venter etiam paulò liquidior. Quare, quæ vires reficerent, fluentemque alvum cohiberent, imperata. *Tertio* adeo die, cum ego essem in consilium accitus, Variolæ totum ferè corpus occupaverant: distincte quidem ut plurimū, sed ut minima relinquerentur intervalla: itaque, vigente morbo, multitæ confluabant. Neque abortiendi metus evanuit: febris quippe vix remissior; & urina sanguine interdum tincta. Pustularum etiam egressus tardissimus. Adhæc increbuit Tussis; saepe etiam & nausea intercurrit. Dies *quartus* maximis in molestiis consumptus. Cætera ferè eadem. Itaque medicina somnifera vesperi adhibita, & ad mediam noctem, quia parum quietis attulerat, iterata. Nihilominus, ad primam ferè lucem,

Quinto, abortiit: sic tamen ut intus, quod infelicissimum fuit, remanserit *Placenta*. Itaque hæ cum essent rerum angustiæ, sanguinis profluvium, ne pustulæ penitus interciderent, paulum reprimi oportere duximus: iisque quæ lenius astringerent, *Opium* immiscuimus. Vesperi itaque fluxio ista satis mediocris: pustulæ tamen subpallidæ. Facies, quæ nonnihil jam intumescre cœperat, depressior. Pulsus celer, & debilis: inquietus continua; mens haud ita integra. Digi motu perpetuo agitati; stragula vellicabat, floccosque collegit. Vires denique admodum imminutæ, ita ut in maximo vitæ discrimine versari videretur. Tamen ferè iisdem usâ remediis, maximèque *Opio* ad gr. ij

per vices sumpto, noctem eam satis placidè egit: ita ut mane, hujus potissimum medicinæ ope,

Sexto, in melius mutata fuerint omnia: speſque aliqua vitæ conservandæ affulſerit. Efflorefcere quippe atque attolli cœperant pustulæ; pulsusque invaluit, ita tamen, ut ne nunc quidem Febriculâ vacaret. Eadem remedia, atque ad eandem uti priùs normam adhibita. Nam à *Calidioribus*, etiam cùm pustulæ subsfederint, temperandum esse rati ſumus, ne, quod detrioris longè ominis futurum erat, ſanguinis curſus increſceret. Quam etiam in Variolis medendi rationem, ubi *Menses* profluxerint, ſecutum eſſe video *Sydenhamum*^a.

Itaque *septimo*, cùm jam pene evanefceret ex nimio ſanguinis fluxu timor, præſcripta ſunt *Cardiaca* temperatiora: & Clyster, iſque leniſſimus, injectus.

Octavo, ſuā quaſi ſponte exiit *Placenta*. In hoc enim opere artem nocere poſſe arbitrati, omnia propè naturæ permifimus, Aliquot ſimul ſanguinis grumi demifſi; ſed nulla, quæ ofſiceret ſecuta eſt fluxio.

Ad *nonum* adeò diem peruentum eſt. Facies permodicè intumuit; pustulæ ipſæ nequaquam inareſcebant, utpote, cùm ſegniūs prodiiffent, crudâ adhuc materiâ fluentes. A triduo, ſputa ſatis libera. Tuffis etiamnum moleſta: fauces asperæ, & lingua ulcusculis ſcatens. Febris inhaerebat affiduè: aliquando & delirium revertebatur. Pulfus interim ſatis valebat; & utcunque

^a *Variol. Anen.* 1670, 214.

que incitator, in æquabili motu permanxit. Urina etiam multum deposuit. Sed ea fuit inquiries jactatioque corporis, ut nullus omnino somnus, nisi Opiatis affatim impertitis, accesserit.

Decimo, idem rerum omnium status.

Undecimo, facies siccescebat. Febris adhuc incubuit, remisit tamen aliquantulum, ventre bis, *Enematis* ope, subducto.

Duodecimo, inquiries eadem & Febricula, quare paulò acrior *Clyster* inditus levamento fuit.

Tandem *Decimo tertio*, cùm & vires satis constarent, neque adhuc decederet Febris, *Rhabarbari* 3 ℥. est adhibita: quippe morbum, qui alvo fluente levior jam factus fuit, hâc maximè medendi viâ tandem abigi posse confisi sumus. Ventre igitur *quater* fuso, Febris multò remissior: quæ tamen etiam, *decimo quinto die*, ita parum evanuit, ut necesse fuerit medicinam paulò efficaciorem exhibere. Ea fuit hujusmodi,

R. Decoct. Sen. Gereon. 3 ij. ℥.

Mannæ Calabr. 3 ℥.

Aq. Mirabil. 3 iiij. M.

Unde alvus *quinques* mota febri finem integrum imposuit.

Ita fœmina lectissima ex vitæ discrimine, eo quo multipli, plusquam semel, exemplo haud vulgari, liberata. Siquidem Vir ille experientissimus, qui ægrotantis saluti præfuit, rarissime aliquam, quæ Variolis correpta abortierit, ad sanitatem pervenisse; earum verò, quæ hoc modo essent abortum passæ, nullam omnino superfuisse cognovit.



HISTORIA

SEXTA.

Locus ipse hortari videtur, ut memorabilem, & huic quam modò retuli maximè affinem, *Puerperæ Historia* attexam: præcipue cùm eidem illa Medico valetudini suæ curam commiserat. Hic adeo accersitus cùm vehementissimâ febre correptam, dorsique dolore laborantem videret, utcunque legitimum pariendo jam ferè instaret tempus, tum venam secari, tum *Enema* atque *Vesicatoria* adhiberi jussit. Postridie, eruperunt Variolæ, ingenti multitudine: neque tamen illæ, nisi rariùs, confluentes. Exinde de doloribus minus questa est; tertio tamen die, partum maturum edidit. Nihilo minus medentis consilio res ita processit, ut Variolæ cursum suum haud infeliciter tenuerint.

Septimo demum, cùm ego accerserer, satis aperta febris redivivæ indicia. Pulsus quippe celer, & grandis. Urina pallidior, ubertim tamen demissa. Sputatio perparca. Vix quicquam intumuit facies; pustulæ ipsæ subalbidæ; materia ita parum plenæ, ut maximâ ex parte vel pelliculæ, vel *Verrucæ* speciem induerint: per pauculæ sero tenui fluitabant. Noctes maximo cum labore traduxerat: utcunque *Opiatis* assueverat. Aliquando & languescere viſa est. Itaque applicata sunt *Vesicatoria* infra cubitum untrinque: præceptaque, quæ & quietem inducerent,

rent, & humores, siquâ id fieri posset viâ, propellerent atque maturarent. Sed,

Octavo, utcunque nox paulò levior fuisset, pustularum maturitas nulla: neque quid amplius tumoris accessit. Febris autem multâ cum corporis jaëtatione acuebatur. *Clyster*, vesperi adhbitus, alvum fudit, unde febris impetus paullum relanguit.

Nona, eadem omnia. Neque quicquam vel in artubus maturuit. Inquieres maxima, aliquando & mens parum sibi constans. Idem hodie ab eodem *Enemate* levamentum.

Decimo, apparuerunt in ipsis pustularum interstitiis, haud mediocri numero, papulæ rubræ, *Morbillorum* instar, ferè intra Cutem hærentes: aliquæ tamen ita extabant, ut tuberculi alicujus speciem referrent. Triduo autem elapso, omnes evanescerant. Neque nova hujusmodi eruptio aut infrequens, aut à scriptoribus silentio prætermissa: quam quidem & observâsse videtur vetustissimus scriptor ille, apud *Rhazem*^a, *Georgius*: ait quippe aliquando accidere, & inveniri *Variolas parvas intus in magnis Variolis*, & nominari *Variolas duplices*. Pari modo *Variolas* sæpe denuo quasi germinare, & recenti quâdam sobole succrescere scribit *Gometius*^b; etiam in unâ corporis parte *Variolas*, in alterâ *morbillos* erupisse meminit *Etmullerus*^c. Ita haud raro *Variolæ* sibi invicem succedunt, nonnunquam & pustulis tum

^a *Contin.* 30. 419. *Col.* 3. *Vid.* etiam *Mayern.* *de Variolis.* *Gasp. Kolichen.* *Obs.* *de Variolis in Æthiope.* ^b 905.

^c 248. *Pechlin.* *Observ.* *Diemerbrook.* *Hist.* 19.

tum *Verrucosis*, tum *Crystallinis*, aliquando & *corneis* reperiuntur interstinctæ. Sed hic ferè Naturæ lufus humorum cruditatem arguit, gravioremque morbum significat. Tamen ut ad ægrotam revertamur, faciei pustulæ, squamarum instar, deciderunt. Febris continenter inhæsit. Pulsus æqualis satis, sed justo concitator. In urinâ nihil depositum. Itaque cùm nihil ultrà suis efficere viribus potuerit natura, neque per Cutis meatus, neque seu per salivæ, seu per urinæ vias quicquam amplius extrudere, nostrum esse rati, ut huic ita laboranti subsidium arte pararemus, *Rhabarbari* 3 ℥. sine morâ exhibuimus. Id tamen, alvo reluctante, nihil egescit. Quare vesperi paulò valentior medicina præcepta est.

R. Decoct. Sen. Gereon. 3 iij.

Mannæ opt. 3 ℥.

Cremor. Tartar. 3 j.

Aq. Marabil. 3 iij. M.

Hoc, partitis vicibus exhibitum, alvum quater multo cum levamine commovit. Quod verò Medicina ista sic divisa fuerit, id quidem in hâc corporis imbecillitate consultò fecimus; satius quippe duximus, quemadmodum & de sanguinis detractione perscienter notavit *Celsus* ^d, primùm, levare ægram, deinde perpurpare, quām simul omni vi effusâ fortasse præcipitare. Hâc scilicet moderatione utentibus, rarò aliquid adversi, præter spem, accidere solet.

Un-

Undecimo, & Duodecimo, Cardiaca cum Opacis conjuncta infirmitati virium commodè subvenerunt. interrupta, quām antea, quies. In urinā aliquid tandem defedit. Pulsus non ita incitata celeritas. Sed neque adhuc, licet per discessiones aliquando mollita, febris integrum corpus dimisit.


Decimo tertio, igitur eadem ferè instituta purgatio, quod reliquum erat febriculæ, penitus restinxit.

Haud vulgares esse arbitror has *Abortientis*, atque *Puerperæ Historias*: in quibus, uti morbus ipse eundem ferè & cursum & exitum habuit; ita hoc etiam commodi utrisque commune, ut, morbo utriusque notitiæ subtracto, neutra se variolis esse correptam, nisi sanitate tandem recuperatâ, perceperit.

Vides alteram non à *puerperio* modo, sed ab ipso variolarum genere in vitæ discriminem maximum incidisse: nam pustulæ erant, aut more verrucarum duræ, aut siliquarum instar vacuæ, nullamque unquam maturitatem adeptæ. Quarum has *Marcellus Donatus*^e, illas *Johannes de Gaddesden*^f, de re medicâ scriptor nostratum antiquissimus, uterque *Ribazem*^g secutus, lethales pronunciat. Hæc quidem morbi species perrara: quā tamen puellam non ita pridem laborantem curavi. Erant in eâ Variolæ confertissimæ: febris sub initia ita vehemens, ut per quinque continuos dies deliria, dolores, Vigilias, nervorumque distensiones intulerit: post id

^e *De Variol.* 111. ^f *Rosa Angl.* 2. 4. ^g *Contin.* 30. *de peste.* c. 15.

id temporis omnia pacata. *Octavo*, in pustulis nullum omnino puris vestigium: nullus itidem in facie tumor. Itaque jam tunc, nè periculum grave instaret, metuendum duxi. Postridie tamen, pelliculæ omnes ruptæ atque deciduæ: & contra spem omnium, sine febre morbus ex integro decessit. Elapsis tamen diebus aliquot, materiam adhuc in sanguine delitescentem indicabant, qui tum ubertim prodierunt, Furunculi.



HISTORIA SEPTIMIA.

ADOLESCENTULUM annorum ferè quindecim Febris, cum multo capitis dolore fluxuque ventris peracri, corripuit: ita ut brevi prodierint Variolæ, confertæ contiguæ. Ægrotantem sic maximè levari posse judicabat Virrei Medicæ gnarus, *T. Wadsworth*; si Nuchæ apponneretur Vesicatorium, essetque in usum vocata, quæ fluentem alvum reprimeret, *Tinctura*. *Tertio*, cùm ego adscitus essem, die, pustulæ, utcunque exiguae, satis floridæ tamen, magisque quam pro impedimentorum ratione evocatae. Nam alvus erat etiamnum cita, ita ut quotidie *quater* aut amplius descenderit. Itaque *Tincturæ*, aliisque remediis, tam astringentibus, quam Cardiacis, saepius assuetum, unde paululum substitut alvus, Accessit gutturis angor,

angor, & quædam asperitas: Lingua etiam pustulis dolentior. Cui quidem malo commode subvenit *Mucilago* tenuis, ex *Cydoniorum* semi-ne confecta. Urina coloris haud mali.

Quarto, mane pleraque eadem: increbuit tamen ventris fluor; ita ut necesse haberemus valentius quoddam medicinæ genus experiri: quod fuit hujusmodi.

R. *Decoct. alb.* 3 vj.

Confect. Fracastor. sine melle 3 vj.

M. F. *Clyster statim injiciendus;* & rep. vesperi.

Sed neque sic alvus ita quievit, ut non sæpiissime noctis tranquillitatem interturbârit. Nihilominus,

Quinto, pustulæ neque colore pallentes, neque in apicibus retrusæ; sed pro hujuscæ morbi indole haud infeliciter projectæ: vires etiam satis constantes. At aderat inquies haud mediocris, venterque exsolutus novas molestias creavit. Quod fluxit autem erat perliquidum: interdum etiam Mucis pituitæque similia excreta. Quare & *Theriaca* astringentibus immixta, & *Clyster*, qui potentius ventris impetum compesceret, injectus. Adhibitus etiam, qui somnum inferret, haustus. Noctu, satis commoda quies, ita ut,

Sexto, alvus coactior facta, nunc tandem comprimi videretur. Quare omissis quæ valentiùs astringerent, *Theriaca* iterata est: eademque nobis fuit somni arcessendi cura.

Septimo, tamen recruduerunt omnia; alvus siqui-

siquidem nimirum concita : pustulæ tamen coloris satis vividi ; & pure probabili refertæ. Itaque ad ea, quæ die *quarto* præcepta sunt, iterum transivimus. Unde nox paulò tranquillior.

Octavo, Nullæ amplius alvi fluentis turbæ : neque ulla nisi de languore aliquo querela. Pulsus tamen commotior, ita ut haud obscura fuerint febris secundæ indicia. Itaque satis cum molestiâ consumptus dies. Quare id à nobis maximè attendi, curationemque sic dividi oportere rati, ut & perfici posset, quæ adhuc tardior fuit pustularum maturitas, haberetque æger liberaliores quietis inducias, in *Cardiacis*, quæ mediæ essent materiæ, *Opiatisque* hærendum esse judicavimus. Postridie adeò satis ex voto in omnibus processum.

Decimo, Pustulæ, maturitatem adeptæ suam, siccescere cæperunt. Febris exacerbata, ita ut summa secuta sit inquietus. Igitur *Enema*, quod ventrem emolliret, & Vesicantia brachiis adhiberi curavimus. Haustus etiam somniferus alterâ vice, noctu, repetitus: unde quies aliquantulum pacatior; ita tamen ut,

Undecimo, Pulsus fuerit nimis concitatus, fervorque corporis satis vehemens. In urinâ autem aliquid desedit. Itaque cùm Febris etiamnum insideret,

Duodecimo, *Rhabarbari* 3 ss., hæsitatione omni abjectâ, exhibuimus; unde alvo *quater* solutâ, febrilis ille æstus magis ad temperiem deductus: qui tamen, sub noctem potissimum, ingravescere nondum destitit.

Decicimo tertio, idem rerum omnium tenor. Quare,


Deci-

Decimo quarto, Rhabarbarum rursus exhibitum ventrem sexies fudit. Hinc nox satis quieta: quod reliquum erat febriculæ omnino elanguit.

Advertis, quām in lubrico fuerit Adolescentuli hujusce salus. Etenim cita alvus, ab universis scriptoribus, inter signa Variolarum maximè funesta ponitur: cuius quidem tantus fuit apud *Arabas* timor, ut horum plerique ægrotos per ea quæ ventrem contraherent diligenter modò, sed etiam officiosè præmunierint. Aliorum autem, etiam *Arabum*^a aliis sensus, qui primis morbi diebus alvum leniri volunt: nonnulli eam omni^b, aut alterno^c saltē die, vel *Clystere* vel *glande* subditā solvi præcipiunt. Quam quidem curandi viam, quibusdam in *Germaniæ* locis, jam nunc teneri intelligo. Quanquam verò is ego non sim, qui, utcunque *Catharticis* aliàs haud adversus, in ipso morbi curriculo ea in usum trahi consulerem: hæc ipsa satis evincit Historia, ventris fluorem, etiam citra ægroti exitium, in Variolis posse aliquando confistere. Id autem observatione haud indignum, quòd, re licet in integrum restitutā, morbis tamen ipse factus fuerit, ut alvo fluentiore plerumque sit, diuturnior.

^a *Fil. Mesuæ*, *Contin.* 421. c. 4. *Serap.* *ibid.* & *de Febre* c. 12. b *Sennert.* 736. c *Fonsec. Consilior.* *Tom.* 1. 48. *Horat.* *Aug.* x. 18.





HISTORIA OCTAVIA.

VIRO annum ferè agenti tricesimum acciderunt Variolæ , totum corpus pariter ac faciem ita occupantes , ut invicem usquequamque adhærescerent: paucissimis etiam in locis coaluerunt. Sed cùm satis aliàs roboris subefset ; *Octavum* diem haud admodum vexatus attigit. Tum verò vesperi spiritus paulò gravior , sensus tardior , mensque haud leviter commota. Inquies , fervorque corporis accessit. Pustulæ jam quasi inaruerant. Curavit eum diligenter *J. Hollier*: sed ne suo ille arbitrio , quæ potior visa est , medendi viam insisteret , obstitit *Gallus* quidam , qui cùm medicinam ex *sale* potissimum *Viperino* confectam , eamque quasi fallere nesciam obtruferat , de ægri securitate magnifica promisit. Tamen ;

Nono , neque desiit spirandi molestia , neque non vehementius increbuit delirium. Itaque , vesperi , apposita sunt Nuchæ atque brachiis *Vesicantia*: *Clysterque* satis acris inditus ventrem sæpius commovit. Hinc

Decimo , spiritus facilior , caputque aliquatenus levatum.

Undecimo autem , febris invaluit: ita ut Delirio maxima tandem per vices supervenerit capit is


pitis gravitas; ferè ut soporatus videretur. Tendines interim convulsi. Ardor corporis summus: aliqua etiam spirandi difficultas. Pulsus tamen & plenus, & vehemens. Itaque cùm discrimin ingens jam tum immineret, in eâ fuius opinione, & sanguinem extemplo detrahi, & alvum etiam sic deduci oportere.

R. Decoct. Sen. Gereon. 3 ij.

Syr. de Rhammo Cathartic.

Äq. Pæon. C. ana 3 iij. M.

Dicenti, extrema videri ejus generis remedia, ea sanè sic & videri & esse responsum est, idque itidem extremum esse, cui occurri voluimus, periculum. Quare sanguis jam tum detractus praesentis aliquid auxilii attulit; noctuque venter saepe demissus tum cerebri tum pectoris gravitatem sic ex integro tollebat, ut febris quoque jam interquiescere coepit. Ita tandem juvantium pertinacia malum corporis vicit.



HISTORIA

N O N A.

NO BILISSIMÆ & perantiquæ familie hæredem corripuerunt Variolæ: ita leniter quidem, ut sine ullâ ferè molestiâ eruperint. Itaque in principio, nihil, quod morbo occurreret,

ret, factum: nisi quod Cucurbitulis eductus fuerit sanguis ad 3 iv. Curam ægroti habuit, Vir clarissimus, & supellestile medicâ instrutissimus, H. Sloan. Ad Octavum adeò diem sine omni difficultate perventum est: ut nulla omnino ifuerit suspicio, posse eum aliquando in periculo versari. Eo tamen die, cùm nos illum unà primùm inviserimus, & febre tentatum, & singultu sæpius affectum invenimus. Accessit & Tussicula. Pustulæ non in facie modò, sed per universum corpus confertæ: in pectore præsertim à claviculis ad umbilicum usque, densissimæ: quod uti perrarum est, ita & inter manus omnis signa à quibusdam non temere positum. Neque id sanè infrequens, ut Variolæ, licet inter initia facillimè, ut hoc in casu, pro ruperint, morbi tandem decursu evadant mortiferæ. Pustularum margines supra modum rubescentes: ipsæque crudiore materiâ diffluentes, quæ ad flavedinem quidem parum accederet. Facies non non nisi modicè intumuit. Pulsus plenior, utcunque incitatus. Haud multa inquies; somni tamen neque arcti, neque diurni. Sputatio longè parcior, quam quæ morbo ita gravi convenerit. Is autem virium languor, ut neque caput de pulvino tolli, neque in alterutrum se verti latus libenter tulerit. Horum omnium ut ratio aliqua haberetur, mitiore Cardiacorum genere, aliisque remediis curavimus.

Insequente biduo, nulla rerum mutatio, nisi quod deceperit singultus. Somnifera singulis noctibus adhibita, aliquando & iterata.

Undecimo, Tussis vehementer increbuit, & quandam quasi in pectore angustiam invexit. Febris

bris etiam, præsertim vesperi, exarfit. Itaque quæ pulmonibus subvenirent imperata, admotumque Nuchæ Vesicatorium.

Duodecimo, venter *Enemate* solutus febrem aliquantulum tenuavit, quæ tamen noctu ita re-cruduit, ut per intervalla delirium excitârit.

Decimo tertio, Facies prorsus incrustata, Manuum tumor omnino nullus. Spiritus pa-
lo molestior. Neque febris adhuc conquievit,
neque remiserunt cætera. *Urina* tamen, largi-
ter utcunque profusa, nonnihil depositus. Se-
rio igitur de his rebus deliberantes, de *Evacu-*
antibus, & de *Rhabarbaro* exhibendo sermo-
nem habuimus: cunctanter tamen in hoc ipso
morbi tempore, periculoſo licet, agendum esse
arbitrati, id consilii abjecimus. Qua quidem
in re id potissimum attendimus, ut, naturæ co-
natum dum opperiremus, ægroto interim nihil
noceremus. Neque id non a nobis curandum
esse duximus, ut existimationi etiam nostræ,
quod licuit, consulueremus. Fortasse etiam pru-
denter satis aut quicquam tentare, aut in splen-
didâ personâ periclitari conjecturâ nostrâ nolui-
mus, ne occidere, nisi servâssemus, videremur.
Quippe siquid adversi acciderit, id *Rhabarbaro*
fortasse quis imputaverit: fin, *Bolo* atque *Julapio*
decenter & solenniter repetitis, res tamen
ad exitium veniret, artis regulas fuissemus per-
secuti. Nihilominus *Clysterem* alterâ vice præ-
cipere ausi sumus; adhibitaque sunt brachiis
utrisque *Vesicantia*. Nox inquieta; Febre nun-
quam antea ita graviter laborarat: multa, &
sæpiissime incondita, locutus. Pulsus tum citatior,
tum minus valens. Itaque mane,

Decimo quarto, experiri statuimus, quid auxiliū in hoc rerum discrimine afferre possent Cucurbitæ: his adeò admotis, sanguis ad 3 vij. fluxit; unde & aliqua caloris remissio, & capitatis levamen maximum.

Vesperi tamen, cùm Febris etiamnum parum esset inclinata, nosque evacuantia præcipue ex usu fore tandem suspicaremur, de *Rhabarbaro* iterum mentionem fecimus, jam de *quindecim*, mox de *viginti quinque* granis locuti. Sed medio tutius eundum esse rati, rem æquissimo modo secuimus: &, *viginti* demum granis fidenter exhibitis, nimium alvi fluxum haud quaquam perhorruimus. Hinc ventre *semel* soluto, Febris, utut nunc primū mitefcere visa sit, etiamnum tamen inhæsit. Quare ne vel delirium, vel spirandi difficultas ingravesceret, Vesicantia ut præstò essent, præcepimus.

Decimo quinto, melior paulò rerum facies. Pulsus magis ad æquabilitatem accessit. Nulla jam pectoris angustia, vox tamen raucissima. *Ename* adhibito, emollitus est venter; qui deinde ad fluorem proclivior, hoc & proximo die *ter quaterve* dejecit. Vires tamen, nisi in ipso dejiciendi articulo, haudquaquam imminutæ.


Decimo septimo, ad *Rhabarbari* 3 ss. satis audacter ascendimus: unde *ter* fusus est venter. Sed neque adhuc febris prorsus evanuit, quæ vesperi præsertim molestiam renovabat. Cætera quidem in melius mutata. Itaque,

Vicesimo, cum quotidie descenderat venter; exhibita sunt *Rhabarbari* grana xxv. Febris nunc tandem penitus depulsa; viresque, quanquam alvus liquidior jam facta *bis* ferè indies, ad tem-

pus

pus aliquod, fluxerit, paulatim instauratæ.

Ad hunc modum Vir ille prænobilis ex morbo gravissimo, lentis tandem gradibus, ad sanitatem pervenit: quam utique evacuantibus, & quidem Ventri maximè fluenti acceptam referri oportere ipsa satis fidem facit Historia: nam Febris non, nisi postquam fuerit leniter sanè, ad plures tamen vices repetita *purgatio*, deceſſit.



HISTORIA

D E C I M A.

DELIRIUM vel in initiiis, vel in ipso vigo-
re Variolarum satis vulgare est: sed id vix
aliàs unquam ita impotens atque effrænatum,
ac in Virgine quâdam percepī. Eruperant eæ
haud commodè, die scilicet secundo; permultæ
quidem illæ atque densæ, sic quidem ut in genis
planè coiverint. Vicinus aderat ei Medicus *T. Pigot*: qui id probè curavit, ut satis feliciter &
exirent pustulæ, & procederent. *Quarto* adeò
die, eæ tum mole haud mediocres, tum etiam
colore florentes. Sed somnus à biduo nullus ac-
cesserat; quare mens brevi turbatior, ita vanas
quasdam imagines, cogitationesque tristissimas
acciperet: neque intra verba desipuit illa, sed
aliquando violentius se gessit, sic ut facile con-
tineri nequiverit. Pulsus eo die haud multum in-

quietus; sed corporis fervor vehemens: sequē ipsa quasi flammis torrei sæpius clamavit. Imperata sunt Vesicantia: aliaque id genus remedia, quæ & pustulas augerent commodè, quietemque arcesserent. Sed somnum his auxiliis frustra quæsivimus. Itaque manebat idem, isque quasi bacchantis furor. In cæteris, satis presentiâ processum.

Septimo, quietis quidem perpusillum: mens tamen vanis imaginibus pariter addicta. Pustulæ cursum suum non malè tenuerunt. Febrisque hactenus, si pulsus consuleres; ferè aberat, sed incendium aliquod intus delitescere visum: adeò ut sitis adesset perpetua, faucesque ita siccicerent, ut sputorum omnis interciperetur cursus.

Octavo, cùm materia in pustulis jam ad maturitatem spectaret, febrem ex more accessisse pulsus ipse, concitator factus, indicabat. Idem tamen & validus, & plenus. Spirandi molestia nulla, sed nec quies ulla: nec mentis error quicquam remisit. In urinâ nihil coctum apparuit.

Nono, omnia ferè eadem, nisi quod tum Febris, tum delirium sæviret atrociùs. Itaque *Clyster* est injectus; unde, alvo subducta, spatiū aliquod in quiete transactum.

Decimo, Pustulæ quidem pure, sed eo tamen crudissimo repletæ. Eadem animi impotentia: Febrisque ad extremum caloris gradum perducta. Nervorum etiam distensiones subinde obortæ. Quare, Cucurbitulis admotis sanguis ferè ad $\frac{3}{4}$ ix. detractus: unde primùm aliqua, permodica licet, Febris levatio. Tendines iam etiam quiescebant.

Duodecimo, rursus in deterius itum est. Sed nec pustulæ adhuc prorsus aridæ , neque faciei tumor: corporis autem calor intensissimus. *Rhabarbari* ȝ fs. jam tum sumpta ventrem laxaverat modò; quare is, proximo die medicinâ paulò valentiore adhibitâ, liquatus est. Inde aliquæ somni induciæ ; qui tamen etiamnum ita perdifficiliter accessit, ut ferè frustra fuerint, quæcunque in usum ducta sunt, *Opiata*, Id quod alias in vehementibus deliriis sæpe experimur. Febris adhuc cum mentis alienatione maximâ inhæsit: itaque *decimo sexto*, *Rhabarbari* ȝ i j. imperati sunt, & *decimo septimo*, etiam repetiti: ita ut alvus sæpius descenderit, sed ne sic quidem aut incendium corporis restinctum est, aut remisit delirium. Igitur,

Decimo nono, Hirudines, Venis temporabilibus admotæ, sanguinis multum exhauserunt. Hinc magnum capitis levamen percipi; quod tamen adhuc ita vacillabat, ut delirium subinde recurreret. Neque febris hactenus interquievit.

Quare, *Vicesimo*, potionē, quæ leniter purgaret, adhibitâ, intraque *triduum* iteratâ, febris ita imminuta est, ut ægrotata, post *Viginti quatuor* demum dies jam primū mentis esset suæ. Atque illa quidem deinde, ut febriculæ finem imponeret, *lacte Afinino* usā, brevi ad integratatem pervenit.





VIDES, quām in simili Variolarum genere
dispar sit morbi ipsius cursus, ratioque af-
fectuum multiplex, & planè dissimillima: vides
ægrotos sexūs utriusque, omni tempestatum ge-
nere, omnis ætatis, omnis habitūs, omni anni
tempore, eodem malo laborantes; quos tamen
omnes hæc potissimum *purgandi* via periculo
vitæ maximo liberavit. Vides ut aliis inopina-
tam præsentissimamque opem attulerit *purgatio*;
ut aliis paulisper subvenerit, cunctantiūs per vi-
ces repetita: ut universis, seriūs aut citiūs, mi-
rabilem in modum saluti fuerit. Nonne enim
omnes hi ex ipsis propè lethi angustiis, hoc me-
dicinæ auxilio, emersere? quidam utique, uno
quasi ictu, simul & semel erepti: plurimi minu-
tatiū, lentèque admodum extricati: ita ut, si-
quis horum omnium salutem *purgationi* minimè
ascribi oportere censeat, idem pari per me licet
jure contendat, neque artem medicam unquam
exstitisse, neque ullam unquam profuisse cui-
quam Medicinam. Hæc tamen nota satis atque
illustria, non ex otiosorum hominum cerebro
effusa, sed ex ipsâ, Artis Magistrâ, Experien-
tia, eâque multiplici, deducta: non in angu-
lis, non in gurgustiis, inter nutrices & anicu-
las clanculum conficta, sed in luce atque con-
spectu hominum. maximèque intra Nobilium
parietes, coram testibus idoneis gesta atque pro-
bata.

At,

At, inquiunt, inaudita est hæc medendi via & nova, à præcorum rationibus aliena, à nobis jam primùm recenter tradita: nōsti, quām parum Nos quidem id quodcumque fuerit laudis nobis ipsis arrogemus; dixique alias, quibus id demum Authoribus ut faceremus, impulsi sumus. Sed quò magis, vel ut inventores, gloriām defugere, vel ut novatores, invidiam declinare possimus, liceat argumentum hoc longius ex ipso fonte repetere. Neque res erit, hīc præsertim, valde aliena, si & primam morbi originem altius persequar, & de vetustissimis quibusque, qui de eo locuti sunt, scriptoribus strictim pauca, haud omnibus nota, subjiciam. Quod quidem libentiū facio, quia illorum tempora, uti hactenus in libris notantur, non falsa modò sint, sed & confusissima. Neque verò id mirum tot fabulas, tantamque in rerum harum memoriā obscuritatem reperiri, cùm nullus adhuc ad scribentium manus pervenerat Author idoneus, qui explicato ordine medicorum *Arabum* ætates persecutus esset: sed has demum tenebras primus dispulit, Vir reconditæ eruditonis, *Pocockius*, *Abul-Pharajio*^a, eodem & Medico & Historico haud mediocri, in lucem publicam prolatο^b. Quare, quod hucusque à nemine animadversum esse percipio, id quod est hujus argumenti breviter percurram, ut prima Variolarum notitia in quā ætate extitisset, quatenus quidem ex Historiā constat, possit intelligi.

Variolæ igitur, utcunque earum ortus sit fortasse, quām vulgò existimatur, obscurior, tamen

^a Vixit. A. D. 1284. ^b Oxon. 1663.

men ab *Arabum* usque imperio initia duxisse videntur. Nam qui eas *Græcis*, etiam antiquioribus, cognitas fuisse contendunt, planè ineptiunt: cùm ii, in signis morborum enarrandis scriptores accuratissimi, de hoc tamen literam prorsus nullam reliquerint. Neque me fugit, quòd ipse *Rhazes* ^c suo, non *Georgii* (ut vult *Sebiziūs* ^d decreto *Galenum* *eas non omisſe*), dixerit: quos quidem *Galenī* locos ego cum *Diomedē Amico* ^e neque inveni adhuc, neque ad Variolas quoquo modo referri posse conjicio. Unus tamen *Rhazes*, qui multa priscorum *Arabum* scripta suo operi inseruit, ostendit, morbum hunc aliquot ante suam ætatem seculis fuisse notissimum.

Antiquissimus adeò, quem aliquid de Variolis memoriæ prodidisse constat, à *Rhaze* sæpius laudatus, *Aaron*, sacerdos; *Alexandriæ*, in quâ à *Ptolemæorum* usque temporibus floruerant literæ, & præsertim *Medicæ*, natus: qui *Mabume-de* imperante, A. D. 622, sive circa *Hegiræ* initia clarus ^f, *triginta* de re Medicâ libros ^g, lingua uti dicitur *Syriacâ*, composuit. Hic & signa Variolarum tradidit ^h, & erumpendi tempora explicuit ⁱ, & sive salubria, sive periculosa genera ^k notavit: etiam aliquâ ex parte curandi modum attigisse videtur. Nam & cendum esse ait, cùm semel eruperint, à frigidis; succum *Apīi*, & *Feniculi* præcipit, quòd melius

^c *Contin.* 419. 4. 420 2. ^d *De Variol. Disp.* 2. Q. 1.

^e *De Variol.* c. 10. ^f *Abul-pharaj.* p. 99. ^g *Ib.*
Haly Abbas Theor. c. 1. ^h *Contin.* 419. 2. ⁱ *Ibid.*
col. 4. ^k 422. 1. ^l *Ib.*

Iūs extrā prodeant Variolæ: medicinam denique, quò tam ori faucibusque, quām oculis nihil asperius accidat, describit. Ita ut in *Ægypto* fortasse, *Aaronis* patrià, eādemque *Pestilentiae* procreatrice haud infrequenti, prima, quantum ex monumentis suspicari licet, exordia haberit Variolarum morbus: qui deinde, *Alexandriā* ab *Amro* captâ, *Græcisque* ereptâ, inter *Arabum* nationem facile diffusus est. Haud ita multò tamen ante *Aaronis* tempora, etiam in *Ægypto*, Variolas extitisse fidem facit, qui superiore seculo vixerat, *Ætius Amidenus*: is enim, utcunque in eādem *Alexandriā*^m Medicinæ studuerit, omnemque rerum Medicarum farraginem congesserit, mentionem de iis nullam omnino fecit.

Circa idem tempus, sub *Herraclii* ferè extum, Anno nimirum 641, medicinam illustravit, sive potius Veterum, *Galenī* præcipue, volumina contraxit *Paulus Æginetn*: in morbis mulierum tractandis insigniter peritus; unde ei cognomen *Obstetrici* accrevit. Itaque & suos de re Medicâ libros, uti advertere potes, à *Prægnantium* vietu auspicatur, & affectus *mulieres*^o ferè fusius, quām cæteros, enarrat. Peregrinandi studio multū deditus fuit: cùm tamen ille, scriptor, uti videtur, haud indiligens, nullumque à se morbum *prætermissum* *esse* professus, de *Variolis* ne verbum quidem fecerit, satis magno argumento est, eas non modò vetustioribus *Græcis* fuisse incognitas, sed ne

Pau-

m Tetrabib. I. 1. Ol. Cyzicen. & Ol. Salicæ. n Abul-
pharaj. 114. o Lib. 3, & 6. p Præfat.

Pauli ipsius temporibus in Græciâ adhuc innotuisse.

Post hanc ætatem aliquot annis, A. D. 683, extitit *Maserjawaibus*, *Basorensis*, linguâ *Syrus*, religione *Judæus*, medicus, *Rbazis* iudicio, & perspicuus & sagax. Is *Aaronis* Presbyteri Pandectas medicas, *Merwano* imperante, in sermonem *Arabicum* convertit^q. Hujus & scripta quædam feruntur: in quibus oculorum etiam à Variolis male habentium curam tradidit^r.

Ut autem Variolas etiam in hâc *Arabum* ætate lethales aliquando fuisse appareat, *Alzaffahum* Chalifam eo morbo perisse, A. D. 753, testatur Historia^s. Mox imperio suffectus *Almanzor* ex *Abbasidarum* stirpe profectus, literarum studia excitavit: cùmque *Bagdadi*, urbis à se jam recenter conditæ, stomachi infirmitate laboraret, *Georgium*, Medicum *Zondisaburi* celebrem, *Persicæ* atque *Arabicæ* Linguæ peritum, accersi jussit. Idem *Georgius* quædam de *Variolis* conscripsit: & tum quibus maximè tempestatibus^t sœvire soleant, tum quibus notis^v internosci possint, satis disertè explicuit: aliquid etiam de earum præsagiis adjecit.

Tum, circa A. D. 795, *Johannes* filius *Mefuæ*, Christianus, *Syrus* faceti Vir ingenii magnique nominis, scholam ^x *Bagdadi* summâ cum celebritate aperuit. Itaque ætas ea maximam Medicorum copiam effudit. Hic scripta Veterum

^q *Abul-pharaj.* 127. ^r *Contin.* 421. 3. ^s *Abul-pharaj.* 139. ^t *Contin.* 419. 2. ^v *Ib. Col.* 3. ^g 4. ^x *Abul-pharaj.* 153.

rum medica interpretanda suscepit, impulsu præcipue *Rashidi Chalifæ*: cuius ille quidem saluti, uti & eorum qui deinde secuti sunt, usque ad *Almotawaceli* tempora præfuit: hoc autem familiarissimè usus est, tandemque, non nisi circiter A. D. 846, ætate proiectior decepsit. Libros autem composuit quām plurimos, ordine quidem, uti notat *Haly y Abbas*, carentes, in quibus & aliqua de Variolis præcepta dedit: nam, præterquam quòd eadem ad oculos atque *Aaron* præceperit, ventremque tympani initar sonante in mali esse ominis edixerit, ad amovendas Variolarum Cicatrices *mirabile* ut dicitur remedium concinnavit, & decantatum illud *Laccæ Lentiumque Decoctum* primus descriptsit:^a Alvum etiam *Aquâ fructuum*, si necesse fuerit, usque ad septimum diem leniri jussit. At hujus scripta ita exaruerunt, vix jam ut appareant. Nam *Johannes ille Damascenus*, *Mesue* etiam dictus, cuius opera nos jam in manibus habemus, ab hoc nostro aliis longè est, & longo intervallo recentior.

Sed hæc eadem ferè omnia, quæ de Variolis perstrinxit *Mesue*, è *Serapione*^b sunt itidem tradita: qui id etiam addidit, sanguinem inter initia, vel Venâ incisâ, vel Cucurbitulis, mitti oportere. Etiam lenientibus, à *Mesue* præceptis: alia quædam adjecit. Nam id quoque advertere licet, quòd hæc, quæ jam ex *Rbozæ* sunt petita, etiam interea, quæ *Serapionis* nomine de *Febribus* habentur, verbis ferè iisdem explicata repe-

y *Theor. c. 1.* z *Contin. 421. 1.* a *Ib. 4.* b *Contin. 421. 1.* & 4. 425.

60 JOHANNIS FREIND,

reperias. Id autem in *Serapione*^c reprehendit *Haly Abbas*, quod non investigaverit *Variolam* signaque ejus, & medelam propriam; sed interserit ejus mentionem in calidi tractatu *Apostematis*: in quod tamen vitium delapsus est ipse *Haly d Abbas*. *Serapion* tamen, utcunque *Rhaze* antiquior, quo tempore vixerit, incertum: qui enim eum, *Leone Isauro* imperante, circa A. D. 730, floruisse volunt, quam id authoritate innixi afferant, haud quam percipio.

Successit autem *Mesuæ* seni adolescens, *Isaac Jobannitii*^e sive *Honeini Ebadiensis*, (cui, quod libros & medicos & mathematicos feliciter traduxerat, *Interpretis* nomen inditum) filius: alterius *Jobannitii*, *Interpretis*^f itidem dicti, pronepos. Ipse etiam *Græcarum* imprimis literarum sciens, & Philosophiæ studio incensus, *Almato-waceli* temporibus, rem medicam plurimum excoluit. Multa veterum monumenta, domestico exemplo, tam *Syriacè*, quam *Arabicè*, traducta edidit. Id quidem hujuscce familiæ naturale quoddam bonum: ita ut medicis, qui ex horum disciplinâ profecti sunt, quicquid jam extat vel *Hippocratis*, vel *Galeni* *Arabicè* versum, unice debatur. *Isaac* autem, quatenus quidem ex *Rhaze* intelligimus, de *Variolis* locutus, nihil nisi de sanguine quasi ad *deliquium* mittendo, Ptisanâ dñndâ, deque ventre, si liquidior fuerit, coercendo, præcepit. Fortasse hic idem est, qui *Israelita* dicitur, quique opusculum de *Febribus*, à *Constantino*, *Monacho Cassinensi*, eodemque

Scholæ

^c *Theor.* c. 1. d *Ib.* 8. 14. e *Abul-pbaraj.* 171.

^f *Ib.* 163. *Herbelot.* in *Honain.*

Scholæ Salernitanæ quasi authore, Latine redditum, contexuit. Nam *Iaac* hic, de quo loquimur, *Christianus*, genus duxit ab *Ebadiis*; qui origine fortasse *Judæi*, ex diversis tribubus conflati, in Castella quædam, *Hiræ* vicina, secesserant g. *Isaac* verò, sive noster, sive alias, de *Febribus* differens, *Variolarum quatuor* h genera quaternis humoribus accomodata constituit: signaque earum, pustulis nondum proruptis, tradere contentus, curationem haud omnino attigit. Ascribitur etiam huic *Isaaco Pantechni* opus, quod diverso nomine *Complementum Medicinæ dictum*, ab aliis ad *Haly Abbatem* refertur. Certè, uti advertit *Syphorianus Campegius* i plura sub *Isaac* titulo adducit *Rhazes*, quæ in *Haly Abbatे inveneris*, nullo mutato verbo, & capite toto. Sed de hoc scriptore plura suo loco dicemus.

Hunc proximè secutus, *Almoctaphi* temporibus, A. D. 900, *Josephus Alzaber*, sive *Vigilator* dictus, Vir & doctrinâ & famâ insignis, qui magnâ diligentia, quæcunque ad Medicinam pertinerent, congesit. Sed vix quicquam eum de *Variolis* k docuisse constat, nisi quod ex *Mesue* fuerit depromptum.

Hæc ferè sunt, quæ ex *Arabum* scriptis ad *Variolas* pertinentibus excerptis *Rhazes*: qui, uti observat *Haly Abbas* l in Volumine illo ingenti, quod *Continens* vocatur, Medicorum omnium tam veterum quam recentiorum sententias, ab *Hippocrate* ad *Isaacum* usque, collegit. Sunt tamen

g. *Ibid.* h. *De Febr. lib. 2. 27.* i. *Epistol. ad And. Turinam.* k. *Contin. 420. 4.* l. *Theor. c. 1.*

men & alii, qui incertæ utcunque ætatis, à Rhaze laudati, in hoc *Variolarum* argumento elaborârunt, Medici, viz. *Judæus*, *Tabri*, *Tarmandi*, *Bugajesu*; quorum quidem *Judæus* fatis antiquius, quippe cujus mentionem fecerit, Rhaze senior, *Serapion*. Neque ille sanè spernendus author: utpote qui primus *duo Variolarum genera*, interstincta atque confusa^m, indicârit: discriminaⁿ, quibus ex à *Morbillis* distingui possint, posuerit: in morbi denique decursu ea, quæ & exitum pustularum expediant, & recessum leni astrictione intercludant^o, præceperit.

Hactenus, quâ licuit, ex Antiquorum *Arabum* fragmentis in *Rhazis* unici Thesauro delitescentibus, opere *Abul-Pbarajii* Chronologico adjutus, *Variolarum* Historiam pertexui. Vides tanquam in tabulâ aliquâ rudiore, quâm non infeliciter quidem adumbrata sint prima morbi lineamenta; ipsa verò forma neque ad vivum satis expressa, neque ad veritatem adducta. Præclarè scilicet inchoata multa, perfecta non planè. Fortasse aliquid paulò limatus ex ipsis *Rhazis* officina prodibit.

Rhazes adeò, A. D. circiter 900, inclaruit: nam Anno 932 oculis captus, & senectute confectus, octogenarius scilicet, cessit è vitâ. Hunc *Maurum* fuisse volunt plerique; suosque de re Medicâ libros ad *Almanzorem*, vel *Cordubæ*, vel *Africæ Tyrannum* misisse. Sed neque *Rhazes* *Mauritanus* oriundus, quippe qui *Raiæ*, apud *Chorasanos* oppidi, natus fuerit p indequé nomen

^m *Cont.* 419. 2. ⁿ *Ib.* 4. ^o *Ib.* 421. 4. ^p *Abul-pharaj.* 191. *Herbelot.*

nomen adeptus; neque *Almanzor* ille, aut *Africæ*, aut *Cordubæ*, sed huic itidem *Chorasanæ*, ^q imperabat; *Sarracenici* proculdubio Chalifæ vicarius. Fuit autem *Rhazes* Musicæ sciens, Philosophus & Medicus insignis, singulare fæculi sui decus, & antiquitatis multum, ut temporibus illis, peritus. Qui quanquam in Medicinâ exercendâ plurimum operæ insumpserit (unde ei *Experimentatoris* nomen, & *Nosocomio* tum *Raiensi*, tum *Bagdadensi* præfuerit, nunquam ferè à scribendo ^r destitit. Quare etiam de *Variolis*, ^s multa multifariam & collegit, & compo-
suit; præcipuè in opere ^t illo, in quo cunctorum ante scriptorum commentarios conclufit; quod quidem opus & in privatos fuisse usus à *Rhaze* compositum, & suis etiam temporibus haud facile inventu scribit *Haly Abbas*. ^v Quin & & peculiari libello, quem Interpres quidam *Græcus* ex *Syriaco* sermone transtulit, quemque primus ex *Græco Latinum* fecit *Georgius Vallala*, Variolarum cursum curationemque exposuit ^x: quidque in *duplici* earum genere, discreto, atque confluenti, sequendum sit, diligenter advertit. Neque enim ea *Augenii* ^y suspicio ullo fundamento nititur, quasi liber hic non à *Rhaze*, sed à *Græco* interprete fuerit confessus: cum *Rhazes* ipse in iis, quæ de *Febribus* ^z docuit, ad hoc commentariolum Lectores non semel remiserit. Errat etiam *Augenius*, cum dicit *Rhazem* in iis, quæ in hoc opere, quæ-

^q *Rhazis pref. Antidot.* ^r *Ibid.* ^s *Division.* 159.
De Febr. c. 18. ^t *Lib. 30. Tr. 13.* ^v *Theor. c. 1.*
^x *De Pestilentia,* ^y *De Febr. g. 13.* ^z *C. 18.*

quæque in *Continente* edifferuit, sibi minus constitisse: quippe eadem prorsus utrobique ^a verba de *ætatis mutatione*, in quâ multus est, inferuit: ea verò, quæ ad *Blætias* atque *Variolas* pertinentia ille ex *Continente*^b profert, non *Rhazis* sunt, sed *Georgii*. Itaque *Razes*, scriptor sanè intelligens, tam in hoc de *Pestilentia* opusculo, quam in ipso *Continente*, totum hunc de *Variolis* locum illustravit: ita quidem cumulatè plenèque, ut per pauca, vel ad signa stabilienda, vel ad elicienda præfigia, vel etiam ad curationem, in *primo* saltem stadio, rectè tractandam deesse videantur. Ex hoc fonte mihi vindentur omnia, quæ ad *Variolas* pertinent, haussisse, qui deinde secuti sunt, *Arabum* magistri. Loquor, ut opinor; sed licet ex scriptis judicare. Neque enim *Rhazi* aliquid ^c adjecit, utecumque de ejus fama detraxerit, *Haly Abbas*, *Persa*, vir eximiè doctus, unde & *Magi* cognomen obtinuit: qui, circa A. D. 980, in gratiam Regis *Adado'ddaulæ*, (cui magnifico more, patrio scilicet, assentatus est ^d) librum suum *Almaleci*, (i. e. *Regium*, construxit. ^e Is tamen liber, quasi primus inter *Arabas*, qui totius Medicinæ formam complecteretur, ab authore ipso prædicatur: & meruit certè, ut ante *Avicennæ* *Canonem* omnium manibus tereretur ^f etiam, si curandi præcepta species, *Canone* ipso est præstantior. Quare hunc magno labore Latinè redidit, A. D. 1127. *Stephanus Antiochenus*: quam

^a *Contin.* 420. 1. *De Pestil.* c. 1. ^b 419. 4.

^c *Theor.* 8. 14. *Præct.* 4, & 5. ^d *Theor.* 1. 1.

^e *Abulpharaj.* ^f *Ibid.*

quam alii, uti vidimus, opus illud ab *Isaaco* esse conscriptum velint. Quin & ipse *Avicenna*, qui, A. D. 980, *Bocharæ* natus, A. D. 1036^e obiit, nihil quicquam de *Variolis* protulit, quod non ferè ad verbum de *Rhaze* vel sumpserit, vel surripuerit, nisi fortè excipias ea, quæ de *Mictu sanguinis* f advertit, & *Syrupi* g ex *Dactylis Mirabile*, uti dicitur, exemplar: & est sanè *Syrupus* iste ex materiâ multiplici admodum & multiformi perquām mirabiliter coacer-vatus. Quò iniquior in *Rhazem* scriptor ille censendus est, qui eum, à quo permulta mutuatus est, saepius occultè vellicat. Tamen ea fuit *Avicennæ* (haud perperam *Principis* dicti) fortuna, ut neglecto *Rhaxis* nomine & propè intermortuo, (de *Variolis* loquor) in Medicorum scho-lis Regnum aliquot per sæcula tenuerit: neque id sane exemplo prorsus inaudito, ut qui aliena scrinia ausi sint vel apertè compilare, vel decen-ter magis in Epitomen conjicere, legitimi au-thoris lumen aliquando præstinxerint. Unde suo in *Avicennam* studio ita abductus est *Gentilis Ful-ginas*, ut eum *Rhaze* non modo meliorem, sed & antiquiorem authorem censuerit, post que eum h de *Variolis* haud imperitè quidem scripsisse *Rha-zem* dixerit. Sed quo in numero habendus sit *Rhazes*, utcunque desertus, abunde common-strat, insignis ille inter *Arabas* scriptor, *Al-sabaravius*, ejusdem, uti nonnulli volunt, cum Aver-

e Pocock. in *Abul-pharaj. de moribus Arab.* 362.

f De Febr. c. 6, & 10. g Ib. c. 10. h Comment. in *Avicen. c. 6. de Variol.*

Averrhoë i. ætatis, hic enim, quanquam de *Rhaze* quidem prorsus reticuerit, eum tamen ferè in omnibus secutus est: ita diligenter sanè, ut verbo tenus capita illa, in quæ noster *Variolarum* curam k dispertierat, integram exscripserit.

Etiam ipse *Averrhoës*, &c., qui paulò vetustior fuit, *Avenzoar*, uterque *Arabs* in *Hispaniâ* licet natus, nihil novi, quod quidem ad Variolas curandas attinet, de hoc argumenta attulisse præ se ferunt. Et tamen *Variolarum Contagium* illâ, uti videtur, ætate se, etiam per *Europæ* gentes, ita diffuderat, ut nullus eo morbo fuerit magis popularis: quippe si quis eo immunis vixerit, id instar miraculi fuisse testatur *Avenzoar*.

Dices fortasse me jamdiu de fæce hausisse, tantumque sive mei sive Tui otii in horridis hisce & ferè obsoletis *Arabum* monumentis consumi haud patienter feres. Sed quia prima hic *Variolarum* morbus inter *Arabas* exordia habuerit, solusque ferè sit, cuius Historiam ii ex *Græcis* non desumpserint, volui rem eam, involutam sanè & nemini adhuc, quod scio, satis percep tam, sic explicare, ut, expositis ordinibus temporum, uno in conspectu omnia videres.

Itaque ut redeat tandem, unde deflexit, sermo, quid de medendi ratione, hoc præsertim morbi tempore senserit *Rhazes*, audiamus.

Hic adeo, licet, morbo nondum ad summum perducto, ventrem solventia vetuerit, eo demum

i Ob. A. Heg. 595, sive A. D. 1198. Pocock. Ib. 385. k ~~De~~ Pestilent. c. 4. m Prædict. c. 10. Partie. 2.

mum *Senescente*ⁿ probat: eâ potissimum quidem de causa, ut *natura levetur onere*, & *morbi materia minuatur*. Et profectò idem hic, in Medicâ arte multùm exercitatus, haud futilia signa posuit, quibus dirigi possit medentis judicium: nimirum tum præcipue hanc humiditatis educendæ viam indicari monuit, si *corpus fuerit submissum & invalidum*, *turgens tamen*, aut *erumpens*, aut *exceptum cum Albore & Rubore levi*, & *febris imbecillitate*: maximè vero, si ad hæc accesserit, *Pulsus undosus*: si quidem in re hujusmodi *flures sunt ictus & vehementes*, *morbosque denotant nimio humore corpus irrigantes*, & ex his *febres præsertim continuas*^o. Putasne aliquem, aut verbis magis disertis, aut acriore unquam indicio morbo jam *Senescente* sive inclinante (scilicet ubi primùm inaruerint pustulæ) hæc de *Purgandi* ratione præcepta complecti potuisse? neque hæc solùm præcepta, aliis ut usui essent, more quodam professorio tradidit *Rhazes*, sed ipse suâ, eâque sanè longissimâ, experientiâ comprobavit. Etenim illa, de *Filia Hebituseyn*^p singularis est Historia: quam etsi aliâs tetigerim q, tamen, quia ad hanc nostram deliberationem perapposita est; liceat breviter retractare. ” Ea igitur, Camelarum lacte liberi, rius ufa, in *Variolas* incidit: neque ei, antequam hæ *quarto die eruperint*, vel alvus purgata est, vel sanguis missus. Igitur circa oculos præcipue, confertissimæ exierunt, ita ut Vetulæ, quæ astabant, eos Medicinâ servaverint,

, ri

ⁿ *De pestil. c. 14.* ^o *Lomii Med. Observ. Lib. 3.*^p *De Mirabil. Curis, Lib. 2.* ^q *Comment. 7. 88.*

„ ri potuisse miratae sint. Venter, ut moris
 „ est in hoc casu, semper astricctor. Tamen
 „ cum, sub exitu morbi, remanserit etiamnum
 „ aliquid *Febris acutæ*, cumque eam quidem Vir
 „ acutissimus ab humorum reliquiis, quæ per
 „ pustulas egeri non poterant, nasci videret,
 „ nullum aliud superesse auxilii genus, nisi pur-
 „ garetur ea, judicavit. Sed ea erat in hâc æ-
 „ grotâ virium infirmitas, corporisque languor,
 „ ut remedium paulò valentius sustinere nequi-
 „ verit. Itaque ille eâ moderatione sapienter
 „ usus est, ut nihil nisi Ptisanam, atque *Aquam*
 „ *Fructuum* (cujus Formula apud *Mesuen* 1 le-
 „ gitur) per quindecim continuos dies præcepe-
 „ rit: unde quidem quotidie bis fusa est alvus.
 „ *Quadragesimo* demum die, urina aliquid de-
 „ posuit: neque verò, ante *Quinquagesimum*,
 „ ad integratatem perventum est. ” Vides, qua-
 lem excitârit febriculam, & in quam vetusta-
 tem inciderit hic Variolarum morbus: quem ta-
 men, *purgantium* ope, depulit tandem medici-
 sagacitas, & quædam in ipso medendi genere
 pertinacia.

Eandem curandi viam, atqui iisdem ferè ver-
 bis præcepit, *Rhazis* sectator, utcunque magi-
 stri immemor, *Alzabaravius*: *alvum* scilicet, mor-
 bo jam ad statum perducto s leniri jubet, ma-
 xime si ægroti vires constiterint, Pulsusque vir-
 tutem habuerit: eaque remedia ut hâc in re præ
 aliis idonea commendant, quæ calorem minùs
 excitent.

Deinde per aliquot secula, apud Medicos
 Eu-

Europæos altum de hâc in Variolis purgandi ratione silentium: neque verò id mirum; siluit enim ipse Avicenna; ita ut frustra aliquid apud eos quæras, quod Princeps omiserit.

Tandem literis aliquando renatis, & excusso jam ferè *Arabum* jugo, homines, non ex aliorum authoritate omnia proferre, sed experientiâ duce uti, suamque se qui sententiam didicerunt. Hanc igitur sive Artis, sive naturæ molitionem innuit, sagacissimi Vir ingenii, *Fernelius*: qui paucissima licet verba de *Variolis* locutus, hunc tamen morbi furorem tum demum compri mi scribit cum soluta alvus humorum, qui contaminati fuerunt, reliquias Crisi exturbet^t. febremque prorsus persistere notat, dum citâ alvo fæda illa proluvies exeat^v. Conjunctus ferè hujus ætati *Marcellus Donatus*, *Mantuanus*, qui Recentiorum omnium primus integrum de *Variolis* tractatum condidit, utcunque hac in re paulò cautior, ubi tamen se inclinaverit morbus, atque pustulæ exaruerint, maximè si febris vel symptoma aliquod urgeat, *Alzabaravium* secutus ventrem leniter ducentia suadet^x. Quinimo si fluxus supervenerit ob materiam derelictam à naturâ, quam per cutim non excretam, per album extra mittere tentat, hunc naturæ conatum à prudenti Medico, *Rhabarbaro* aliisque id genus remediis adhibitis, juvandum esse præcipit, eosque planè irridet, qui nunquam utendum esse in fluxibus alvi, solutione ventris contendunt^y.

Alii item, qui in hâc nostra disciplinâ, iisdem propè

^t *De Abdit. Caus. 198.* v *Pathel. 43.* ^x *De Variol. c. 26. p. 189.* ^y *C. 35. p. 209.*

propè Marcelli hujusce temporibus, floruerunt, in Italiā quidem *Mercurialis*^z, Rod. à Fonseca^a, *Campolongus*^b, *Diomedes*^c *Amicus* in Galliā, *Paræus*^d, in Hispaniā denique *Mercatus*^e; eundem de hâc ventris solvendi viâ sensum habuisse videntur. Quorum sanè vestigiis permulti deinde & harum & aliarum etiam gentium Medici institerunt.^f Ita ut *Ballonius Pariensis*, Vir in Medendi exercitatione, inter elapsi seculi initia, versatissimus, sermonem de *Variolis* sic concluserit, se longâ nempe experientiâ doctum „ fuisse, quod in popularibus morbis, in quibus *Exanthemata* apparuerant, sæpius iterata „ *Venæsectio* & *profusio alvi*, imo olida prolu „ vies tum arte, tum naturâ, tum vi morbi „ procurata, multos orco eripuerit. ” Neque ea, quam de *blandâ purgatione* locutus, *J. Chicotius*^g narrat, Historia prætermittenda est: si quidem ea exponit, quemadmodum *Simo Petræus*, refragantibus Medicis tribus eâ ætate clarissimis, *Alanio*, *Marescoto*, *Dureto*, Senatoris *Parisiensis* filiam, sub exitu Variolarum, febre periculosisſimâ laborantem hoc medendi instituto servaverit.

Ita videmus ad hæc usque tempora invaluisse, ubi semel inclinatus esset Variolarum cursus, hanc *purgantium*, commoditate doctrinam.

Præ-

^z *Morb. Puer.* 25. ^a 252. ^b *De Variol.* ^c C. 6.

^d *Lib.* 19. ^e 462. ^f *Jul. Cæsar. Claudiu. Empir. Rat.* 287. *Epiphani. Ferd. Cas.* 78. *Franc. Pomius, Sicularius. Fr. Rubeus, Gentuensis. Exc.* 8. *Zacutus, Lusitanus* 786. *M. Sebizijs* 6. 5. *Jos. de Medicis, Crætensis. Lister.* 320. ^g *Epistol. de Variol.*

Præcepta quidem illa , uti ab Authoribus tradita sunt , & rationi , & experientiæ omnino congrua : sed quæ nimium tamen laxa , & ad morbi momenta nondum satis exquisitè accomodata fortasse haud perperam judicamus . Nam , aut quo præsertim tempore , aut quo demum die *purgatio* illa institui debeat , à nemine adhuc perscriptum . Tandem eam *Sydenhamus* , in Variolis confluentibus , *decimo tertio* , si modò præmissa fuerit Venæ sectio , præ cæteris remediis convenire arbitratus , prorsus interim ante hunc diem tentari vetuit . Sed id , quemadmodum ^h alias monui , atque uti ex his , quas recensui , Historiis perspicuè liquet , frigidum nimis consilium , nec satis pro periculo expeditum . Itaque siquid nos novi fecimus , in eo novatum est , quod , cum citius plerumque , quam die *Decimo tertio* , ad ultima ventum sit , hoc auxilii paulo maturius etiam arripi debere rati simus .

Quò tamen minus miremur argumentum hoc à scriptoribus paulò laxius atque confusius esse tractatum , in promptu est observare , (quod tamen parum intelligi video (eos ne *febrem* quidem ipsam , quæ maturescendi tempore hujuscè generis *Variolas* perpetuò consequitur , pro rei dignitate satis advertisse . Atqui , in his ipsis morbi diebus ægrotantium pars longè maxima & periclitatur , & interit : ita ut , qui locus acrius medentis judicium , curandique præcepta magis subtilia desiderat , in illo eos aut reticere penitus , aut , si vitæ periculum spectes , nugari comprias .

^h *Comment. 91.*

perias. Quid enim ipsi *Arabes*, interque eos ille ipse, quem s^{ae}pe nominamus, *Rhaze*, in hoc difficillimo rerum momento, persecuti sunt, nisi ut *oculis*, ut *naribus*, ut *gutturi* subvenirent, ut *vestiga* demum *Variolarum & cicatrices* abstergerent, *secundæ febris* quasi immemores? consilia sanè ea ad ægrotantium sive levamen, sive venustatem satis commoda; ad salutem parum fructuosa.

Mirum profectò videtur, quòd inter tot, qui deinde secuti, sunt Authores, nemo fere, si *H. Augenium*, atque *Diomedem Amicum* exceperis, *febrem* hanc à *Variolarum suppuratione* ortam vel leviter quidem tetigerit: horum autem neuter omnino, aut quibus illa diebus primùm accedere, aut quem cursum tenere, aut quas molestias afferre soleat, explicuerit. Etiam ii, qui de hoc argumento integros libellos ediderunt, uti *Donatus*, *Campolongus*, *Antonius Portus*, totam hanc de *febre secundâ disquisitionem* prætereunt: neque quicquam huic rei lucis attulit, scriptor utcunque prolixus, inque omnibus omnium sententiis simul congerendis sedulus, *Sebizi*. Etihi quidem universi ita in morbi Historiâ claudicant, ut nec *Stadia* à *Variolis* percura, nec *Sallivæ* profluviū illud, quod in *Confluentibus* ferè perpetuum est, uspiam meminerint. Quæ sanè omnia non ab *Exteris* modò, etiam à *Riverrio*, sed & à *Williso* nostro (quod mirabile) intacta planè relinqui percipis. Adeò, uteunque id primâ fortasse facie incredibile videatur, legendi studiosa satis patebit, in his, quæ indicavimus, mancos omnino fuisse & imperfectos scriptorum de *Variolis* commentarios, *Rhazis* usque-

usque à seculo ad *Sydenhami* tempora: qui sanè magnâ an medentium magis, an ægrotantium felicitate, hoc, quicquid defuit, largiter suppedit; morbiique diversa & *stadia* & *genera* luctuientius exposuit unus, quam alii omnes gentium omnium atque ætatum Medici. Neque in extremo hoc *Variolarum* quasi actu, uti cæteri, defecit: sed, cum multa ad hanc febrem vel minuendam vel extinguedam sapienter præceperit, tum potissimum hanc alvi movendæ viam, ab omni retro antiquitate institutam, *primus* tamen inter nostrates invexit. Ita ut eos, qui hoc *purgandi* consilium, tanquam *inusatatum novumque*, simulant, in Medicæ artis monumentis minimè esse versatos oporteat: qui quidem ut suis sibi placeant commentis, puerilibus licet, haud repugno; ut verò de harum rerum Historiâ decernant iidem, literarum rudes, nequam assentior.

Sed sit hæc, quæcunque demum est, *purgandi* ratio *nova* atque *inaudita*: quasi verò scelus esset medendi rationem excogitare, quam non tenuerunt Antiqui; aut quasi Ars Medica ita numeris omnibus absoluta esset, ut nihil emendari, nihil adjici possit. At non reprehendendus igitur *Sydenhamus*, qui de *Variolarum curatione*, quæ quidem ante eum, uti videmus, rudis omnino fuit atque inchoata, permulta nova, eaque momentum ad vitam maximum habentia, edidit? An ille verò omnia ita limavit & perpolivit, ut nihil ei quicquam, qui deinde fecuti sunt, attexere possint? Credo nos malè meritos esse de iis, quos sanitati restituimus, quod in hac re vires ingenii periclitati sumus, &, quo-

usque in casu longè difficillimo provehi possit Medicina, experti. Præstis et certè viâ tritâ, atque adeò tutâ prudenter incessisse: fuisset satius metu medico instructos, priscorumque vestigia religiosè persecutos, nihil tentasse; & extra Artis regulas parum evagatos, morientibus astitisse, non eos à morte vindicasse. Idem sine dubio fecimus occidentibus, qui nova quâdam ratione ausi sumus ægrotos servare.

At regerunt, non semper hoc purgandi instituto salutem ægrotantium procurari. Nos sanè iij non sumus, qui hominibus, mortales cùm sint, immortalitatem promittere speremus: neque nos, ut, quæ sit nostra tenuitas, fateamur, ullam adhuc novimus Medicinam, quæ certò atque constanter omni in casu sit valitura: præsertim in hoc Variolarum morbo, ubi, quod frequenter fit, materia purulenta viscera etiam interiora occupaverit, *abscessumque* vel circa præcordia, vel in Pulmonibus fecerit, persæpe fallimur. Ii qui feliciore ingenio hoc contra mortem *Antidotum* expiscati sunt, in lucem aliquando proferre dignentur. Quippe illa sanè remedia, quæ grande quiddam polliceri videbantur, spem nostram hactenus fefellerunt: etiam insignis ille *Alsaharavii* Pulvis, qui, si *variolæ novem prodierint*, ne tamen prodirent decem i., olim vetuit, quascunque antiquis temporibus vires haberit, nunc quasi effætus vetustate tandem elanguit. Neque aliam habuit fortunam *Polychrestus Waldsmidii Spiritus*: cuius ita miros effectus se vidisse testatur gravissimi scriptor judicii *F. Dolæus*,

læus, ut spondere audeat neminem in posterum mori posse, modò hoc utatur medicamento^k Sed uti ætate omnia in deterius eunt, Variolis correpti, quantum audio, jam, etiam in Germania, aliquando moriuntur. Quanquam in illâ quidem regione, ea *Variolarum species* quam nos *Confluentes* dicimus, rarer sit; quemadmodum ex literis, quas ad me perhumaniter scripsit Vir Eruditissimus, *T. Hoffmanus*, Professor Halensis, intelligo. Idemque, de purgatione in *Variolarum morbo* locutus, nunquam se vidisse ait in *Artis operibus tractandis* fatis feliciter illos procedere, qui, eruptione plenâ jam factâ, altum solvere reformidant; quo fine semper benignioribus usus est; idque ut facerent, author monitorque auditoribus suis fuit.

Sed ut tota hæc de *purgandi* ratione quæstio melius intelligi possit, de eâ paululum argumentari liceat: cubat ægrotus, sub *Variolarum exitu*, febre vehementi detentus: pustulæ exarescunt; ita ut nihil ultrâ à sanguine per cutis spiracula trajici, nihil intrâ à Cute ad sanguinem devehi possit: auxilia cætera vel nihil haec tenus responderunt, vel intelligentium omnium judicio parum sunt responsura: &, nisi Ars Medica intercedat, extremum Vitæ discrimin subeundum. Sines igitur hunc patienter mori? an non potius in re admodum periculosâ experimentum facies, si qua fortè sit salutis expedientæ via? Ad has angustias cum ventum sit, nequamquam oportet dubitare, an anceps præstet dare remedium, an nullum: quod, utcunque
anceps,

anceps, potest fortasse vitam servare, potest faltem ad dies aliquod protrahere. Sed quid si non successerit; satis est, ut quis hoc Medicinæ genus jure experiri putetur, si id vel in millesimo corpore profecisse compererit.

Meministi fortasse casum Adolescentuli nobilis atque eximii singularem. Laborabat is pessimo Variolarum Confluentium genere: pustulæ quidem densissimæ, materiâ tenui, minimèque cocta diffluentes, ita ut, sub finem, universum propè corpus quasi erosum crudeficeret. Maximâ cum difficultate ad *nonum* pervenit diem. Pustulæ in facie siccæ nigerrimæque. Nullus omnino in manibus tumor. *Delirii*, *Comatisque* frequens reciprocatio, nec spiritus satis expeditus. Febris supra modum exarsit. Nihil prorsus, quæ adhibita fuerint, profecerant *Vesicantia*. Tu cùm tanto eum in periculo versari perciperes, *Electuarii Lenitivi* 3 iij ut sumeret, imperasti. Unde alvus bis terve demissa, utcunque non ita multum levamenti attulerit, præsens tamen periculum avertit. Nam ne huic quidum nocti eum superesse potuisse putabatur. Postridie cùm Vir Clarissimus *H. Sloan* mecum esset accitus, omnes periculum vitæ maximum jam tum imminere rati sumus, nullamque subesse spem prospeximus, nisi lenior aliqua facta evacuatio rem in melius mutaret. Itaque Cucurbitulis admotis detractæ sunt sanguinis 3 iv: unde cùm Febris tenuaretur aliquantulum, cætera quoque remiserunt. *Vesperi*, *Clyster* inditus ventrem bis movit. *Undecimo*, febris paulò quietior: sed cum Tussiculâ persistit adhuc aliqua spirandi molestia: neque profus

sus decessit delirium. Major etiam in somnum, quam par erat, propensio. Quare *Lindum* cum *Oxymelite* mixtum, & hujusmodi Medicinam præscripsimus.

R. *Decoct. Sen. Gereon.* ʒ iij.

Syr. Ros. Salut. ʒ ȝ.

Aq. Paeon. C. ʒ iij. M.

Hinc alvus bis leniter soluta. Mane adeò, die duodecimo, omnia insigniter mutata. Nam, cum ferme conquiesceret Febris, tum delirio, tum spirandi molestiâ vacavit. Urina etiam bona coctionis signa præbuit. Pulsus æquis quidem intervallis motus, sed minutulus. Præscripta sunt, quæ vires jam diu infirmas reficerent, *Cardiaca*. Postridie, cùm Febris recrudesceret, injectus est *Clyster*: fatis quidem cum levamine, quod tamen non nisi ad pauculas horas perductum. Nam febre rufus inardescente, cætera etiam in deterius ibant: & decimo quinto die, cùm vires haud ultrà sufficerent, suis desideratissimus morbo succubit.

Hæc fusiùs ideo enarrare volui, ut, quam in rebus planè desperatis vim teneat *purgatio*, intelligi possit. Habent nos confitentes id semper haud præstare purgantia, quin aliquando moriantur *Variolis* laborantes; sed qui aliquà cum solertiâ rem æquè judicabit, hâc ipsa Historiâ percipiet, nos ægrotum his artibus ad decimum quintum diem perduxisse, qui vel *nono* vel undecimo saltem sine dubio occubuisse, si hæc purgandi ratio non fuisset adhibita. Quòd si mortem penitus propulsare minus potuimus, aliquot tamen

tamen dierum inducias consecuti sumus: idque esse medici officium credo, ut ægrotantium vi-
tas, quousque arte id efficere possit, protrahat,
ut cunque ad breve tempus duraturas. Quis enim,
his in rerum difficultatibus, vel acutissimo in-
genio præditus augurari potest, cum hoc vel
tantillum temporis naæti sumus, an non ad fa-
ludem ægri suis ipsa viribus valere natura, saltem
an non aliquid etiam conferre possit Medicina?
Sanè multi in his casibus medentium vel incuria
vel timore videntur periisse, qui, Artis ope, sa-
tis feliciter poterant ex hoc gravi periculo expli-
cari. Sed quod ad purgandi rationem spectat,
hæc, quantum ego observatione didici, felicius
opportuniùsque, contrà ac nonnulli sentiunt,
in *adultos* quam impuberes exercetur: eâ credo
de causâ, quod cum in illis vires fuerint fimo-
res, accuratius etiam de viribus, in quo quidem
totius rei cardo vertitur, elici possit judicium.

Hæc adeo disputavi, ut appareat Medicum
non semper errâsse, si quando parum ex senten-
tiâ cesserit rei exitus: eumque satis cum judicio
atque arte adhibuisse medicinam, quæ tamen
minùs ad ægroti salutem profuerit. Quemadmo-
dum in *Sphacelo*, membrum emortuum haud im-
peritè reciderit *Cbirurgus*, licet ille, cui id ita
recisum sit, brevi moriatur: quippe cum ea de-
mum restet unica, quæ vitam tueri potuerit,
Medicina. Ita in morbis *Apoplepticis*, nonnun-
quam sanguinis detractio parum proficit; saepè
etiam, quod in medendo versati experimur,
ubi insanabile fuerit malum, ut vita sit paulò
brevior, facit. Quis tamen in Medicinâ ita
rudis est, ut hoc in casu non sanguinem mit-
ti

Ni jubeat? nisi enim hâc ille juverit viâ, nullâ aliâ potest ad sanitatem perveniri. Quanto magis quis in hoc extremo Variolarum discriminâ ad *purgantia* confugeret; ubi fortasse aliquam vitæ conservandæ speculam, protrahendæ saltem certam habuerit fiduciam.

Nam ut de periculo aliquid dicam, quod ex hâc medendi viâ quasi certò oriturum reformatum nonnulli, ii mihi parum videntur intelligere, vel quid morbus iste ferat, vel quod demum modo hæc adhibere debeat Medicina. At quem enectum, quem *purgatione* sublatum nôrunt? isti fortasse nôrunt: nos quidem neminem omnino novimus: imò neminem, cui non saluti fuerit, nisi in re, omnium judicio, planè desperatâ. Id præterea, quod mirum forte videbitur, dicere possumus, neminem ex iis, quos servare non potuit hoc auxilii genus, *alvi* unquam *profluvio* intercidisse, neminem in ipso purgandi cursu periisse: hos ipsos verò, qui, adhibitis utcunque *Catharticis*, perierint tamen, semper inde ferè ad tempus aliquod fuisse levatos. Et hoc quidem rationi satis congruum; quippe nimiâ jam morbi gravitate laborat Natura, nec necesse est, ut intestinorum onus accedat: quænam igitur illam expeditius recreabit Medicina, quam quæ hanc fæcum farcinam extruderit? Neque verò, si sponte oborta alvi fluxio (quod tamen non ita sæpe fit) aliquando exitio fuerit, idcirco nefas habendum est, hoc morbi tempore, alvum ciere; maxima quippe has inter res, utcunque convenire videantur, discrepantia: altera enim vires planè exolutas esse significat; in alterâ quidni liceat.

si cætera consentiant, experiri viribus accommodata purgantia. Ideo tamen minus ex hâc evacuatione periculi, quod eam ad arbitrium nostrum moderari possumus; vel mediocri quantitate, vel longioribus intervallis, vel ea quæ sunt mitissima remedia exhibendo. Quid quod in hoc Variolarum tempore alvus, cum tamdiu clausa fuerit fæcibusque supra modum opplata, haud ita libenter obsequitur, ut aliquem fluxionis nimiæ metum injiciat. Itaque nostris in manibus est habendas vel adducere, vel remittere; licet hoc purgandi experimentum, circa discrimen omne, modo lenissimo tentare; licet, siquid boni attulerit, per vices iterare, ita ut gradibus demum, quod volumus, perveniri possit. Quare cum hoc remedii genus, non noxâ modò vacet, sed ægrotantium commodis apprimè serviat, miror quorundam hominum tarditatem, qui id præjudicata opinionē penitus aversantur; vel saltem ita timidè gelidèque administrant, ut non, nisi cum salus jam in præcipiti sit, experiri velint. Quasi verò opperiri periculum satius sit, quam præoccupare: quasi ille leviore negotio ex hâc morbi asperitate non emersurus sit, cui die *nono* vel *decimo* ita succurritur, quam si hanc, malo jam inveterascente, ac *decimum tertium* aut *quintum*, medicinam distulerint.

Sed vide, unde omnis hic error ortum duxerit; timent nimirum, ne, institutâ purgatione, recedant Variolæ, ne ad Centrum (ut ajunt) refugiant humores, ne manuum denique tumor (quod tamen secus accidit) evanescat. Sed meminerint id sapienter, ut cætera, adverteisse Sy-

den-

denhamum^m; „ Febrem hanc scilicet putridam,
 „ quæ *undecimo* die Variolis Confluentibus la-
 „ borantes adoritur, ab ipsis Variolis prorsus
 „ esse diversam: neque aliunde nasci, quâm quòd
 „ particulæ putrescentes à pustulis jam adeptis
 „ maturitatem suam in sanguinem resorptæ fue-
 „ rint, caloremque hunc invexerint. Neque
 „ enim hoc in morbi statu pustulæ jam in duri-
 „ tiem incrustatæ, aut introrsum agi, aut intra
 „ Cutim se recipere, aut minimam molis suæ
 „ partem amittere possunt. „ Itaque ille, quâ
 erat solertiâ, nullum huic febri remedium ex-
 cogitari posse judicat, nisi quod à *Venæsecctione*
alvique ductione derivatur. Neque eadem sanè
 nunc est Variolarum ratio, ac *Tumoris* alicujus
 jam in suppurationem abituri; in quo quidem
 præpropere adhibita purgatio, ne tumor ille ma-
 turescat, prohibet: pure tamen per tumorem de-
 mum, quâ licuit, educto, siquæ illinc reliquiæ
 sanguini labem intulerint, hæ, medicorum om-
 nium judicio, *purgantibus* maximè exterminan-
 dæ sunt: idque in *Ulceribus* quandoque facien-
 dum esse monet *Hippocrates*ⁿ. Itaque vide *Dio-*
medem Amicum, qui primus, ex paucissimis,
 quantum ego percipio, *Febrem* hanc maturescen-
 tibus Variolis supervenientem disertis verbis ex-
 pliuit, & ab *Ephemerâ*, quæ ratione *Aposte-*
matum fit, haud dissimilem^o notavit, ad hanc
 opinionem accessisse: nam in declinatione mor-
 „ bi, ubi cognitum sit, ex perseverantiâ Febris
 „ & aliorum Symptomatum, reliquias humo-
 „ rum

^m *Sched. Monit.* 84, &c. ⁿ *De ulcerib.* 4. ^o *Tra-*
ctat. de Variol. c. 6.

„ rum in corpore adesse, levioribus *purgantibus*
 „ evacuationem tentari jubet: quæ quidem eva-
 „ cuatio ea est, quam illius judicio, (*baud recto*
 „ *fortasse*) post septimam fieri in tali casu & *Rha-*
 „ *zes & Serapion* præcipiunt p. „ Eo ætate pau-
 „ lò recentior, Annorumque *quadraginta* experi-
 „ entiâ instructus, *Josephus de Medicis Cretensis*,
 „ postquam immaturæ filiorum morti indoluerit,
 „ nunquam esse sub Variolarum exitu fidendum fe-
 „ bris remissioni pronuntiat; „ strenuè autem pug-
 „ nare debere medicum arbitratur, & omni co-
 „ natu curare, ut reliquum putredinis & Ca-
 „ cochymiae per varias vias, maximè per Ve-
 „ næsectionem & *lenem purgationem*, totaliter
 „ è corpore educat atque extrudat. „

A *Febre* scilicet, quæ Variolas paulò spissiores
 constanter sequitur, magnæ excitantur molestiæ:
 quare, ne repullaret ea, quidam acri studio labo-
 rârunt: seque hanc *prævenire* hisce artibus posse
 putaverunt, si *Corticem q Peruvianum*, paulò
 ante ipsum morbi impetum, exhibuerint. Cæ-
 leste quidem id Medicinæ genus! quæ, si modò
 & *Febrē* hanc *præoccupare*, & *foveas* abolere
 sit certissima, duas eodem tempore mortalibus
 res longè maximas impariendo, & salutem pos-
 sit simul & pulchritudinem tueri. Sed sive id
 mali, sive remedii forte mutetur, hæc *Corticis*
 istius facultas dudum intercidit: ita ut illi po-
 tiùs nunc audiendi sint, qui feliciore consilio usi,
 ipsa *Variolarum semina solerter proliendo*, nè
 cæ prorsus erumpant, aut, si eruperint, ut se-
 ite-

p *Tractat. de Variol.* c. 10. q *Morton.* 199 200.
 1 *Ibid.* 323.

iterum recondant, cavere sciunt. Itaque ab iisdem, qui hanc artem possident, ut brevi ad interitum venturus sit hic Variolarum morbus, haud temere expectamus.

At quod ad curationem spectat, hæc quidem in febribus putridis aliisque etiam, quæ paulò difficultius solvuntur, *purgandi* ratio ab omni retro antiquitate ad nos tandem defluxit: hanc dixi alias in acutis febribus ab *Hippocrate* fuisse aliquando tentatam; quod si sæpiissime dixeram, haud opinor errasse. Ille enim medendi magister solertissimus, utcunque effata quædam communia, quæ huic fortasse opinioni minus favere videantur, ediderit, tamen cum de hoc argumento distinctius differat, ad multas varii generis *febres* hanc potissimum medicinam adhiberi imperat. Ita in *febre forti*^v, ubi dolor universum corpus occupaverit, in *Lipyrīd*^x, in *Volvulosa*^y, in *Pleuritide*^z, quæ quidem *inferior*, utpote septum infra transversum sita, dicitur, *purgantia* commendat. Pariter in *Cholerā*^a, in *Fecoris*^b & *Lienis*^c morbis, in omnibus ferè uteri^d *inflammationibus*, etiam aliquando & *pulmonum*^e, aut ubi capite vulnerato *Febris* atque *ignis sacer*^f corripuerint, aut ubi ad *fauces* febrilis humor defluxerit^g, eadem omnino medicinâ liberè est usus. Atque ille quidem hanc curan-

s *Comment. in Hippocr.* t *Aphor.* 4. 10. v *De affect.* 13. x *De Veratri usu.* y *Ibid.* z *Ibid.* & 2. *Vit. Acut.* 11, 12, 13. & 4, 76. a 4. *Vit. Acut.* 105, 106. b *Intern. affect.* 38. & Seq. c *Ibid.* 33. & Seq. d *De Morb. lib.* 3. e *Ibid. lib.* 2. f *De Vulner.* cap. 27. g *Vit. Acut.* 4, 37, 38.

curandi rationem ita sequitur, ut tum præcipue eam institui jubeat, quando Febris à *bile*^h, redundante, quod quidem aliquando fit, oriatur. Denique hanc quasi perpetuam *purgandi* regulam in *acutis febribus* ponit, quando scilicet *urina* ad crassitatem deveneritⁱ & sanè id, uti optimum in Variolis signum est, ita & hoc morbi tempore *purgationem* commodè institui posse significat. Nec ea quidem, quam adhibuit *Hippocrates*, semper ex lenissimo genere: utpote qui aliquando, veluti in *Pleuriticis*, *Helleborum* & *Peplium*^k, valentissima remedia, præceperit. Ita ut, qui Indicem modo *Hippocraticum* versare calluerit, quinam fuerit viri illius de omni hoc purgandi instituto sensus, haud difficulter elicere potuisset. Neque contrà quid facit, si in libello (intelligentium omnium opinione, maximè adulterino) interdictum esse videatur, nè, nisi *febre* jam *remissa*, & *decimo quarto dñm die*^l, *purgantibus* uteremur. Quippe si quis legendo ulterius, ad paucissimos quidem versiculos, processerit, quæ sit istius etiam Authoris mens, ubi quid periculi imminuerit, permediocri judicio consequetur. Subdit enim iste^m, *At si hāc die susperstes maneat, & una cum purgatione remittat Febris, sanus erit.* Quibus verbis, (inquitⁿ, scriptor haud vulgaris, *Antonius Ponce de Sancta-cruz*) duo aperte insinuat, & purgationem posse fieri, & posse prodeesse: qui locus

^h *De affect. 13. de intern Affect. 38. & Seq. De locis in Homine 38, 39. de Morb. 2. 35, 36. i Vi&t. Acut. 4. 43. k Vi&t. Acut. 2. 11. l Περὶ φαρμάκων 4. m Ibid. 5. n Imped. magn. Auxil. lib. 3. c. 12.*

Iocuſ mihi videtur ſingularis ad existimandum in urgentia Hippocratem pharmacum exhibuiſſe mino- rativum. Nam 1^{mo} agit de febribus acutis. 2^{do} poſt quam timuit, aut abſtinuit à purgatione, ait 3^{io} ſi die Purgationis ſuperſtes ſit æger: explicans in ma- gno periculo conſtitutum ægrum bibiſſe Pharma- cum, & profuiſſe. Ergo iniquum eſt non tentare iſtud auxilium, quod in ſimiſti periculo unicum reſtat.

Sed hanc *Hippocratis* doctrinam, uti optimè intellexit, ita paſſim acerrimè vindicavit *Gale- nus*; putridam materiam, ubi corpori inhæſerit, folâ purgatione abducendam eſſe pronun- tians^o, lique, qui in veterum scriptis ſive in- terpretandis ſive excolendis diligentius elabo- rârunt^P, de hâc febrium curandarum viâ fuſiū ſunt locuti: ita ut nemo jamdiu ſit, qui, ubi Putridi humores febri ortum dederint, eos pur- gatione evacuandoſ eſſe non censuerit, quæ, ut *Fernelio* loquar, *Cacochymiam* q̄ una subtra- hit. „ Sic ſæpe, uti idem ſcriptor de *Febri- bus* etiam locutus obſervat, artis uſu ani- madverſum eſt, crudioris humoris purgatio- ne, ſive ſponte, ſive arte ea contigiffet, ac- celerari Concoctionem, moxque urinas pu- riores & cum ſedimento fieri, & ancipitem periculoſumque morbum tutum, ſalutarem- que redi. „ Neque veriti ſunt illi ſe, hac purgandi ratione, aut *bilem* aucturos eſſe, aut nimium in ſanguine calorem excitatuſ; cùm & mitiora mediæque materiæ fuerint, quæ in hâc

^o *Meth. Composit. paſſim. p Prosper. Martian in Vict. Acut. 386. Vallesii Meth. Med. lib. 2. Lomminus de Febrīb. Hercul. Saxon. 654, &c. q Meth. Med. 8;*

hâc febrium putredine suaderent: id quod etiam in hâc, quam sequimur, Variolarum curatione tenendum esse docuimus. Hos adeò secutus Sydenhamus non modò in *Peripneumonia*^r Notbâ, sed & in *Hyemali*^s, quam vocat *Febre*, à succis putrescentibus ortâ, evacuantibus unicè innititur: notatque eam, post unicum *Plebotomiam*, & tres purgationes, ut plurimum cessasse. Imò in ipsâ Febre pestilentiali^t, quæ anno à peste proximo vehementer sœviit, ausus est, præmissis quæ sudores uberrimè provocarent, post viginti quatuor horas *Catharticum propinare*: Quam quidem medendi rationem ita ex voto respondisse gloriatur, ut ne unus quidem fuerit, quem eo morbo laborantem amiserit.

Et certè sunt febres, sive eas malignas sive alio nomine vocaveris, ubi diutiùs inhæserint, neque integra aliqua intervenerit Crisis, quæ nullam ferè aliam curationem recipiunt, nisi lenioribus *Catharticis* institutam. Hoc quidem quotidiana testatur experientia; nosque nuperrimè in ægroris *tribus*, exemplo fatis memorabili, verissimum esse percepimus. Omnes hi febre ferè simili correpti: quæ, utcunque continenter detinuit, nunquam ad insignem aliquem caloris gradum est evecta: aliquando etiam remittere visa. Omnibus caput mirabili modo per plurimos dies tentatum: ita tamen ut hic, vel delirantis vel fatui more, perpetim decubuerit; ille, non modò veterno, Lethargici instar, sed singultu per undecim continuos dies, quod quidem per-

ra-

^r *Constitut. Ann. 1674, 1675.* ^s *Postscript. ad Edition. 1685.* ^t *Ann. 1665, 1666.*

rarum est, laborârit; *tertius* autem, tum Vocis facultate amissâ, tum nervorum distentionibus per intervalla obortis, horrendo fuerit spectaculo. Febris omnibus ultra *vicesimum* diem producta: omnibus ita jugi tenore incubuit, ut, nihil prorsus valente Medicinâ, per universum ferè *Octiduum* vitæ mortisque momenta quasi æquâ lance pependerint: omnes tamen debitis intervallis cautionibusque iterata *purgatio* ita sublevavit, ut hâc planè medendi viâ ad sanitatem tandem pervenerint. Quidni ergo eadem in Variolis locum habere possit Medicina, ubi, iis jam ad maturitatem suam perductis, materia putris, sanguinis vias refusa, febrilem æstum commoverit? quem quidem nullo pacto conquiescere posse sæpe experimur, nisi ea aliquo modo foras iterum ex sanguine fuerit extrusa. Hoc ut commodè fiat, periti est Artificis: nam, ut occasio ipsa satis est præceps, ita tum judicium in hâc re peracre, tum aliqua etiam exercitatio requiritur. Multæ quippe res id difficile inscio faciunt, quod usum habenti expeditissimum est. Is verò, qui hanc habet intelligendi sapientiam, facile dispiciet, quas sequi cautions, quæ tempora eligere debeat, ut hâc de Variolarum curatione præcepta ad præsentem morbum accommodet. Quæ tamen ita pro sua prudentia accommodabit, ut sæpiissime quidem, ubi ad febrem depellendam ipsa per se fatis valeat natura, interdum etiam ubi, Febre utcunque depulsâ, nihil ea prorsus valitura sit, purgantibus si non abstinentem, saltem parcîus esse utendum censem. Quippe ea, quæ de hâc Variolarum curatione differimus, ad id periculi, quod à Secun-

da febre imminet, unicè collimant: de eo morbi genere, in quo febris infra mediocritatem substiteret, & sponte propè suâ cessura sit, non loquimur. Nimirum Medicinâ hâc uti, nisi in malis vehementibus, supervacuum: in desperatis verò, ut importunum, sic & inutile.

Sed quid cum istis Opinatoribus, qui ne semel quidem hanc medendi rationem experti sunt, nec, si experiri nolint, unquam percipere possunt, argumenter ultra, ac differam? quid rationibus, in re admodum manifestâ, pugnem? ad *Experientiam* provoco: sit ea hujus, quicquid est controversiæ, moderatrix, atque arbitra.

His, quæ in Medentium, non in Nutricularum gratiam scripsi, ii, qui jam in Medicinæ curriculo versantur, mecum unà, si ita lubuerit, utuntor: sin minus, per me licet, ea rejiciant. Mihi quippe cum captiosis hominibus disceptando tempus terere nec vacat, nec lubet. Etenim quod mihi supereft ævi, non frivolis cavillationibus excutiendis, sed vitis hominum, quâ maximè possim viâ, conservandis unicè insumam. Consulerem tamen, ut isti, qui nostra vel inscienter, uel malevolè insestantur, hæc, Medici quondam celeberrimi, *Fr. Valesii*, de purgatione etiam in *febribus* locuti, verba diligenterius perpendant.

„ Hic imprimis certabitur experimentis: Hi „ proferent sua, vidisseque se jurabunt haud du- „ biè felicissima: illi negabunt se vidisse ulla, „ nisi infelicissima. Hos ergo necesse est fateri, „ se aut plurimos tentando læsisse, aut nunquam, „ raroē tentâsse, sed ob juratam opinionem „ abstinuisse. Utrâque causâ, sunt indigni fi- „ , de:

de: præterquam quòd jure sunt Testimonia *affirmantium*, quām negantium efficaciora^v.

Sæpe utique nobis bilem, sæpe etiam & risum commovit ista futilium & (ita sibi videntur) *Philosophantium* hominum toties repetita oratio, quā *Naturæ* semper obsequendum, *Naturæ* viam monstrante, eundum esse prædicant: quasi verò soli hoc scirent Artium omnium & litterarum expertes; quasi ad hoc minus valerent antiquorum scriptis adjuti, & disciplinis instrucci. Quid aliud egerunt Viri ingenio & doctrinā præcellentes, illi instaurandæ Medicinæ inter *Græcos* & *Arabas* principes, quam sibi proposuerunt studiorum metam, nisi ut id ipsum intelligerent, *Naturam* sequi: ita tamen sequi, ut arte eam, ubi opus esset, inflectere & regere possent? Nullus itaque ex eorum Vigiliis ad nos fructus redundabit? nulla ab eorum Experienciā, Historiis, Institutis petenda sunt, in miserorum salutem, auxilia? Quoniam scilicet probi est Medici, id unum attendere, quid ipsa significet *Natura*. Næ illi, ita qui sentiunt, suo mentis acumini plus æquo confisi, *Naturæ* vocem haud facile capient; neque quid illa indicet, neque quā ope indigeat, neque quā ratione sublevanda sit, intelligent.

Contemptis itaque hisce minutulis Philosophis, Tu, Vir Eruditissime, adhuc insistes eam, quam multā cum laude jam diu institisti, viam: nec pudebit Te, quantumvis ingenii viribus valentem, quæsisse tamen undique adjumenta doctrinæ. Perges amplissimam illam, quā instructus es,

v Method. Med. 4. 2.

es, librorum copiam perlustrare, &, ut facis, plurima exinde in quotidianum medendi usum excerpere. Perges ex alienis laboribus, Tuo iudicio, acri illo & subtili fretus, non minùs quam ex Tuis proficere: & si quid forte in his etiam chartis occurrat, quod velis proprium fecisse, (quanquam pauca occurrunt, quae non sunt jam dudum Tua) id, à quantulocunque licet Autore prolatum, haud aspernaberis.

Londini, Sept. 20. 1719.

Dum hæc Scriberem, Medicorum & humilitate maximâ & eruditione præstantium literas accepi: quas, qui totum hunc de *purgandi* ratione locum non minus accuratè quam eleganter illustrent, Tibi haud injucundas fore pollicor.



VIR ORNATISSIME,

UNAM, eamque, ni fallor, satis Notabilem promisi Tibi Historiam. Me tandem absolvo, atque unam aut alteram addendo, morarum mihi a Te excusationem facile polliceor, quas, nisi Valetudine meâ propriâ impeditus, non fecisset.

Imia Histor. Amabilis Juvenis, per aliquot menses, Oxonii graffantibus variolis, iisque mali fatis moris, vitam tutus degebat. Postulabant tandem subita negotia, longum iter ut faceret. Prædixi, eum, mutato aëre, insuperque

perque equitando, Variolis correptum iri; ideoque, primis urgentibus symptomatibus, omnino suasi, Venam ut secaret, & Emeticum sumeret. Et sic se res habuit: Variolis Confluentibus correptus, Pharmacopœo solum adstante, usque ad diem *nonum*, nullâ ferè usus est Medicina. Ingruente verò periculo, Ego accersor: interea tamen Vir mihi Amicissimus Dr. *Burton* vocatus, cùm fortuitò in his effet partibus, ægrum invisit, eique *Cardiaca* quædam, Haustumque *Paregoricum* exhibuit, *Vesicatoriumque* Nuchæ apposuit. Die Solis, *décimo* ab Eruptione, manè veni. Tota ejus facies unica fuit Crusta, Pergamenæ vel Parietis albi potius speciem referens. Totum corpus ita Pustulis ubique Confluentibus obsitum est, ut nihil, nisi Pustulæ, cerni omnino posset. Vires tamen adhuc integræ. Urina copiosa, sputumque laudabile. Eodem die, *Oxonium* reversus est Dr. *Burton*, nil boni mihi de Ægro augurans. Vesperi valde exardere cœpit febris, maximaque supervenit inquietudo. A *Cardiacis* tunc omnino jussi adstantes desistere, & leve tantum *Paregoricum* dedi. Manè paulum somno videbatur recreatus; symptomata erant ferè, ut anteà, nisi quod Urinam, quam tunc & semper copiosè fatis emisit, limpidam prorsus, & pallidam, sine ullo colore esse observavi. Phrenesin méritò suspicatus fecuturam, ut apponenter brachiis Vesicatoria, curavi. Infra tamen duas horas maxima supervenere deliria, & Phrenitis, ita, ut in lecto vix potuerit coereri. Haustum præscripsi *Narcoticum*, intra sex horas, repetendum. Vesperi tandem, in eadem

dem persistens Methodo, temperata debitissimis intervallis *Cardiaca* exhibens, omnia in melius mutata vidi. Adeoque usque ad diem 13^{ium} satis feliciter processerunt res. Ipsum sputum, ope *Gargarismatis*, non defuit: nec urina, licet adhuc pallida. Pustulæ tamen circa universum Corpus, manus & pedes, quas intumescere, & pure tunc impleri speraveram, jam omnino flaccidæ, vacuæque desederunt. Manè sponte *dejicit Alvus* usque ad *decies*. In sputo æquè ac in sedibus paululum sanguinis apparuit. Urina sponte, eoque nescio, excernitur. Frequentes Spasmi, Sopor, Coma, Deliria. Pulsus ita exiliissimus, ut illum vix omnino sentirem. Uno verbo ita moribundus, ut tantum non mortuus esset.

Interea fluxit alvus vehementer, ita ut, exhibito *Rhabarb.* torrefact. gr. xx. in Haustu *Decociti Albi*, dicto citius, immutatum prorsus per Ventriculum & Intestina transiret. In arduo hoc rerum statu, *Bolum Stypticum* dedi, qui fœliciter suas partes agens, fistebat fluxum. *Vesicatoria* tibiis apposui, Haustumque dedi, è *Narcoticis* & *Alexipharmacis*, ad Naturam lafsum paululum recreandam.

Meliùs, quam speraveram, omnia evenerunt. *Vesicatoria*, ut prius, optimè respondebant. Somnum habuit, eumque non valde inquietum. Viresque videbantur aliquantulum redintegratae. Die vero 14^{to}, manè rediit *Diarrbæa*: jussique propinari *Tinct. Sacr. 3* iij cum *Syr. Rhab. 3* j: sic, ut natura Medicusque simul, intra xij horas, ei *alvum solverent quindecies*, *Cardiacis* interea non neglectis. Ipse etiam Tu, Vir Egregie, miratus forsitan paululum fuisses, si hanc subitam

subitam felicemque omnium symptomatum mutationem spectasse. *Die 15^o*, Pustulæ in manibus & pedibus retumuere; & *16^o*, separavit se Urina, bonumque naæta est colorem. Vesperi tamen sponte fluxit alvus iterum; sumpto verò *Opiato*, requiem aliquot horam habuit Æger. *Die 17^{mo}*, rediit manè Ventris solutio. At cùm bonas fortesque jam viderem ægri esse vires, protinus jussi dari *Catharticum è Decoct. Sen. Gereon. & Syrup de. Sp. C.* Die tandem *18^o*, è lecto surrexit. Jam periculo liber (oculis tunc primum à diebus tredecim apertis) debitiss usus methodis, ad confirmatam rediit sanitatem. Hoc tamen credo raro contingere, ut *intra dies quinque*, (à die *Mercurii* scilicet, ad noctem diei *Dominici*) ferè centies solveretur alvus.

II^{da} Histor. Mulier Variolis Confluentibus correpta est. Innumeræ in Cute apparuere Pustulæ, quæ tamen, nullo modo, ut debuerant, tumuere. Temperatis *Cardiacis* & *Anodynis* frustra per aliquot dies usurpati, *Die 5^o*, applicatum est *Vesicatorium Nùchæ*, quod feliciter cessit, Pustulæque rectè procedebant. *Die verò 6^o*, vesperi omnia ruebant in pejus, Cadebant Pustulæ: supervenit Micturitio: Urinæ involuntaria emissio, postea per horas triginta totalis suppressio: Delirium, Sopor, Pulsus exilis, & quid non mali? *Die 7^{mo}*, manè, duo Emplastra *Eispastica* applicata sunt brachiis, exhibito quoque temperato *Cardiaco*. Nihil fecerunt Emplastra: Vesperi, alia duo tibiis apponi jussi; & *Cataplasma* pedibus. Injectum fuit etiam *Enema*, sine effectu. Manè, *8^o*, nihil esse proficuum cernens, ac Pulsus vix,

ac ne vix quidem ullum sentiens, omnibusque adstantibus, de eâ planè actum esse, clamantibus, *Catharticum exhiberi jussi*: *Decoct. Sen Ger.* *ʒ iij. Syr. de Sp. C. ʒj. Tart. Vitriol. Əj. Aq. Mir.* *ʒ vj.*; quo non operante, *Enema* aliud adhiberi jussi. Tunc quidem res peracta est, intra etenim sex horas vel octo, *sexies* vel *septies* largiter *dejecit alvus*. Mirum est dictu: *Vesperi*, *Vesicatoria* omnia optimè respondebant. Oppe *Gargarismatis* provocatum est laudabile sputum. Die verò *11^{mo}*, Pustulas non omnino tumescere observans, Ægramque morbo adhuc planè oneratam, aliud *Catharticum* dedi, optimo-cum successu. Nec postea mali aliquid minatus est morbus, nisi quod, in Variolis tam confertibus accidere debet atque etiam expectari.

III^{ia} Histor. Ancillam curo nunc, in Casu per quam simili; nisi quod *Vesicatoria* nullo modo partes suas egere. Adfuit spirandi difficultas, unde Venam secundam esse judicavi. Et à die *nono* ad *14^{thum}*, quotidie *Catharticum*, aut *Enema* præscripsi. Die *9^{no}*, tredecies soluta alvus. Sæpius quoque sumsit *Oleosam Mixturam* cum *Oxym. Scill.*, quæ sputationis vices fœliciter satis sustinuit. Dies est jam *decimus octavus*, & à Variolarum periculo omnino liberam esse satis liquidum esse judico.

IV^{ta} Histor. Puella satis robusta laboravit atrocí dolore capitis & dorsi, cum nauſeâ & Ventriculi tensione, circa tempus, quo expectavit *Menses*. Iстis verò non fluentibus, Pharmacopola per triduum *Chalybem*, cæteraque id genus dedit. Puellâ verò magis magisque querente, vocatus, tunc primùm apparentes facile cer-

ne-

nebam Variolas; veniamque protinus secari jussi. *Die 4^{to}*, ingens descendit *Mensium* fluxus, & *Alvi*, qui per *tres* ferè *dies*, ad moderatè satis duravit: Territæ sunt fœminæ atque etiam Pharmacopola, & festinabant folicité hanc fistere, quam vocabant, *Diarrhœam*. Ego verò aliter judicans, contrarium suasi: nec omnino dubito quin tota puellæ salus in *fluxu* posita fuerit. Istâ viâ expulit Natura *Chalybem* adeo inopportunè adhibitum. Præterquam quòd, non facile fore arbitror, alvi fluxum cohibere, nisi simul quoque *Menses* suppressimantur. Nolo hic ratiocinari, sed ita se res habuit, ut per istos dies temperatis *Fulapiis* & Liquoribus solummodo adhibitis, convaluerit Puella.

Nudas hasce Historias, Vir Optime, sic dimitto: si quid in iis sit notatu dignum, Tu abunde scis id observare. Miror tamen, tam Rationalem *Catharseos* praxin tot adversarios habere. Certè aut non legunt, aut non intelligunt. Omnes enim ferè, quos adhuc huic Methodo objicientes audivi, pro re concessā sumunt, quòd in omnibus Variolis, in febre *Secundaria*, *Catharsin* semper esse necessariam, asseratur. Utinam sanè adeò certa esset in Variolis Praxis ulla, quæ iis tam facile mederetur, quam *Cortex Intermittenti* febri. Sed totum, quod de hâc Methodo asseritur, hoc est, quòd, *positis quibusdam Casibus & Circumstantiis*, *spes omnis est in Catharticis*. Nolo te hic meis, Vir Egregie, interpellare ratiociniis: attamen credo, si rem bene perpendamus, eam totam ad universale hoc *Theorema*, demonstratu non perquam difficile, posse reduci: Viz.

Quod,

Quod, in omnibus omnium generum Morbis, Ubicunque & Quandocunque adsit, vel immineat Constipatio vel Plethora, ibi Catarsis rite peracta, beneque disposita, semper sit non tantum tuta, sed necessaria. In Plethora, (omnigenam Plenitudinem Intelligo) plerumque etiam necessaria est Venæsectio. In febribus quidem Inflammatoriis, atque quibusdam Putridis, per Symptomata satis liquidò innotescit Plethora. In Variolis verò Confluentibus sæpius eludit Medicos. Dummodo etenim Variolæ suas agant partes, si rite tumescant Pustulæ, si sputum, atque Urina copiose fluant, omnia bene procedere, nec iniquè credunt. Nihil tamen frequentius est, quam talem ægrum, post Crisin diem unum vel alterum repentinâ quasi morte occumbere. In Plenis his, Oneratisque Casibus, utcunque optimè procedant Secretiones, omnino necessaria est, neque ea sera, Catarsis. Ipsa mera quantitas Morbi facit Plethoram, & requiritur Exinatio, Naturæ opitulatrix. Hoc Plethoræ genus frequenter habet comites spirandi difficultatem, Phrenesin, deliria, inquietudinem maximam, somnique defectum: non raro tamen, ob ipsam Plethoram, Pulsum lentissimum. Per Constipationem intelligo istum Animalis Oeconomicæ statum, ubi Secretiones omnes, aut saltem quædam, non omnino, aut non rectè peraguntur. Hoc nimis frequenter accidit ex nimio & pertinaci Calidicrum Alexipharmacorum usu, quæsi, intra debitum tempus, suum non producant effectum, non tantum frustra, sed cum certo periculo semper usurpantur, idque non solum in Variolis, sed & febribus Putridis, iisque præ-

præsertim mali moris. Sed & aliquando accidit **Constipatio** ex merâ Naturæ imbecillitate, ex tono fibrarum molli & laxato, malisque staminibus. In hoc casu tamen valet *Catharsis*.

V^a Histor. Nuperrimè Juvenis tenellæ hujus Constitutionis Variolis Confluentibus correptus est. Pulsus fuit exilis, vires paucæ. Jussi *Pulv.* è *Chel.* *Canc.* C. D^j dari 8^{va} quâlibethorâ. Post duas doses, profluxit sanguis è nari- bus (licet Vena antea secabatur) usque ad 3 xvj, & difficulter satis tandem sistebatur. *Cardiaca* adeò temperata Vasa ejus tenuia non ferebant: sine *Cardiacis* tamen languebat. Urina semper largè fluebat, & sputatio. Die 9^{no}, ingruit delirium, sopor, & Pustularum totalis depressio. Nuchæ & brachiis apposita sunt *Vesicatoria*, quæ prodigum humorum ciebant fluxum; ea tamen non omnino sensit æger. Die 10^{mo}, *Vesicatoria* tibiis etiam apposui, quæ bene etiam cessere. Hæc tamen omnia Morbo non suffecere: vitam quasi traxit. Die 12, lene dedi *Catharticum*: quod, die 14^{to}, repetitum est. Et sic denuo convaluit æger. Ita ut hic Tenellus, qui nullum ferè Medicamentorum genus, præterquam *Anodyna*, pati potuit, *Cathartorum* ope evaserit sanus.

Quin etiam *Constipatio* non tantum in *Crisi*, vel febre *Secundariâ*, sed quandoque etiam in initio accidit: Pustulisque tunc non recte procedentibus, cæterisque remediis non respondentibus, lene opportunumque *Catharticum* exhibendo, saepius mala omnia abegi symptomata, quæ in *Crisi* tot minarentur Tragœdias. Hanc Praxin à *Patre* meo iamdudum didiceram, qui,

Meipso & aliis plurimis testibus, fœlici hanc cum successu sæpiissime usurpavit. Et, reverâ, ferè semper mites evadunt Variolæ, quibus vel *Emeticum* ex *Ipecacuanâ*, ut solet, vel ipsa Natura in principio dederit aliquas *Alvi dejectiones*. Quam verò apta sint ad Pustulas protrudendas *Cathartica*, Meatus scilicet Cuticulares detergendo, Naturamque quasi emancipando, hoc breve accipe Exemplum. In Mense *Miji*, Ego febre correptus sum, (cujus Historiam non narrô.) Post aliquot dies, febris videbatur soluta: Aliqua tamen suspicio Medicis oriebatur de eruptione Pustularum quarundam (vulgò *Rash* vocata.) Lecto igitur & sudoribus fui consignatus; admota sunt etiam & *Vesicatoria*. Post sex dies autem, Urinâ, Linguâ, Pulsu, febrem solutam indicantibus, nec tamen erumpentibus Pustulis, me surgere jusserunt Medici, proximoque die *Enema* injectum est, Alvo satis rigidè astrinxâ. Intradiem unum vel alterum, *Catbarticum* dedere, & Vesperi, Hauustum *Paregoricum*. Lectum ingressus, dicto ferè citius, me sensi per totum corpus ura & vellicari, tanquam à *Vesicatoriis*. Sudore prodigo sum perfusus, qui per tres vel quatuor horas duravit. Deinde dormiebam. Manè me tot pustulis confertum vidi, quasi ipsis Variolis essem correptus, quæ quidem eruptio duravit vchemens usque ad duos Menses.

Uno verbo; simplex in suis semper est Natura viis, nec est quod agat Medicus, nisi uteam sequatur. Quibuscumque verò placeant nimis Hypotheses, utcunque docti sint, in errores si incident, non est mirum. Verissimum tamen est,
quod

quòd multi, maximi ingenii viri, Naturæ dūctum non justè attendentes, symptomata pro ipsis morbis curare tentant, adeoque plures faciunt, quām Natura, Morbos.

Errorque hic magnâ ex parte oritur ex confusâ in Libris plerisque Medicis *Diagnosticorum* farragine. Utinam verò Tibi, vel alio cuiquam in rebus *Mechanicis & Mathematicis* versatissimo, otium foret & voluntas Notas *Characteristicas*, & *Analogiam* Morborum seriò considerare. Atque mihi persuasum habeo, fieri posse, ut Morborum genera, carumque in plurimis Casibus *Specificæ Differentiæ* determinentur. Desideratissimum hoc opus diu sum meditatus, tandemque ad Umbilicum duxi. Illud autem legens plures, relegensque, non tandem id esse repperi, quod optaveram, ideoque, quas meruit, dedicavi flammis. At ejus facti me nunc tandem pœnitet; quoniam, utcunque Operi impar, animam tamen alicui habiliori, ut idem perficeret, forsitan præbuisset.

Valeas, Vir magne, & meæ coram te tanto in Arte nostrâ magistro, loquacitati indulgeas, nimiumque festinanti scribere ignoscas. Diu, precor, hoc summo fruaris bonæ famæ Culmine, ut, omnes Docti & Boni, Te Amore & Veneratione, Omnes mali odio, Ignari invidiæ prosequantur.

Sum Tui Amantissimus,

E. Coll. Omn. Anim.

Sept. 10. 1719.

SEDWICK HARRISON.

¶¶¶¶¶¶¶¶¶¶¶¶¶¶¶¶¶¶

CUM ruri mecum de Evacuantium, & præcipue purgationis commoditate, in Secundâ Variolarum Confluentium febre, differe-
res, meamque in hâc re scire velles senten-
tiam, Observationes jam aliquas, quarum veri-
tati penitus inniti poteris, ad Te mitto.

I^{ma} Histor. A. D. 1703. Novemb. 17. Ad juvenem, annos circiter septendecim natum, accersitus sum. Variolarum Confluentium acerbiori, quâm unquam antea videram, genere la-
borabat. Illum *duodecimo die*, quantum memo-
riâ recolo, primùm invisi. Quo tempore febris Secunda vehementer sæviebat. Nullam à primâ morbi accessione dejectionem habuerat. Sensus omnes amiserat, quanquam Delirio vacaret: stu-
pidus tamen & Comate oppressus jacuit. Admo-
ta sunt Vesicatoria. Mecum autem interea re-
putavi fieri planè non posse ut mortem evade-
ret, si tanta intrò maneret Excrementorum co-
pia, quantam diuturno hoc tempore necessariò contraxerat. Itaque præcepi, ut *leni purgatio-
ne*, ex *Elect. Lenitiv.* in Aquâ aliquâ simplici
dissoluto, uteretur. Medicina hæc effectum ha-
buit mirabilem; nam adolescentis alvo *ter* mo-
tâ, tantam secum abduxit materiæ per quam
fœtidæ vim, ut astantes omnes obstupescerent.
Febris remisit: sensus rediere; & paulatim con-
valescens, sine aliis cujusvis Methodi ope, ad
integritatem pervenit.

II^{da} Histor. A. D. 1717. Maj. 11. Ad Virum,
triginta & tres annos natum, *decimo* morbi die,
accessi:

accessi: postquam huic aniculæ Vinum Canarium Crocumque, ad excitandas, ut ajunt, pustulas, affatim ingefferant: Variolæ erant ex Confluentium genere, eoque haud vulgari. Febris ac Phrenitis ita sævierunt, ut in lecto à tribus quatuorve hominibus contineri vix potuerit. Itaque Sanguinem copiosè detraxi; unde febris ad duos vel tres dies haud ita multum imminuta est; quanquam aliqua ejus, si non intermissio, at remissio faltem esse videretur. In scripta Tua de hâc re nobilissima, nisi jam tum, haud incideram, unde in dubio hæsi, an viam à Te præmonstratam insisterem. Itaque *Corticem Peruvianum* ad duos vel tres dies præscripsi. Sed cum ab hoc parum auxiliī perciperet æger, & *decimo quarto* jam die de vitâ periclitaretur, Vesicatoria adhibui: & præparatâ priis *Clystere* hominis alvo, & post ejus rejectionem, præcepto Anodyno, *purgationem* (primâ jam vice ex quo Librum Tuum perlegeram) institui. Hinc ad sanitatem rediit ille, quem omnes qui intererant morti adjudicârant.

III^{ta} Histor. A. D. 1717. Jul. 3. Curæ meæ commissus est infans, tres annos natus. Hic, quanquam Variolas comitaretur *Diarrhœa*, circa diem *decimum* vel *undecimum*, Secundâ febre graviter premebatur. Eum altero quoque die ad *quatuor vices purgavi*, priusquam febris discuti posset, quod tum quidem factum est, & infans brevi convaluit.

IV^{ta} Histor. A. D. 1717. Jul. 11. Juyenem, annos circiter sedecim natum, ab initio morbi curavi. Neminem unquam ita graviter laborantem, qui quidem superfuerit, vidi. Cognati ejus

omnes hoc morbo perierant. *Decimo* ab eruptione die, Secunda febris accessit. Paregorica, octavâ quâque horâ sumenda, præscripsi: sed nequicquam, cùm mala per duos dies ingravescerent. Quare Vesicatoria apposui, *Enemata* frequenter præcepi, & præsertim inter purgationis dies. *Decimo tertio*, sanguis missus est, at sine fructu. *Decimo quarto*, purgatus est: vesperique, haustum sumsit Anodynum; Febris inhæfit, verùm haud ita violenta. *Decimo sexto*, purgatione iterum usus est; unde febris intermisit. *Corticem*, & *Anodyna* adhibui; tamen adhuc revertebatur febris. Quamobrem res haud ex Sententiâ procedere animadvertens, cùm & febrem immorari, & appetitum deessè perciperem, Experiendiâ jam paulò audentior factus, Aug. 2^{do}, & morbi *vicesimo secundo* die, *purgantia*, refragantibus omnibus, rursus præcepi. Tum verò febris penitus excussa est, rediit cibi cupiditas, vires suas mirum in modum reparavit, brevique temporis spatio pinguis validusque evasit.

V^{ta} Histor. A. D. 1717. Aug. 24. Ad Virginem, sedecim annos natam, *nona* morbi die, vocatus sum. Variolarum Confluentium verissimo genere ægrotabat. Febris Secunda jam tum urgebat. Qui curam ejus habuit, quidnam age-ret incertus, consilii socium postulârat. Ego, quamprimum accessi, *Enema* præcepi, quod maximam secum materiæ fœtidissimæ copiam abduxit, & summum adolescentulæ levamen attulit. *Decimo*, post meridiem, *lenem purgationem*, ei ferè similem, cuius Dr. Levett in Literis ad Te datis mentionem facit, imperavi. Suum hæc ita præstitit officium, ut febris nunquam postea reyer-

reverterit; quanquam Medicus, quo prius usus est, & Nutrix, me illam de medio sustulisse palam clamitaverint, quippe qui Praxi in Variolis, ut asserebant, nemini prius tentatâ uterer.

VI^a Histor. A. D. 1717. Decemb. 5. Ad Virum invisendum, qui annum agens tricesimum octavum ex Variolis decubuit, undecimo morbi die, nocte mediâ, siquidem astantes eum jam-jam moribundum esse arbitrarentur, excitatus sum. Ego antea, non scilicet die, ad arcendum, si ita fieri posset, quicquid mali in flammatu hoc & Confluenti, quo laborabat, genere jure expectandum erat (præterquam quod Asthmate vehementissimè, idque ferè continuò, premetur) *Enema vesperi, & Catharticum* proximo die adhiberi jussoram; quorum tamen neutrum factum est, cum à me novem mille passus degeret, utque adeò hæc ut fierent, uti imperaveram, curare non possem. Adveniens pulsum, maximâ cum admiratione, ita vehementem simul ac celerem deprehendi, ut similem nunquam antea senserim. Sensus omnes defecerant: neque hominem ullum, neque rem ullam cognovit. Protinus itaque tria Vesicatoria apposui, *Catharticum* exhibui, sanguinem detrahi ad ȝ xiv jussi. Quamprimum Vena incisa est, eâ violentiâ prorupit sanguis, ac si pertusa esset Equi Vena; eumque ad quantitatem suprà dictam, intra horæ minutum, effluxisse mihi certò constat. Intra horas tres, præsentes cœpit agnoscere; & post duas vel tres dejectiones, febris valde tenuata est, & proximo die, circa meridiem (horâ à Venæ sectione duodecimâ) prorsus evanuit; homo autem non sine vicinorum omnium admiratio-

tione ad salutem perductus est.

Plurimos possem Tibi suprà expositis casibus similes enarrare, nisi hos sufficere arbitrarer ad evincendum, quantum commodi præstet Evacuatio, & præsertim ea, quæ *purgantium* ope efficitur, in Confluenti Variolarum genere, cùm Secunda Febris ægrotantem invaserit.

Id unum adjiciam: quòd, quantum observatione colligo, Venæ sectio, in suprà memoratis casibus, nullo modo adhibenda sit, aut hominibus ætate proiectioribus, aut fœminis Hystericis: siquidem isto modo eventum sæpius malecessisse comperi; res autem lenibus *purgationibus*, *Clysteribus*, Vesicantibusque ex toto committenda est. Et nuper quidem similibus casibus his aut ter interveni, ubi animæ defectio & languor perpetuus, nullâ quicquam proficiente Medicinâ, ægrotantes usque ad mortem comitabatur.

Sum Tibi ex animo devinctissimus,

Ashfordiæ, Sept. 19.

1719.

JO. BATE.



JO-

JOHANNES FREIND,

M E D. D O C T.

A D

Celeberrimum Virum

RICARDUM MEAD,

D E

Quibusdam Variolarum generibus

EPISTOLA II.

EDITIO NOVISSIMA.

BRITISH LIBRARY
MANUSCRIPTS DEPARTMENT
MS. ADD. 10900
FOLIO 100v



RICARDO MEAD,

M. D.

JOHANNES FREIND,

S. P. D.

CUM ex insperato mihi abunde otii suppeteret, & animus esset in his etiam rerum angustiis à nimiâ Sollicitudine liber, videbar mihi hoc quicquid est vacui temporis haud melius conterere posse, quam si consueta recollerem studia, & pauca iis, quæ pridem à me de *Morbis acutioribus* animadversa sunt, attexerem. Et id quidem libentiū facio, postquam perceperam ex eleganti illo, quem nuperrimè dono ad nos misit Cl. *Helvetius*, de *Variolis* libello, gravissimum hunc Scriptorem, vel nostris in mendendo vestigiis, vel eâdem saltem nobiscum viâ institisse. Etenim opus illud lectitavi aviditate cum majore dicam an voluptate: ita diligenter varia multumque inter se diversa *Variolarum* genera persecutus est Vir & doctrinâ & experientiâ Medicâ instructissimus, ita sapienter omnem curandi rationem tradidit, ut quamplurima, in quibus

quibus haetenus ferè cæteri defecerunt, hic unus feliciter suppleverit. Sed ne hic quidem omnia ita exposuit, quin Tibi, Vir Amicissime, quasi fato quodam reservari videatur id provinciæ, ut, quod in manibus jamdudum esse scio, plenum nobis aliquando des absolutumque de *Variolarum omnium* naturâ atque discrepantiâ commentarium.

Hæc adeo ad te potissimum, non tam instituti præoccupandi Tui quām provocandi gratiâ, perscribo: satis quippe habiturus unam aut alteram Historiam strictum attigisse, locum hunc Tibi integrum relinquam.

Discretum genus uti periculo vacuum esse, ita quoddam quasi novendiale opus, quod ipsa per se natura sine medicinæ auxilio expletura sit plerique tradiderunt. Id autem haud raro longe secus esse, & experientia testatur & monuit *Helvetius*; qui hanc etiam intra speciem *malignitatis* notas subesse advertit, febremque assiduè inhærescere pro maligni humoris tempeirie diversam. Et hujusmodi quidem ille *Variolas* luculenter satis explicavit: sunt tamen & *interstinctæ*, quæ utcunque notis ab eo descriptis careant, salutem in discriminem ultimum adducunt.

Rem liceat exemplis firmare. Puerulus paulò plusquam undecennis correptus est *Variolis* ita benignis quidem, ut is, cùm in totâ cute vix quadragenæ pustulæ extiterint, lecti impatiens in cubiculo luderet quotidie atque obambularet. Nulla prorsus intercessit molestia, donec non demum die pro more exarescerent papulæ.

Tum

Tum ex improviso febris vehemens excanduit; ita ut tum primum accersitus eum & nervorum distentionibus exceptum & lethargo etiam laborantem invenerim. Ut ex *Variolarum* reliquis, sive frigore sive quo alio casu in sanguinem reforptis, morbum hunc esse inductum arbitrabar, ita *Evacuantibus* præcipue & *Vesicatoriis* curandi viam ingressus sum. *Septimum* adeò post diem, licet non sine difficultate summâ, Febris, quæque ad illam accesserant mala, penitus abacta. Neque tamen is tragœdiæ finis: propius quippe aliud novum malum, nec opinatò exortum. Siquidem Nervi ita resoluti sunt, ut universi artus a Lumbis usque ad pedum digitos motum omnem amiserint. Neque eum ex hoc luætuoso casu aut ætas ipsa pullulascens, aut medicinæ ulla vis, nisi post experimentum femestre, expedivit. Humani scilicet corporis ea est infirmitas, ut aliquando etiam levissimâ labore contactum, vel errore vel incurriâ, maximis sit periculis opportunum: quare ille demum in morborum Scientiâ se plurimum profecisse sciat, qui ne minima quidem contempsit.

Sed & in hoc *interstincto* genere, & multiplex pustularum varietas, & magna morbi dissimilitudo reperitur; ubi nonnunquam & *Febris*, non minus ac in *Confluentibus*, intenditur, & periculum æquè minatur. Eam quidem, quæ, docente *Helvetio*^b, ad *Tertianæ* normam accedit, & certo circuitu invalefecit, in *discretis* nondum observavi. Est verò, ubi

ad

ad pus, uti oporteat, maturandum naturæ robur haud sufficit: tantumque abest, ut *quarto* demum exacto die, papulæ colorem floridum, hoc est naturalem, induant, & humore denso atque concocto, qualis *puri* competit, extumescant, ut nihil præter laticem quendam pallidum, prætenuem, & pellucentem contineant: unde & hoc genus nuncupatur *Crystallinum*. Quod non modò ad *Confluentes Variolas*, ut vult *Helvetius* c, sed ad *discretas* etiam aliquando pertinet. Est etiam ubi præ morbi, uti reor, cruditate, ne laticis quidem hujuscet tantillum in cuticulam exudat: elevantur solummodo, Vesicularum aut follicularum similes, pelliculæ rotundæ, concavæ, vacuæ, molles: licet aliquando in solidius quid & corneolum indurescant. Cùm hoc idem a rei similitudine nomen plantis quibusdam indiderint Scriptores *Herbarii*, quidni hæc *Variolarum Species* haud perperam a nobis dici possit *Siliquosa*. Est & aliud genus, de *Discretis* loquor, in quo neque pustulis aut lympha ulla illabitur, aut vacui quid spatii intermeat: quippe tuberculæ quædam protrudit natura, extra cutim utique extantia atque prominentia, sed quæ duritate (uti alias a indicavi) ad *Verrucas* simillima accedant. Hæ certè a *quarto* die ad extremum usque morbi decursum eandem faciem eandemque figuram immobiles tuentur. Malum hoc cùm sit haud adeò vulgare, exemplo pariter insigni illustrabo.

Vir confirmatâ jam ætate atque maturâ, ægrefcere

cere sibi visus est, quasi ex suscep^to frigore la-
boraret. Glandulæ, *Salivariæ* præsertim, ob-
structæ algoris ardorisque vices alternæ & repen-
tinæ: artubus, & maximè capiti dolor, isque
acutissimus, inhærescens. Temporum pulsatio,
auriumque tinnitus accessit. Ad hæc, quod vul-
gò in sinistrum omen nec injuriā fortasse accipi-
tur, animus formidine hanc ipsam ob causam per-
territus. Sed *Evacuantibus* tempestivè adhibi-
tis (in quo quidem ferè totius, quæ deinde fe-
cutura est, curationis cardo vertitur) melior re-
rum status; Variolæque quæ jam quasi in pro-
cinctu stabant, satis leniter evocatæ. Earum co-
lor, qualem esse decebat, vividus; copia, si nu-
merum spectes, ita non nimia, ut, cùm distin-
ctissimæ essent, per ampla non in cætero tantum
corpore, sed etiam in ipsa facie intervalla relin-
querent.

Tertius, a quo eruperint, dies aliquid leva-
menti attulit: ita ut, cum cæteris malis, etiam
capiti deceperit dolor.

Quarto, omnes omnia bona dicere & salutem
augurari: utpote ægroto, cùm alia rectè pro-
cesserint, a multititudine ipsa parum periculi
futurum. Neque aliud esse debuit Medicorum,
qui tum Experientissimi aderant, præsa-
gium. Nam *Variolæ* pro dierum ratione expul-
sæ fatis feliciter grandescere cœperunt; sed
dormiendi nulla facultas: & vesperi sanè res in
deterius inclinata; siquidem mente sensim la-
bascens, interdum aliena loquebatur. Eodem
modo & *quintus* effluxit dies.

Sexto, idem pustularum color, eadem mo-
les: par mentis agitatio errorque: nam licet

ad

ad vocum vultuumque discrimina distinguenda satis acer fuerit, deliranti subinde nulla garriendi satietas. Oculi vitrei, scintillantes, & orbe perpetuo volutati; eorum vasa sanguine admodum tumescentia. Somnus, illud laborum omnium & sollicitudinum perfugium, prorsus aberat. Neque ideo in pulsu motus ille incompositus, quem tanta Vigiliarum obstinatio facile induxerit. Quin ex temperie corporis judicanti, Febris vixdum inesse deprehensa.

Nox proxima magnis in molestiis acta. Alia atque alia aut obversata oculis, aut vanas exterrito ostentavere species: ita ut eum jam non intra verba despere, sed furere omnino & bacchari diceres. Adeò neque escæ, neque potui, nedum Medicinæ locus fuit.

Septimo itaque, pustularum idem tenor. Sed neque illæ, neque vacuitates interpositæ ullo modo turgescebant. Puris ne gutta quidem apparuit. *Verrucas* planè agnosceres, alias sessiles, alias eminentes. Neque eas morbus provectior vel minimâ quidem ex parte mutabat. Pulsus satis valens, & ad normam quam quis crederet adductior. *Petecharum*, ut interdum solet, germinatio nulla: nullus Salivæ cursus, quem & in *Discretis* (secus ac vulgo traditur) ubi confertiores fuerint, aliquoties notavi: nulla ultra mediocritatem Urinæ fluxio. Ea quidem per integrum mali curriculum limpida, tenuis, inturbida; *Pbreniticorum* scilicet propria. Adhibita sunt *Vesicantia*; *Clysteres* injecti: affixaæ *Cucurbitulæ*: Sanguis demum ex *Jugulari* venâ detractus. Siquidem in hoc ancipiti casu, Venæ aperiendæ præciditur omnis deliberatio: neque

neque enim in pustulis, quod retrocedat, materiae quicquam Pari modo ac in *Morbillis*, ubi *Pulmonum* inflammatio suborta sit, dum defluerint papulæ, frustra expectamus: quippe primo quoque arrepto tempore & quicunque is fuerit dies, si mederi volumus, Vena fidenter secunda. Is quidem expeditissimus *Revellendi* modus: quamque cæteris, etiam iis quæ in *Pedibus* fiunt, præcelleat *Fugularium* sectio, ubi cerebrum afficitur jampridem satis ostendi.

Hac ultimâ quidem auxiliī viâ, ad quietem est magis compositus: sic, ut astantibus obsequens, quicquid oblatum est assumeret. Sed nondum ulla mentis constantia: nec aut ineptire, aut etiam clamare desitum. Ita ad ultimum perstebat inanis illa loquendi profluentia. Accessit & hoc infortunii, quòd *Soporiferis* utcunque in subsidium vocatis, somnum, uti *Pbreniticis* omnibus præcipue necessarium, ita perdifficilem esse sentiremus. Vix enim ad horam unam aut alteram in *octonum* usque diem dormitum. Variolarum color etiamnum vividus: neque pallescere inceptum, donec ferè ad extrema ventum fuerit. His adeò aliisque medendi rationibus frustra adhibitis, cùm *triduum* inter tremores & deliria egisset, Febriculâ magis quàm febre occupatus, decimo demum post extrusas Variolas die, interiit.

Aperto capite, cerebri vasa ita extra modum undiquaque sanguine referta ac cumulata intumuerant, ut brevi certè periculum fuisset, nerumperentur illa & dissilirent. Et quidem rum-
pi

^e *Comment. Epidem.* 31. &c.

pi sæpiissime, ubi atrocitas morbi Caput præ cæteris corripuerit, docet Cadaverum Sectio.

Jamdudum advertis, Vir scientissime, quām bene promiserit Species Variolarum exterior: nam sub initio & morbi materia modica subesse, & in signis nihil nisi salutare videbatur. Sed intus quām contumax atque indomita fuerit mali vis, fidem fecit infelix exitus. Ita vel in *discretis* cavebit Medicus, ne nimiā sui fiduciā, ob id ipsum quia sint *Discretæ*, periculum abesse pronuntiet: cùm sit etiam hoc in genere, quod summum ejus acumen exerceat, & Medendi facultatem, quantamcunque ille tenuerit, sæpius illudat. Quod ad has quas recensui species attinet, me sic intelligi volo, non de pustulis quibusdam *Discreto* generi hinc inde enor̄miter interjectis, sed ubi eæ universæ per cutim undecunque effusæ eandem formam induant eundemque tenorem conservent, mihi sermonem fuisse. Cùm hæc inquam semel fuerit pustularum conditio, sive eæ *Crystallinæ* sint, si- ve *Siliquosæ*, sive etiam *Verrucosæ*, morbus rariſſimè, quantum ego experiundo didici, periculo vacat. Tuum erit, quo maximè Artis auxilio Natura jam fracta atque impotens sic erigi possit, ut ægro ex his augustiis evadendi pateat via, explicare. Quippe si qui præjudicatâ opinione hanc vel illam medendi viam perpetuò esse tenendam putant, næ ii maximo sunt in errore. Oportet enim varium sequi curandi genus: modo *Cardiacis*, mitioribus faltem, insistere; modo ea ipsa negligere: interdum *Evacuantibus* rem totam committere, interdum iis non nisi parcīus uti. Prodest in aliis casibus somnum quo-

cunque modo arcessere; in aliis, simillimis licet, hâc medicinâ prorsus abstinere. Est ubi præ cæteris ipsum *Variolarum* statum & tempora intueri convenit; est ubi id ipsum erit inutile. Siquidem frequenter his in rebus non modò ad *Pulsum*. (cujus quæ sit aliquando vis, ut alii nimis facilè negligunt, alii licet ei tangendo insenuerit, ne intelligunt quidem) sed ad *Spiritum* maximè respicere debet peritus artifex; & inde potissimum opitulandi indicia optima arripere. Tu, quâ es Experienciam, hoc omne quicquid est sive difficultatis sive judicii expedes: id enim a Tuis lucubrationibus jure videmur expectare, ut, quemadmodum cæteri item hanc Artis subtilitatem consequantur, efficias.

Sed ad argumentum revertor. Variolis inter initia, & sub ipso etiam incremento, signum commune, *Delirium*: idque per se parum fatale. Sed hîc quoque advertis alium fuisse morbi cursum, neque, nisi *quarto* post pustulas exclusas die, *Pbrenitin* accessisse. Eam quidem, ubi hoc tempore post *Variolarum* exitum supervenerit, tam mali ominis notam censeo, ut, qui hoc periculo conflictatus ad sanitatem pervenerit, ferè neminem adhuc viderim. Hæc Species ab iis, quas *Discretarum* nomine adumbravit magis quam expressit *Sydenhamus*, quam longissimè absint, vides. Ille ferè non nisi benignissimas descripsit: in his, cum morbi forma diffimilima sit & temporum momenta multùm diversa, alia itidem tenenda erit medendi ratio.

Restat & alia Species *Confluentium* quidem ut plurimùm comes, non tamen ita constanter propria, quin & *discretis* aliquando conveniat. Hæc

Variolarum omnium longè teterrima: eam intellico, in quâ per corporis meatus, modò hos, modò illos, *Oris* puta, *Urinæ*, *Alvi*, &c effluit dissolutus sanguis. Vidi mulierem, cui citra molestiam ullam repente & uno quasi impetu eruperint *Variolæ*, *distantæ* illæ quidem, licet numero haud mediocri. Per *biduum* omnia pro voto cesserunt; pustulæ cùm satis elevatæ, tum coloratæ & floridæ. Sed unius noctis spatio, eæ ipsæ cunctæ in lividas & purpurascentes vertabant, lucretiosi nimirum exitus prænuntiæ. Nam suborto per *Urinæ* vias Sanguinis profluvio, brevi extincta est.

Vidi etiam, ubi & in *Cobærentium* genere, & corpore insuper robustissimo hoc exitiabile malum exstiterit. Ante eruptionem nihil singulare; communia tantum Signa præcesserunt. Protrusis variolis, omnia quieta; neque quicquam ei condoluit. Pustulæ depresso, sic tamen ut extra cutim, *Verrucarum* more, eminerent. Pustis ne vestigium quidem ullum. His autem aliæ hinc & inde interpositæ papulæ, tum *Crystallinæ*, tum *Siliquosæ*. Sed eadem profus pustularum facies ad octo usque dies constitit. Atqui nec tantillum febriculæ accessit. Secundo die, Sanguinem ore expuit, dolore omni & Tussi vacuus. Et hunc quidem jugiter cursum tenuit Sanguis, ut singulis diebus libra ad minimum profluxerit. Ille interim, ut suæ omnino mentis fuit, ita integer sibi viribus videbatur. Sanguis semel atque iterum detractus: & adhibita illa, quæ, *Arabum* propria, ex *Astringentibus* atque *Acidis* constat, quæque huic geneti maximè convenit, medendi ratio nequicquam. Octavo quippe,

pe, alvus multum croris demisit: unde æger fensim collapsus, animam placide expiravit.

At omnium in hoc genere, quibus interfui, notabilem imprimis minimèque vulgarem casum finas me Tibi paucis exponere. Mulier adultâ jam ætate cuique roboris multum suberat, ex morbo decubuit. Nam præterquam quodd Febris aliquantulum incalesceret, is dorso infimo inhæfit dolor, quasi Serrâ circumsecaretur: quallem in eâ morbi Specie, quæ a Medicis *Lumbago* dicitur, sentiunt *Rheumatici*. Neque per triduum de acerrimis hisce cruciatibus quicquam remissum. Tandem præter expectationem emicuerunt *Variolæ*, exiguae, rutilantes, flammeæ; confertæ quidem, ita tamen ferè paribus intermissæ spatiis ut inter se parum contingerent. Per biduum adeò pustularum in eodem statu permansio. Tertio autem, dolor omnis cum febre evanuit. Quarto, pustulæ paulò magis ad livorem inclinatæ: & tum vi multâ, tum copiâ ingenti per Urinæ itinera erupit Sanguis; neque malum hoc aut postridie, aut die perendino compressum. Sexto enim, cùm jam prorsus exhausto Sanguine attererentur vires, unaquæque propè (quantum oculis sequi licuit) pustula, tanquam acu punctum incisa, se ultiro disrupta: à quâ veluti à Centro minutissimi tractus, Sanguine interstincti, *Radiorum* more, ducebantur. Itaque brevi mors, eaque minimè difficilis, subssecuta est.

Id autem in hâc Specie quasi perpetuum notavi, quod licet modo sine molestiâ omni, modo non sine angoribus maximis prodeant *Variolæ*, ultimos tamen dies, & Febre & dolore

atque alienatione mentis omni liberos omnino extitisse. Sed heu ! fallaces quietis induciæ, & inanis nostra omnis contentio ! neque enim quisquam , quæcunque per medendum experienta agerentur , quantum mihi saltem videre contigit , hujuscemorbi difficultates eluctatus est.

Sed de acerbis hisce casibus plus satis. Vereor enim, ne non tam Epistolam , quam libellum ad te mitti credas. Id autem unicè volui , ut Tibi non nimiùm festinanti hos quasi quosdam stimulos admoverem. Multa habes de omni Variolarum genere, multa de earum vario cursu domi exarata ; plura de optimâ curandi viâ ex tuo proprio penu potes adjicere : quæ adeò cùm ab aliis ferè adhuc intacta fuerint , ut ea demum elucubrata atque perfecta nobis aliquando impertias , haud frustra de Te pollicemur. Vale. Vir Amicissime ; & scias hoc mihi nunquam posse Fortunam , ut , quibuscunque in locis fuero , eam quam debeo , memoriam Tui conservem.

*Mart. 30,
1723.*

P. S.

Ego scribo hoc , cum permissione atque etiam indulgentiâ Præfetti , in præsentia Warderi : qui cùm in Scribendo me non multum adjuvet , facit quod tibi gratum fore reor , ne longior sim.

INDEX RERUM

Cujus Numeri Capitales designant
ultimam Epistolam.

A.

- A**bscessus vel circa præcordia vel in pulmonibus sæpe
fiunt a variolis, 74
Ægri variolis confluentibus laborantes, omnia licet be-
ne procedant, unde post diem unum vel alterum re-
pentina morte quasi occumbunt, 96
Alaffabuſ chalifa variolis periit A. D. 753. 58
Alvus cita quando a scriptoribus inter signa variolarum
maxime funesta ponitur, 45
Alvus in variolis quando subducenda. vid. Purgantia.
Alvus si sit fluentior in variolis, morbus plerumque fit
diurnior, 45
Alvi fluxio sponte oborta, quare aliquando exitio fue-
rit, & quid tunc significat, 79
Alvi fluxus sponte excitati sæpe salutiferi in variolis,
91, 94
Alvum omni aut alterno saltem die vel clystere vel glan-
de subdita solvi præcipiunt nonnulli ex Arabibus, 45
Alexipharmacorum calidiorum in variolis & febribus pu-
tridis noxæ, 96, 97
Angina si adsit in variolis vel morbillis vena secunda, 21
Arabum plurimi in variolis primis morbi diebus alvum
leniri volunt, 45

B.

- B**olus cardiacus ad pustularum variolosarum eruptio-
nem promovendam, 12

C.

- C**ardiaca in variolis quando præscribi possunt, 12,
36, 41, 44, 48, 77
Cathartica adhibita in variolis laborantibus, & qui ta-
men inde perierunt semper ad tempus aliquod fuerunt
levati, 79
— in ipso variolarum curriculo in usum trahere,
non suadendum, 45
— leniora quando sola in febribus conducunt, caſ-
que

I N D E X

- que cutant, 80
 ----- quando dare licet in variolis, quamvis has co-
 mitetur Diarrhoea, 201
 ----- quare valde apta sunt ad protrudendas variolas,
 & alias pustulas, 98
Cathartico lepi opportunoque saepius abiguntur omnia
 mala symptomata variolarum, quae in crisi minantur
 tragœdias, 97
Catharsis in plenis oneratisque casibus variolosis, utcun-
 que optime procedant secretiones, omnino necessaria
 est neque ea sera, 96
 ----- rite peracta, & bene disposita in omnibus omni-
 um generum Morbis, ubicunque & quandocunque
 adsit vel immineat Constipatio vel Plethora, ibi non
 tantum tuta sed & necessaria, 95
Cicatrices variolarum quonam remedio amovendæ, 59
Clyster acris quanno in variolis cohærentibus injiciendus,
 14, 25, 37, 46
Clyster ad fluorem ventris nimium sistendum in vario-
 lis, 43
Concoctio acceleratur crudioris humoris purgatione sive
 sponte sive arte ea contigerit, 85
Constipatio aliquando accidit ex mera naturæ imbecilli-
 tate, 96
 --- ex nimio & pertinaci calidiorum Alexiphar-
 macorum usu contingit, 96
 --- in variolis non tantum accidit in crisi vel febre
 secundaria, sed quandoque etiam in morbi initio, 97
 --- quid, 96
Corticis Peruviani abusus in febre variolis superveniente,
 82, 95, 102
Contrayerve radicis usus in variolis cohærentibus, 24
Crocus in variolis quomodo & quando potest exhiberi,
 12, 24, 77
Cucurbitarum in variolis usus, 13, 14, 23, 26,
 30, 47, 50, 52

D.

- D**ecodi Laccæ Lentiumque usus 59
 Delirium in variolis quando fatale, c x v.

R E R U M.

-- variolis inter initia, & sub ipso etiam incremento, signum commune est, & per se parum fatale, cxv.

Diarrhoea non obstante, quando Catharticum in variolis exhibere licet, 201

Dysenteria in variolis vel morbillis, quando venæ sectionem postulat, 21

E.

<i>Electuarii</i> lenitivi usus in variolis,	76, 200
<i>Emeticum</i> ante variolarum eruptionem	91
<i>Emetici</i> usus in variolis,	98
<i>Enema</i> in variolis quando conductit,	13, 14, 25, 26
28, 29, 32, 33, 36, 38, 39, 44, 48, 49, 50,	
52, 76, 77, 101, 102, 102, 103, 104	
<i>Enema</i> mulieri gravidæ applicatum in morbo varioleso, instantे partū	38
<i>Exinanitio</i> in variolis quando necessaria,	96
<i>Euacuantia</i> non obsunt tumorī manuum neque sputationi variolis supervenienti,	33

F.

<i>Febricula</i> post variolas remanens, lactis asinini usu sublata,	53
<i>Febris humor</i> ubi ad fauces defluxerit, purgandum,	83, 84
<i>Febris</i> aut ignis sacer, si capite vulnerato corripuerint, purgandum,	83
-- nonnunquam in variolis distinctis non minus ac in confluentibus intenditur, & periculum æque minatur	cix.
-- putrida quæ undecimo die, variolis confluentibus laborantes adoritur, ab ipsis variolis prorsus est diversa, & unde nascitur,	80, 81
-- quæ variolas paulo spissiores constanter sequuntur, magnas excitat molestias,	82
-- remissioni nunquam sub variolarum exitu fidendum, & quomodo expugnanda,	82
-- si non cessat, vel alia gravia symptomata, cum apparent variolæ vel Morbilli, sanguinem mittere licet,	21

I N D E X

- Febri si ortum dederint putridi humores purgatione
vacuandi sunt,* 85
- Febres quædam sunt, quæ nullam fere aliam curationem
recipiunt, nisi lenioribus Catharticis institutam,* 87
- Fibrarum tonus mollis & laxatus, quid facit in morbis,* 97
- Furunculi post variolas apparentes quid indicant,* 42
- G.**
- Gravidæ mulieris variolis laborantis historia,* 34
- H.**
- Hausus purgantes in variolis cohærentibus,* 15,
26, 29, 32, 37, 40, 46, 77
- Humores putridi ubi febri ortum dederint purgatione va-
cuandi sunt,* 85
- Hirudinum applicatio ad venas temporales contra delirium
in variolis,* 53
- I.**
- Inflammatio summa si ingruat in variolarum matura-
tione vena secundâ,* 21
- Ignis Sacer aut febris, si, capite vulnerato, corripue-
rint, purgandum,* 83
- L.**
- Laetæ Lentiumque decocti usus,* 59
- Lactis asinini usus ad febriculam tollendam, post
variolas superstitem,* 53
- Lethargus in variolis vel Morbillis, quando venæ Se-
ctionem requirit,* 21
- M.**
- Materiæ variolosæ acerrimæ pravus effectus,* 34
- Manuum tumor in variolis, purgantibus non eva-
nescit,* 80
- Medicina in variolis cohærentibus non ad temporis men-
suram, sed ad morbi momenta accommodari debet,* 14, 15, 71
- -- paulo calidior quando in variolis conducit, 11, 12
- Medici munus est ut naturam sequatur,* 98
- Naturam ubi opus est, arte debent inflectere &
regere, 89
- un-

R E R U M.

----- unde saepe plures morbos faciunt quam natura.

----- officium est, ut ægrotantium vitas, quo usque
id arte efficere potest, protrahat, utcunque ad breve
tempus duraturas,⁹⁹

Medico non semper imputandus error si quando parum,
ex sententia cesserit rei exitus,⁷⁵

Mistura cardiaca in variolis cohærentibus,⁷⁸

Morbi quantitas facit plethoram,²⁵

Morbilli cum apparuerunt per unum diem, deinde de-
litescant, tunc statim mittendus sanguis,⁹⁶

--- in una corporis parte, in altera variolæ dicun-
tur erupisse,²¹

--- si febris non cessat, neque alia gravia sympto-
mata, licet appareant; tunc statim sanguis mitti po-
test,^{39, 40}

Morborum genera eorumque in plurimis casibus specifi-
cæ differentiæ quomodo possunt determinari,²¹

Mors repentina in variolis confluentibus unde & quo-
nam præcipua morbi tempore accedit;⁹⁹

Mucilaginis ex Cydoniorum semine usus in variolis,⁹⁶

N.

Natura semper simplex est in suis viis,⁹⁸

Naris infimæ septi erosio a materie variolosa acer-
rima,

Natura quomodo & quo usque in morbis curandis sequen-
da,³⁴

Naturæ imbecillitas constipationis causa,^{88, 89}

Nervorum resolutio a variolis discretis,⁹⁷

O.

Ophtalmia gravis in variolis & morbillis quando ve-
næ sectionem requirit,²¹

Opiata in omni pustularum eruptione promovenda, opti-
ma,^{12, 31, 32, 33, 37, 44}

Opiatis non frigida inest vis, quæ humores constringat
& reprimat,¹²

Opii usus in variolis,³⁵

Opitulandi indicia in variolis, unde præcipue arripienda cxv

Oxymellitis usus in variolis,⁷⁷

Po-

I N D E X

P.

- P**apulae rubræ in ipsis variolarum intersticiis aliquando apparent, 39
Paregorica non semper optatum effectum præstant in variolis, & quare, 102
Peripneumonia notha quomodo a Sydenhamo fuit curata 86
Pkrenitis quando mali ominis in variolis, cxv
 -- -- -- obstinata si adsit in variolis vel morbillis, vena
 næ Sectionem requirit, 21
Pletbora in variolis sit ab ipsa morbi mera quantitate,
 & requirit exinanitionem, 96
 -- -- -- quibus signis innotescit, 96
Puerperæ variolis laborantis historia, 38
Pulmonum inflammatio si suboriatur in morbillis, vena
 statim secunda, cxiii
Purgandi ratio in febribus putridis aliisque etiam, quæ
 paulo difficilius solvuntur, ab omni retro antiquitate
 ad nos tandem defluxit, 83
Purgandi ratio quare in variolis felicius opportuniusque
 exercetur in adultos, quem in impuberes, 78
Purgantia ad arbitrium possunt moderari in variolis,
 vel medicinæ quantitate, vel longioribus intervallis
 exhibendo, vel ea quæ sunt mitissima remedia, 80
 -- -- -- in acutis & multis varii generis febribus særif-
 sime ab Hippocrate fuerunt tentata, 83
 -- -- -- in quibusnam casibus ab Hippocrate fuerunt ad-
 hibita 83
 -- -- -- in variolis non modo noxa vacant, sed ægro-
 tantium commodis apprime serviunt, 79, 80
 -- -- -- in ulceribus quando exhibenda, 81
 -- -- -- non nimis sero in variolis debent exhiberi, nec
 exspectandum donec salus in præcipiti sit, 79, 80
 -- -- -- omnibus saluti fuerunt in variolis, nisi in re,
 omnium judicio, plane desperata, 78, 79
 -- -- -- optatum effectum non semper præstare possunt
 in variolis, 77
 -- -- -- quando in tumore jam in pus converso, vel pu-
 re educto profundunt, 81
 -- -- -- quando tuto possunt & debent exhiberi in va-
 riolæ

R E R U M .

<i>riolis cohærentibus</i> ,	13, 16, 25, 26, 29, 32, 33
34, 37, 40, 41, 46, 47, 50, 51, 53, 54, 68	
70, 71, 74, 75, 67, 84, 87, 94, 97, 98, 100,	
	101, 104, ad cxi
<i>— — unde medici tantopere timent exhibere in variolis</i>	80
<i>Purgantium utilitatis recensio in variolis</i> ,	53
<i>— — — — usus in variolis antiquissimus</i> ,	67
<i>Purgantibus qualibus usus fuit Hippocrates in febribus</i> ,	84
<i>Purgantibus quando medicus potest abstinere in variolis</i> ,	87
<i>Purgatio nona haud clapsa die institui potest aliquando</i>	
<i>in variolis cohærentibus</i> ,	14
<i>— — præpopere adhibita in tumore jam in suppurationem</i>	
<i>abituro quare nocet</i> ,	81
<i>— — quando in febribus acutis conducit, si ad sui excretionem invitet materies</i> ,	83
<i>Purgatione crudioris humoris, sive sponte sive arte ea</i>	
<i>contingat, acceleratur concoctio</i> ,	85
<i>Putrida materies ubi corpori inhæserit, sola purgatione abducenda</i> ,	85

R.

Rabarbari usus in variolis, 29, 34, 37, 40, 44
50, 51, 53, 69
Remedium anceps præstat quam nullum, 75 & quare 77
mitabile ad amovendas variolarum cicatrices a
quoniam descriptum, 59

S.

Sanguis jam eruptis variolis, ex natibus aut ex uteri-
nis viis fluens, permultis salutiferum, 19
— omni tempore in variolis mitti potest, si adsint
indicantia, 21, 34, 38, 46, 47, 48, 49, 50, 94
96, 97, 103
--- quando ex jugulari vena detrahendus, cxii, cxiri
--- si vel adsit inflammatio vel plenitudo, etiam
proruptis variolis, fiderenter mitti potest, 18, 19
--- statim mittendus si variolæ vel Morbilli apparue-
runt per unum diem, & deinde delitescunt, 21
Sanguinis detractione per Cucurbitulas in variolis quando
convenit, 13, 14, 23, 26, 30, 47 76
Sanc.

I N D E X.

<i>Sanguinis</i> dissoluti fluxus per varios corporis meatus,	
pessimum signum in variolis	cxvi
— excretionis per os ad libram singulis diebus in	
variolis, exemplum,	cxvi
— mictus in variolis brevi lethalis exemplum, cxv,	
	cxvi, cxvii
— missio in variolis ab Arabibus commendata, 59	
— tractus minutissimi radiorum instar in unaquaque	
variolosa pustula observati,	cxvii
<i>Secretiones</i> unde non omnino, aut non recte peraguntur,	
	96, 97
<i>Septi</i> <i>naris</i> infimæ erosio a materia variolosa acerrima	34
<i>Sevi agnini</i> usus in variolis,	29
<i>Spiratio</i> difficilis in variolis venæ sectionem requirit,	21
<i>Stamina</i> mala quid faciunt in morbis,	97
<i>Sputatio</i> intercepta vel nulla quando pessimum in vario-	
lis cohærentibus signum,	14
— in variolis cohærentibus nulla observata,	13
<i>Sputorum</i> copia incredibilis in variolis cohærentibus,	31
<i>Sputationi</i> , neque tumori manuum obsunt evacuantia in	
variolis,	33
<i>Syrupi</i> de Meconio usus in variolis,	32
<i>Symptomata</i> pro ipsis morbis sæpe curantur, & quid in-	
de malo,	99
<i>Symptomata</i> omnia mala in variolis, quæ in crisi tot mi-	
nantur tragœdias leni opportunoque Cathartico sæpius	
abiguntur,	97, 98

T.

Tumor erysipelatodes si caput occupet in variolis vena sub lingua vel sub auribus aperienda, 21, 22 manuum in variolis purgantibus non evanescit, 80 **Tumori** manuum nec sputationi obsunt in variolis eva-
cuantia, probatur exemplo, 33

V.

Variolæ ab Arabum usque imperio initia duxisse vi-
dentur, 55
--- - - Arabum ætate aliquando lethales fuerunt, 57 58
--- - - confluentes quando dicuntur bene procedere, 96
--- - - confluentes rariores sunt in Germania quam in
An-

R E R U M.

- Angelia,* 74, 75
 -- - - crystallinæ quænam vocantur, c x.
 -- - - discretæ non semper periculo vacare probatur va-
 riis exemplis, c v i i i. ad c x i v.
Variolæ & Morbilli cum apparuerunt per unum diem de-
 inde delitescunt, tunc statim mittendus sanguis, 21
 -- - - fere semper mites evadunt in iis, quibus vel
 emeticum exhibitum, vel ipsa Natura in principio
 dederit aliquas alvi dejectiones, 97, 98
 -- - - haud raro sibi invicem succedunt, 39, 40
 -- - - interstinctæ multiplicem habent varietatem, &
 magnam morbi dissimilitudinem, c i v.
 -- - - nonnunquam & pustulis tum verrucosis, tum
 crystallinis, aliquando & corneis reperiuntur interstin-
 ctæ, 39, 40
 -- - - sæpe denuo germinant, & recenti quadam fo-
 bole succrescere dicuntur, 39, 40
 -- - - siliquosæ quænam c v i i i i. c x.
 -- - - verrucosæ quænam, c x.
Variolarum materia purulenta viscera interiora aliquando
 occupat, 74
 -- - - suppuratarum non eadem est ratio, quæ tumo-
 ris alicujus jam in suppurationem abituri, 81
 -- - - varia genera ab Arabibus observata, 60, 61, 62, 63
Variolas curandi methodus, quare nulla certa datur, 74
 — curandi non semper eadem adhibenda metho-
 dus, c x i v. c x v.
 — in una parte, in altera morbillos erupisse obser-
 vatum fuisse scribitur, 39, 40
 — in quanam regione exordia habere primo obser-
 vatum est, 56, 57
 — quis primus descripsit? 56, 57
Variolis accedens delirium quando per se parum fatale,
 & quando mali ominis, c x v.
 — confluentibus laborantes, unde & quando inpri-
 mis repentina morte occumbunt, 96
 — laborantium quidam casus, qui alvi fluxu spon-
 te excitato, curati fuerunt, 90, 91
Variolæ materia accerrimæ prævus effectus, 34
 —

INDEX RERUM.

- Vena* quando nulla habita ratione diei in Morbillis secunda, cxi.
- quando aperienda sub lingua vel sub auribus in variolis, 21, 22
- Venæ secundæ consuetudo* in variolis ab omni tempore, & ubique invaluit, si variolis licet prodeuntibus, malum adhuc ingravesceret, 22
- Venæ sectio* in febre putrida variolis superveniente, a quibus maxime commendatur, 70, 80, 82
- Venæ sectio* in muliere grida, instantे partu, instituta in varioloso morbo, 38
- in hominibus ætate provectionibus, aut fæminis hystericis variolis confluentibus laborantibus nullo modo adhibenda, 104
- in plethora plerumque necessaria, 95
- in variolis quare a plurimis perperam neglecta, 22, 23
- quando post variolas egressas institui potest, 18
19, 46, 47, 70, 100, 101
- Ventrī fluor* etiam citra ægrotorum exitium, in variolis aliquando potest consistere, 45
- Vesicantia* cruribus applicata, horum utilitas & necessitas in variolis, & omni fere febrium genere, 28
- carpis applicata in variolis cohærentibus, 13
- Vesicatoria* brachiis utrisque in variolis quando applicata, & quibus effectibus, 11, 23, 27, 34, 46, 47, 49
- infra Cubitum, & suris utrimque applicata in variolis cohærentibus, 24
- mulieri gridae applicata instantē partu in variolis, 38
- tibiis applicata in variolis confluentibus, 97
- Vesicatorium* capiti tonso applicatum, quando in variolis cohærentibus adhibendum, 14
- nuchæ applicatum in secundaria variolarum febre, 13, 25, 27, 32, 33, 42, 46, 48
- Viscera* interiora aliquando occupantur a materia purulenta variolatum, 74
- Urina* quando ad crassitatem devenit in acutis febribus putgandum, Y. 84
- Ypococuamæ usus* in variolis, 98

F I N I S.



